

6825  
2022

INSTITVTIONVM  
AD OBLATOS  
S. AMBROSII  
PERTINENTIVM  
EPITOME

*In Libros Quatuor distributa*

CAROLI S. R. E. Cardinalis  
Tit. Sanctæ Prædix Archiep.  
Mediol. iussu

EDITA.

5 III



M E D I O L A N I,

---

Apud Dominicum Bellagattam.  
M. DCC. XVI.

REIMPRIMATUR.

*F. Dominicus Felix Marinus S. T. M. & ProCommissarius S. Offitij Mediolani.*

*Carolus Franciscus Curionus pro Eminentiss. & Reverendiss. D. D. Cardin. Odescalco Archiep.*

*Angelus Maria Bladdius pro Excell. Senatu.*



CAROLVS  
S. R. E. PRESB. CARD.  
TIT. S. PRAXEDIS  
DEI ET APOSTOLICÆ SEDIS  
GRATIA ARCHIEPISCOPVS  
MEDIOLANI  
OBLATIS

Salutem in Domino.



Vnctandem Filij, quas iamdiu  
à nobis expectasse vos, vel po-  
tiùsexpetisse scimus, Congre-  
gationis nostræ institutiones  
in manus vestras editæ ve-  
niunt. Prodeunt illæ nunc  
quidem ex intimis animi no-  
stri sensibus in lucem, in sinumque vestrum re-  
ctà festinant. Vestra iam interest, promptè eas  
excipere, libenter amplecti, diligentissimè ob-  
servare, atque in eo honore semper habere, quem  
& earum æquitas cum incredibili Ecclesiæ no-

stræ vtilitate coniuncta, & nostra erga vos pietas, & fides vestra, & vestrum obediendi institutum efflagitare videtur. Nam labor noster, ac studium, quod in hisce condendis adhibuimus, irritum planè esset, & vos præterea omni fructu, quem ex illis capere oportet, omnino careretis, Si vos operæ, sollicitudinique nostræ vestris animis, studiisque vestris, haud respondeatis, hæcque nostras, quas vobis in præsentia offerimus institutiones, toto pectore non amplectamini. Quare, ne id accidat vnquam, magnopere cauere debetis. Nam vt corporis humani constitutio absque neruis, & compagis vinculorumque adminiculo cohærere, vimque suam conseruare non potest; sic societatis huius corpus neq; stare, neq; contineri valet sine certis quibusdam institutionum quasi vinculis. Variæ quippe sunt, ac multiplices animorum propensiones, diuersa studia, atque mores. Quamobrem, nisi quibusdam præceptorum sanctionibus Collegia connectantur, & ad vnum finem dirigantur, ne quamprimum dissoluantur, dirimanturque, periculum est. Illis enim voluntatum varietas, studiorum diuersa ratio, morum dissimilitudo temperatur; dispersa colliguntur; dissipata colligantur; multa demum vnum efficiuntur. Cum omnes autem, qui se in aliquam societatem aggregarunt, magnam adhibere oporteat diligentiam, & curam, ad eius societatis leges cognoscendas, atque obseruandas, tum vos id maximè

ac



ac diligentissimè facere omnino debetis. Magna enim principiorum est vis, ac latius emanans, seque in omnem partem innata quadam facultate diffundens. Atque ut ab radice arbor, & à fonte efflunt riui: ita suis principijs cetera quoque omnia respondent. Cum igitur huius Congregationis vos ipsi primordia, & quasi primitiæ sitis; illud in animum planè inducere debetis, & quasi altiùs figere, vestrum hoc in genere exemplum plurimum esse momenti, non solum apud præsentis, sed apud posteros etiam habiturum: in eamque propterea toto pectore curam vobis esse incumbendum, ut quam optimum, atque præstantissimum sit exemplum istud vestrum. Vos estis Filij tanquam Ciuitas in altissimo monte sita, & oculis omnium exposita. In vos præsens hominum ætas, in vos Posterianimos, mentesque conuertent. Quapropter cauendum vobis est, ne quid indecorum, ne quid remissum, ne quid ab instituta Vitæ ratione alienum in vobis animaduerti villo vnquam tempore possit. Vos estis lucerna Congregationis huius in sublimi candelabro, vnde in omnes partes splendor, lumenque diffundatur, accensa. Vos estis sal, quo cætum hunc Oblatorum in omnem ætatem condiri oportet. Maneat igitur præclaræ mentis vestræ, præstantiumque actionum splendor in omnem ætatem: Vigeat virtutum vestrarum memoria in omnia sæcula. Nihil vnquam de honesto studio; nihil de præstanti in quouis virtutis

tutis genere contentione remittite. Non quantum profeceritis, sed quantum ab Antiquis illis probis huiusce etiam Ciuitatis Sacerdotibus, quantum ab Apostolis, quantum ab ipso IESV CHRISTO Domino nostro absitis, vobiscum cogitate. Hasce institutionis vestræ Regulas in manibus semper, multo autem magis in animis, & in actionis usu habete. Nihil in his temere, nihil inconsideratè positum est, nihil superuacaneum, nihil inutile. Omnia à nobis diligenter expensa sunt, & cum lectissimis, sapientibusque Viris collata; & quod caput est, magnis ac diuturnis precibus, atque etiam lachrymis à Deo postulata, & vt speramus, impetrata. Quare, neque quicquam est, quod in his iure contemni possit, aut parui æstimari debeat. Omnia enim tum ad animarum salutem procurandam, tum ad ipsam Congregationem conseruandam ita spectant, vt, si quidpiam eorum omittatur, vel vestrum officium cum aliquo animarum dispendio desiderari, vel statum ipsius Congregationis damnum facere necesse sit. Sed de his satis. Reliquum iam est Filij, vt Vos Congregationem istam Oblatorum Sancti Ambrosij, quam nos totius Mediolanensis Ecclesiæ causà instituisse scitis, sic complectamini, vt illam & virtutum vestrarum exemplis foueri, & spiritualibus progressionibus ornari, & benefactis auctiorem, splendidio remque reddi, in eaque amplificanda neque piam voluntatem, ardensque studium,

neque

neque promptam obedientiam, officiumque perfectum in vobis desiderari cognoscant omnes: Vobisque præterea persuadeatis, nos, pro Archiepiscopalis nostri muneris ratione, proque paterna charitate, qua vos vnicè in CHRISTO diligimus, Vestras in via Domini progressionem, quantum in nobis est, perpetuò esse adiuturos, de vobisque adeo sollicitos fore, ut, quemadmodum pro Ecclesiæ huius salute non inuigilare solum, sed vitam etiam profundere, si opus sit, parati sumus; ita nihil inexcogitatum, nihil intentatum in posterum simus relicturi, quod ad vestras omnium, vestræque Congregationis rationes pertinere arbitramur. At verò ut immortalia denique præmia reportetis, abundantiorque indies Diuinam gratiam consequamini, Deum orabimus, obsecrabimusque omni assidua prece. Dat. Mediolani, Idib. Septembris M.D.LXXXI.



# INSTITVTIONVM

AD OBLATOS PERTINENTIVM.

EPITOMES.

LIBER PRIMVS.

DE SCOPO OBLATORVM,  
& Congregationis illorum fundamentis.

## C A P. I.

**O**BLATORVM Congregatio cum ex hominibus constet, qui Sanctissimo Patri Ambrosio, Ecclesia Mediolanensis Antistiti, & Patrono, ultro suaque sponte se se offerunt; debent illi profecto omnes sibi persuadere, ad multiplicia huius Ecclesiam munera fungenda, & ad pia, praeclaraque opera praestanda se se vocari. Hosenim Ambrosio Duce militantes, qui tam strenuè, dum interris fuit, pro Ecclesia Mediolanensi se gessit, illius exemplo labores quosque perferre, difficillima quaque superare, omne virtutum genus complecti, animasque tandem, omni sanctarum virtutum contentione ad CHRISTVM ducere oportet. Quare ita etiam se conformare omni no debent, ut in rebus gerendis, atque in omni viuendi ratione, sanctum quandam animi ardorem perpetuò sentiant, atque alant. Vim autem istam animi insignem, praeclaramque virtutem, tum demum assequi se posse confidant, si huius quidem Diocesis Animas, quasi fructum esse uberrimi  
A agri,

agri à Sanctissimo illo Patre nostro exculti, meminerint in primis; tum dies noctesque secum cogitauerint, agrum hunc à præstantissimo illo viro diuinis doctrinis, sanctis exemplis, assidujs vigilijs, egregijs meritis, & laboribus summis comparatum fuisse, ac post eum denique Archiepiscopis successoribus, illis que adeò omnibus, qui in hac cura quouis modo opem ferunt, à Deo, ac Domino Nostro IESU CHRISTO plurimum esse commendatum. Hac si præstiterint; illud etiam planè sequetur, vt eos singulari potius erga Animarum salutem pietate, & inflammato Diuini cultus desiderio, studioq; obtemperandi ijs, qui in illos Diuinam potestatem exercent atque auctoritatem, huius Congregationis susceptum institutum perfectè exequi, quam penarum metu, cognoscant omnes.

Cum autem huic Congregationi huiusmodi sit propositus scopus, atque finis; illud etiam, vt necessario consequens, recipiatur, oportet, eiusdem Congregationis homines, Reuerendissimi Archiepiscopi Mediolanensis Ecclesia ministros omnino esse debere, cui scilicet pastoris, speculatorisque officium in hac Ecclesia, eiusdemque procuratio, atque gubernatio, vt illius animas ad æternæ salutis iter dirigat, commissæ est. Quocirca præcipuum etiam huius Congregationis fundamentum in exquisita, ac planè perfectâ erga ipsos Archiepiscopos Ecclesia Mediolanensis obedientia positum esse debet, ad Dei gloriam, & animarum eiusdem Ecclesia salutem impensè procurandam, adiuvandamque & promouendam.

Huiusmodi autem obedientia duabus rebus innitatur,

## Liber Primus.

3

tur, oportet, voto, & constitutionibus: voto quidem, tanquam forma voluntatem perficiente, atque firmante: constitutionibus verò, quasi regula dirigente, viamque pramonstrante eorum, quæ amplectenda, & quæ fugienda sunt: de quibus mox agetur, postquam de genere illorum, qui in numerum Oblatorum recipiendi sunt, & de eorundem conditionibus, muneribusque, cum ordo rerum ita postulare videatur, pertractatum erit.

### DE CONDITIONIBVS EORVM, qui in Congregationem Oblatorum recipiendi sunt.

#### CAP. II.

**I**N Oblatorum Congregationem ascribantur, atque admittantur, cum nostræ huius, tum alterius etiam cuiusvis Diœcesis homines, qui sacris Ordinibus initiati sunt, vel, si nondum initiati, ea tamen ætate sunt, & illis conditionibus praditi, ut, qui illis initientur, digni, & idonei habeantur; Nisi forte, quod ad ætatem attinet, propter alicuius vel insignem animi indolem, vel præstantes animi virtutes, vitæque conspicuam probitatem, in hoc immaturioris ætatis non habendam esse rationem, Congregationique nihilominus eum ascribendum, Reuerendissimus Archiepiscopus censuerit: qui certe tamen decimum sextum annum saltem agat. Neque verò alicuius receptioni impedimento sit, quòd ecclesiasticum beneficium, officiumve cuiusvis generis ille obti-



neat; si modò, quod residendi onus coniunctum habet, intra huiusce Diœcesis limites contineatur.

Iam verò, cum huiusce congregationis actiones prastantissima, atque gravissima sint omnes, utpote quæ animarum fructum, Mediolanensisque huius Ecclesiæ cultum complectuntur; ea sanè cura, animadversioque à Reuerendissimo Archiepiscopo adhiberi debet, in quo omnis huius rei facultas posita est, ut literatura non vulgari exculsi, pietate insignes, egregijs moribus, prastantique ingenij indole pradi, caterisque virtutibus ornati, cum industria partis, tum diuino munere infusis, eligantur, qui in Oblatorum congregationem sunt cooptandi. Ita enim fore cum ratione sperandum est, ut, si non omnia instituta congregationis munera, at plura certe ex his singuli illorum rectè obeant. Contra verò rei ijciantur omnes, tum indocti, tum, quorum ingenium rude, aut impuri, improbiue mores reclamant, tum verò etiam maxime, qui alio nomine, causaue, sacris canonibus, ab ordine sacro suscipiendo, aut exequendo prohibentur.

Admittantur verò etiam præter huiusmodi clericos, laici aliqui viri, & uxorem habentes, & domi sua commorantes, qui pietate insignes, & ad ea officia præstanda accommodati conseantur, quæ congregationis instituto pro illorum conditione conueniunt. Verum, qua ratione, ac diligentia, cautione in hisce omnibus seligendis, ac comprobandis, tum quibus ritibus, & ceremonijs in illis ipsis in congregationem recipiendis sit utendum; ex constitutionibus ipsius congregationis petendum erit.



Liber Primus.  
DE FORMA OBLATIONIS.5

CAP. III.

**S**ED quoniam ex Oblatorum numero non censetur quispiam esse, qui voto obedientia oblationem non confirmauerit; propterea, cum Reuerendissimo Archiepiscopo quis sese offert, tum obedientia votum coram illo nuncupet, oportet, iuxta formulam verborum, quæ mox præscribetur.

Liberum tamen sit Reuerendissimo Archiepiscopo, sola aliquando oblatione facta, voti nuncupationem, receptionemque in aliud tempus, atque adeo in aliquot etiã menscs differre, non tamen ultra annum, nisi insignis aliqua causa obstiterit. Immo verò, si quis absque Reuerendissimi Archiepiscopi facultate, concessuue, votum intra annum coram Archiepiscopo ipso non fecerit; is à congregatione statim exclusus penitus censeatur.

Voto autem rite nuncupato, atque ab Archiepiscopo recepto, congregationi is ascriptus statim dicatur, sitque eius legibus, & institutis addictus perpetuò, & Indulgentijs, priuilegijsque Oblatorum omnibus fruatur.

Sed, quod de oblatione voto confirmanda præmissum est, id de clericis præsertim intelligatur, cum laicos oblationem voto confirmare necessarium non sit. Qui quidem laici omnes nullum in congregationibus, conuentibusue Oblatorum locum, quouis nomine, prætextuue habere censendi sunt: tametsi illi quoque omnes nihilominus omnium congregationis bonorum operum, benefactorum,

ac

*ac meritorum participes sint . Porro autem ipsa voti clericorum formula, hoc modo, hisque verbis concipi debet.*

EGO N. Omnipotenti Deo, & Sanctissimo Patri nostro Ambrosio, coram Beatissima Virgine, Dei Matre MARIA, & tota cœlesti Curia, ac tibi quoque locum Sanctissimi Patris nostri Ambrosij hic obtinenti, Reuerendissime Domine, Pater Archiepiscopo, cæterisque deinceps Archiepiscopis, Sanctæ Mediolanensis Ecclesię successoribus tuis promitto, spondeo, ac voueo perpetuam obedientiam in his omnibus, quæ mihi præcipiuntur, ad Dei gloriam, & salutem animarum eiusdem Ecclesiæ procurandam, ad adiuvandam, & promouendam, ad præscriptum institutę Congregationis Oblatorum Sanctissimi Patris nostri Ambrosij: illudque præterea spondeo, ac voueo, me in Congregatione, & instituto hoc perpetuò victurum,

*Quòd si voto obedientia in aliud tempus prorogato, sola fiat oblatio; talis ferme erit oblationis formula, qualis voti obedientia existit, nisi quòd in locum horum verborum, Promitto, spondeo, & voueo, hoc ipsum verbum, offero substitui debet.*

*Sed quoniam sola voti nuncupatione clericus quisque Oblatus esse non censetur, nisi votum quoque ipsum ab Archiepiscopo recipiatur; idcirco receptionis eiusmodi formulam hoc loco præscribere visum est.*

Dominus noster, Iesus Christus, pro cuius amore,

amore, & gloriæ propagandæ studio hanc oblationem fecisti, tibi benedicat, & gratia sua perpetuò te custodiat, & Sanctissimus Pater Noster Ambrosius, quem præcipuum Patronum elegisti, suis precibus, & meritis, gratiam tibi impetret, qua in huius Congregationis instituto vberes fructus, ad Dei gloriam, & Animarum salutem proferas Mediolanensi Ecclesiæ. Et Ego tibi benedico, teq; in numerum Oblatorum recipio.

*Formule verò oblationis laicorum talis sit.*

Ego N. in conspectu Omnipotentis Dei, Gloriosissimæque semper Virginis Mariæ, nec non Beati Patris nostri Ambrosij, ac totius Curie coelestis prostratus tibi Reuerendissime Archiepiscopo, Pater, & Domine mi, cæterisque deinceps Archiepiscopis, Sanctæ Ecclesiæ Mediolanensis successoribus tuis, perpetuam obedientiam offero, tam in ijs, quæ ad curam, salutem, spiritualesque progressum animæ meæ pertinent, quàm in illis etiam, quæ ex Congregationis huius institutis per me præstanda erunt in operibus, officijsque charitatis in Deum, & misericordiæ in proximos, adhibendis.

*Hactenus de conditionibus, & forma oblationis, cum clericorum, tum laicorum.*

*Sequitur de muneribus utriusque Oblatorum classis.*

C A P. IV.

**O**BLATI clerici iuxta præscriptum Reuerendissimi Archiepiscopi, illiusque iudicium, quod de unoquoque eorum faciet, prout & occasio postulabit, & uniuscuiusque ingenium, doctrina, animique instructio, atque vis monstrabit, ab illius iussis nusquam recedentes ita se comparent, ut semper parati sint ad sacras lectiones exercendas, ad concionandum, ad confessiones audiendas, aliaque Catholica Ecclesia Sacramenta ministranda, ad animarum curam suscipiendam, ac gerendam, ad ecclesiasticas functiones quaslibet cuilibet ecclesiæ præstandas, ad pauperes erudiendos, ad clericorum educationem, & institutionem, ad seminariorum, collegiorumque piorum gubernationem, ac procurationem, aliaue officia in his ipsis locis exequenda, ad Visitationis, Missionisque munus rectè ac diligenter obeundum, ad quamlibet denique actionem piam promptè administrandam, & ad omne charitatis, & misericordiae officium piè, studiosè, aptè, accuratèque obeundum.

Laici verò oblatis a misericordiae, charitatisque erga alios munera, sedulò pièque præstent, qua congregationis instituto, pro illorum conditione, conueniunt. Grammatici literas gratis pauperes, pueros, & adolescentes, doceant: Medici ægrotos curent: Iurisperiti, & Causidici lites dirimant, ac sedent; dissidia tollant; pacem  
con-

concilient; egentium, Viduarum, Pupillorum, aliorumque in carceres coniectorum, ac defensoribus destitutorum causas agant, & tucantur; eorundemque arumnas, ac calamitates diligenti opera, omnique ratione subleuent: Vnus quisque illorum pijs locis charitatis omnia præstent officia: Xenodochiorum agros inuisant; moribundos, vt piè, christianaque fide nixi in Domino moriantur, sedulò cohortentur; eos, qui in carcere detinentur, amantèr consolentur: alia denique istiusmodi christiana charitatis, qualiacunque illa sint, exerceant officia.

Quoniam autem inter præcipua huius congregationis munera, vt etiam ex Pontificijs Literis Gregorij XIII. cognoscere licet, clericorum cura, & institutio censetur, eorum præsertim, qui in Seminarijs educantur; quemadmodum ad eandem quoque spectat cura, tum Collegij Heluetiorum, Rhetorumque, (cuius quidem gubernatio ab Archiepiscopo Mediolanensi, facultate per Literas Pontificias eiusdem Greg. XIII. tradita, pendere perpetuò debet) tum Collegij Borromæi in Ticinensi Vrbe constructi; vnde plures quocunque tempore profecturos esse sperandum est, qui literis ornati, & ecclesiastica disciplina informati, Mediolanensi Ecclesie inseruiant; idcirco & tota ipsa congregatio vniuersè, & singillatim Oblatorum quilibet, istorum adolescentum, istorumque Collegiorum, aliorumque præterea, pro Clericorum, laicorumque institutione, in hac Ciuitate, Diocesiue, eadem deinceps ratione construendorum, procurationem libentissimo animo suscipiant; cum id Reuerendissimus Archiepiscopus huic congregationi tanquam vnum ex præcipuis

muneribus ad ipsam pertinentibus imponendū statuerit.

Præterea verò, cum *Visitatio*, & *Missio*, præstantissima ac utilissima partes sint omnium huius congregationis functionum, ipsique Archiepiscopo acceptissime; propterea, cum Reverendissimus Archiepiscopus operà Oblatorum uti voluerit in Prouinciæ Mediolanensis, aliquisue eius partis visitatione, cum auctoritate etiam Apostolica facienda, alijsue in functionibus cum Archiepiscopali auctoritate præstandis; vel cum *Missio* item ad Dei cultum, animarumque salutem procurandam, illis ab eodem præscribetur; tum sedulò, libenterq; suam in his præsent operam. Quamobrem, si fortè in Regiones Heluetiorum, aut Rhatorum, illisue subiectorum populorum, nonnullos, qui ex eisdem regionibus sint, ab Archiepiscopo aliquando mitti contingat, pro fide catholica, vel seruanda, vel instauranda, aut alia quauis de causa ad Ecclesiæ dignitatem spectante; tum verò vel maxime per summam obedientiam se se promptos ad hæc exequenda exhibeant, omni officio, ac pietate potius studentes, ut his in locis catholicam fidem promoueant, ac tueantur, pestiferamque hæresim radicitus euellant, si quam eà infectam Prouinciā, Prouinciæ partem comperiant. Illas enim regiones, Mediolanensis Ecclesiæ Diocesi finitimas, & coniunctas, à labe hæresum curari, purasque seruari quam maxime refert, ne ad aliquam Ecclesiæ nostræ partem serpat exitiosa eiusmodi lues.

Caterum, ut alijs etiam in rebus sciant Oblati, quæ vi voti obedientiæ facere, quæ omittere, ac vitare illos oporteat; hæc quoque sedulò animaduertant.

Nulli



## Liber Primus.

. 11

*Nulli Oblatorum liceat, neque beneficium aliquod, siue Ecclesiasticum, siue alterius generis sit, accipere, nisi Reuerendissimo Archiepiscopo iubente; neque item cuiusvis beneficij ratione, quamvis ab alijs vocatus, vel etiam ex decreto ipso Tridentino nominatus ille sit, examini se se hoc nomine subijcere; neque rursus acceptum dimittere, nisi eodem Archiepiscopo consentiente.*

*Contra vero, quale quale sit beneficium, quod suscipere iusserit Archiepiscopus; id illi omnes promptè, ac nihil tergiversantes suscipiant, seruatis tamen & Canonum, & Pontificum, & Conciliorum sanctionibus, quibus & beneficiorum multitudo prohibetur, & de suscipientis probatione cauetur.*

*Nullus Oblatus ad beneficium, officiumue deferendū, vel dimittendum astringitur, si quod fortè illorum aliquis habet, cum vel se se offert, vel votum obedientiæ nuncupat, vel in Congregationem recipitur.*

*Quod autem de beneficijs non dimittendis sine consensu Archiepiscopi supra dictum est; id adeò ratum esse debere decernitur, ut etiam, si Oblatorum quispiam cumulatoria opera, studiaque maiora, ad vniuersa Diocesis utilitatem conferendi desiderio accensus, beneficium, officiumue vllum ecclesiasticum, cui vel residendi in choro, vel aliud quodcunque onus sit coniunctum, relinquere velit; id nullaratione facere possit, absque Reuerendissimi Archiepiscopi consensu. Eo enim renuente, libenter retineant Oblati, quod habent; annuente autem, dimittere illis liceat, si placet, seruatis tamen Summorum Pontificum, Conciliorumque sanctionibus, & Sacrorum Ca-*

nonum legibus, de beneficiorum dimissione.

*Beneficium, officiumue ecclesiasticum obtinentes, cui residendi onus coniunctum est, (inter hac autem beneficia, quod attinet ad huiusmodi constitutiones, canonicatus etiam omnes esse intelligantur quarumcunque Ecclesiarum, in quibus canonici nonnulli in choro conveniant, saltem diebus festis, ad divina aliqua officia concelebranda) cum in Oblatorum congregationem cooptantur, licet ut ceteri Oblati, Reuerendissimo Archiepiscopo eiusdem obedientia vinculo subijciantur; nullis tamen teneantur legibus, aut institutis, quas functiones beneficio, officio, quod habent, debitas, impediunt, atque ne muneri satisfaciant, quod naturae illius beneficii, officijue postulat, prohibent.*

*Porro autem, qui beneficium dimiserint, cum propter huiusmodi beneficii dimissionem soluti sint, liberamque illorum naturam acquisierint, qui nulla residendi necessitate sunt astricti; eorundem quoque partes, conditionemque sequantur, necesse est.*

*Si qui rursus Oblati, nulli, residendi iure, Ecclesia addicti, Reuerendissimo Archiepiscopo iubente, beneficium aliquod ecclesiasticum post susceperint, cui residendi munus debeat, hi quippe, cum in illorum classem, qui residendi vinculo sunt astricti, ascripti iam sint propter beneficii illius adeptionem, eorundem deinceps conditionem, naturamque sequi debent.*

*Hec igitur diligentissime, perpetuòque seruent, atque praestent Oblati, qui se obedientia voto, Reuerendissimo Archiepiscopo manciparunt.*

*Ve-*



*Verum, si quis perfectioris vitæ desiderio incensus, quo suscepti huius instituti studijs, officijs, atque exercitationibus, liberius seipsum dedat, vel paupertatem etiam vouere, vel saltem externorum bonorum quorumcunque, siue laicalium, siue ecclesiasticorum, qua quouis modo, vel in presentia habet, vel in futurum habebit, reddituumq; ex bonis illis proficiscentium administrationem, & usum omnem, seruatopossessionis, ac dominij, ut dicunt, iure obedientia voto subiscere velit, & hoc quoque reddituum subiectionis, aut paupertatis votum, explorata illius mente, planèque perspecto constantis animi desiderio, vel in ipso voti obedientia tempore, vel alio deinceps, Archiepiscopus suscipiat. Hisce enim votis obstricti Oblati, tum faciliorem perfectionis acquirenda viam ingredi, tum secularibus curis omnibus soluti, vniuersa congregationis spiritualia bona, atque incrementum, liberius atque impensius procurare poterunt.*

*Si quis igitur paupertatem vouere voluerit; tunc voti formula talis sit.*

EGO N. Dei benignitate, & misericordia, in Sanctissimi Patris nostri Ambrosij Oblatorum, numerum ascriptus, perfectioris nunc vitæ desiderio ductus, coram Diuina Maiestate spondeo, ac voueo, me ex huiusce Congregationis instituto, paupertatem perpetuò seruaturum.

*Quod si bonorum tantum subiectionem vouere voluerit; eadem seruetur voti formula, nisi quòd pro postremis illis verbis Spondeo, ac voueo me ex huiusce Congregationis instituto paupertatem perpetuò seruatu-*

uaturum, *hæc erunt subdenda*, Bonorum quorumcumque, siue laicalium, siue ecclesiasticorum, quæ aut in præsentia possideo, aut ad me in posterum quouis nomine peruenient, ac pertinebunt, fructuumque pariter, atque reddituum ex ijs bonis prouenientium administrationem, curam, & omnem vsum, saluo tamen iure possessionis, ac dominij, Reuerendissimi D. Archiepiscopi obedientiæ ad huiusce Congregationis præscriptum subijcio, addico, & ita voueo.

DE CONDITIONIBVS AD VOTVM,  
cum subiectionis bonorum, & fructuum,  
tum paupertatis, pertinentibus.

## C A P. V.

**V**Erùm, quod ad subiectionis bonorum, fructuumque votum attinet, & illud quoque decernitur, per huiusmodi votum non prohiberi Oblatos, quominus alia etiam bona, quouis nomine, tituloue, ac iure acquirere, & consequi possint, aut quominus, Archiepiscopo iubente, quoduis ecclesiasticum beneficium, siue illud residendi munere obstrictum sit, siue liberum, suscipere, & retinere valeant; Sed istiusmodi tamen omnia bona, atque beneficia, eorumque fructus omnes eandem sortiri subiectionis legem, quæ superioribus imposita est, eodemque teneri voto.

Qui verò paupertatem vouerunt; illorum votum in hac congregatione duas habere condiciones annexas declar.

claratur: quarum una est, quod, quanquam, qui ita-  
vouent, quominus bona aliqua, siue mobilia, siue immobi-  
lia, fructusue eorum, aut quouis modo acquisitos redditus  
possideant proprio nomine, vi voti prohibentur; ipsi ta-  
men bonorum omnium, fructuum, ac iurium quorum-  
cunque, qua quouis nomine, tituloue ad eos spectare alio-  
qui possunt, non suo quidem proprio, sed congregationis  
nomine, administrationis capaces censeantur: cum prae-  
sertim eorum loco ipsa succedat congregatio, cui sane om-  
nia per eos acquisita bona, iuraque annexa statim intelli-  
gantur: qua cum privilegio Sanctissimi D. N. Gregorij  
XIII. omnium legatorum, donationum, dispositionumq;  
omnium quocunque nomine, & à quibusvis pijs homini-  
bus proficiscentium capax facta sit; eorum quoque Obla-  
torum loco, ac nomine, qui paupertatis voto astricti sunt,  
succedendi vim habere, subrogataque censei decerni-  
tur, quibuscunque bonis, quacunque ratione, iureque ad  
illos spectantibus: Altera conditio est, quod vouentes  
possint absque voti solutione, vel prauaricatione, immo  
debeant omnino, Archiepiscopo iubente, quodcunque be-  
neficium recipere, quod animarum curam tituli nomine  
exercendam coniunctam habeat: cum praesertim ea con-  
ditione, & eo animo nuncupandum esse eiusmodi votum,  
talemque nuncupatum naturam seruare debere sancia-  
tur, ut sponte suscipiendi quidem beneficium, ut dixi-  
mus, facultatem vouenti adimat, eum tamen non impe-  
diat, quin ab Archiepiscopo iussus recipere possit, ac de-  
beat. Ceterum, cum in hosce homines huiusmodi conse-  
rentur beneficia; tum votum paupertatis, quo illi obstrin-  
gebantur

gebantur, in votum subiectionis illicò commutatum censeatur, atque homines ipsos eorum ordini ascriptos iam esse, qui fructuum, & bonorum subiectionem, ex congregationis instituto, præstare debent.

Quamquam istis quidem, qui huiusmodi paupertatis voto tenentur, non sint danda ecclesiastica beneficia sine magna ab Archiepiscopo adhibenda cautione. Cum enim hi quasi fundamenta quadam, & bases congregationis sint; istos ipsos & in aedibus Sancti Sepulchri, & in alijs eiusdem generis perpetuò commorari, & ad unumquodq; officij genus quocunque tempore, cum in Ciuitate, tum in Diœcesi promptè exequendum, liberos esse, & expeditos maxime decet.

## DE RATIONE ADMINISTRATIONIS fructuum, Archiepiscopi obedientiæ subiectorum.

### C. A P. VI.

**N**Eque verò fructus Reuerendissimi Archiepiscopi obedientiæ subiecti in alium vsum impendi, conuertitue debent, quam aut in subleuanda inopia, & indigentia ipsorum Oblatorum, eorumque consanguineorum, vel affinium, aut in ijs rebus iuuandis, ac præstandis, quæ ad quoslibet congregationis vsus pertinent, aliæ pia opera.

DE RATIONE VOTORVM  
supra expositorum.

C A P. VII.

**A**T verò duplex votum supra expositum, siue sit obedientia tantum, siue subiectionis bonorum, paupertatisue, non solemne, sed simplex & dicatur, & habeatur, etiam si coram pluribus testibus, publicisque & solemnibus adhibitis ceremonijs, celebretur.

DE FACVLTATE, ET RATIONE  
excludendi Oblatos à Congregatione.

C A P. VIII.

**Q**Uemadmodum verò multiplicibus ministerijs, varijsque operibus Oblatos, quamplurima pietatis, & charitatis semina spargentes, vberrimosque fructus inde colligentes, & vniuersę Mediolanensi Ecclesię plurimo adiumento, & Congregationi ipsi incredibili ornamento perpetuo fore, & praterea vniuersa quoque congregationi carissimos futuros esse haud dubium est; ita sane, si quis eorum (quod Deus auertat) sui muneris, & dignitatis oblitus, propriamque & aliorum salutem negligens, atque constitutionibus suę congregationis non parens, socordia, & vitijs se tradiderit, unde alijs quidem scandalo, congregationi verò de decori sit; hunc

C

à con-

à congregatione excludendum esse inficiandum non est, quæ ratione enim, tuendi corporis causa, corrupta, morboque marcescentia membra pracidere, secarique aliquando oportet; eadem nempe conseruandę congregationis gratia, si qui ex Oblatis magnis animi vitijs laborauerint, à Reuerendissimo Archiepiscopo segregandi sunt, & excludendi, voti vinculo soluti, quod in congregatione nuncuparint, siue illud obedientia tantum sit, siue etiam paupertatis, vel subiectionis bonorum.

Non solum autem hos delictorum gratia, sed bonos etiam interdum iusta aliqua de causa dimittendi facultas apud Archiepiscopum omnino libera sit; quorum tamen nullum missum faciat, nisi voti cuiuscumque in congregatione emissi vinculo liberatum.

Qui autem exclusi quacunque causa fuerint; hi liberi omnino sint ab omni conscientia scrupulo, quod ad vota emissã attinet. Neque semel dimissi iterum recipiantur.

Si qui excludendi sunt; ijs planè omnia, quæ per illos ad congregationem peruenerunt bona, restituantur, tum mobilia, quæ extant, tum immobilia, si quæ vel ab initio secum attulerint, vel per eos quouis nomine acquisita sint; deductis tamen impensis, illa bona meliora reddendi gratia, aut alia huiusmodi ratione, quouis modo factis.

Si quos verò vel paupertatis voto deuinctos, vel ad Titulum mensæ communis sacris initiatos, vel certè eidem mensæ ascriptos, excludendos esse Reuerendissimus Archiepiscopus censuerit; si ea inopia laborent,

*ut unde vitam sustentent, non habeant; illorum inopia, priusquam excludantur, consulere debet Reuerendissimus Archiepiscopus, ne illis desint, quae ad vitam sustentandam necessaria sunt: nisi culpam aliquam admiserint, per quam Sacrorum Canonum iure, beneficijs etiam Ecclesiasticis, si quod haberent, mulctari debuissent.*





## INSTITVTIONVM

AD OBLATOS PERTINENTIVM.

EPITOMES.

LIBER SECVNDVS.

DE VARIIS OBLATORVM  
domibus, & familijs.

## CAP. I.

**P**OSTQVAM de votorum, quæ ab Oblatis fiunt, nuncupanturque, officiorumque ratione, superiori libro pertractatum fuit; nunc de adium, familiarumque ipsorum Oblatorum multiplici ratione, in hoc altero libro agendum videtur.

Harum igitur familiarum domus, alia propria, alia communes dicuntur. Propria illa sunt, quæ Oblatorum vsui solum dicata, proprijs illorum institutis reguntur; Vt domus Sancti Sepulchri, & alia in posterum construenda, quæ eandem viuendi rationem, eademque sequentur instituta: quas quidem collegiatas etiam domos in hisce constitutionibus vbique nominari placuit. His communis, certus, stabilisque, ac firmus in perpetuum victus designatus est. Præter has autem, illa quoque, in quas Oblatorum nonnulli simul victuri conueniunt, beneficia obtinentes, quibus residendi onus adiunctum est, propriæ eodem modo habeantur, & proprio nomine conuictorum domus



domus appellantur: quibus tamen neque certus, neque stabilis, perpetuusue victus, ut superioribus constitutus est, Communes verò dicuntur, ut Seminariorum, ac multiplicis hominum generis collegiorum domus, quas tum Oblati, tum clerici alij communiter studij causà unà incolunt, Varia in his pro diuersa personarum ratione instituta seruantes.

Verum, quoniam Oblati in eiusmodi domos recipi nequaquam omnes possunt, aut propter multitudinem, aut quia propter impedimentum beneficiorum, quibus residendi onus coniunctum est, in domibus Ecclesiarum, quibus inseruiunt, habitare tenentur; horum certè omnium gratià, qui extra dictas domos domicilium habent, ne illis instituendis sua desint auxilia, plura etiam alia varijs in locis constituentur Oblatorum consortia: quibus singulis prepositi singuli, de quibus infra suo loco dicitur, à Reuerendissimo Archiepiscopo deligendi præerunt.

Qua igitur ad omnium istiusmodi domorum, & familiarum distinctionem, & propriam Oblatorum in illis viuendi rationem pertinent: singillatim hoc libro comprehenduntur. Quæ verò illarum, vniuersæque ad eò congregationis procurationem, gubernationem, administrationemque complectuntur, ex præscriptionibus, & constitutionibus ipsius congregationis, vberiùs sumere oportet: Cum præsertim nihil eorum, quæ ad singulorum Oblatorum institutum pertinent, pars illa contineat: Sed ea tantum tradat, quæ scire illos oportet, qui Oblatorum gubernationi, eorumque congregationi præsunt.

DE

## DE COLLEGIATIS DOMIBVS.

## C A P. II.

**O**BLATORVM congregationis in perpetuum quasi basis sit Ecclesia Sancti Sepulchri, eiusdemque domus Præpositus, quasi caput: Huic verò Capiti, atque vniuersæ huic Congregationi regenda, rebusque omnibus, quæ ad illam pertinent, gubernandis, Reuerendissimus Archiepiscopus Ecclesia Mediolanensis præsit.

Porro autem Ecclesiam Sancti Sepulchri his potissimum rationibus deligere placuit. Nam & iam pridem à populo Mediolanensi magna veneratione illa colitur: & in media ciuitate constructa, quasi Vmbilicus iacet: & superiorum temporum malitia, cum dilapsa cleri disciplina, deprauatisque populi moribus, raro pietas appareret; tum veneranda ista Ecclesia perpetua pietatis, & religionis semina seruauit: quandoquidem in hanc per pauci recepti Sacerdotes, viri integerrima vita, salutisque Animarum studiosissimi, præstantissima pietatis opera indefessi semper ediderunt: inter ceteraque institutum Scholæ Christiana celeberrimum in multas partes primi disseminarunt.

Liceat verò semper Reuerendissimo Archiepiscopo alias etiam collegiatas huiusmodi domos, præter illam Sancti Sepulchri, huius congregationis quasi membra, & in Ciuitate, & in Diœcesi constituere: si modò aliunde certus victus illis in perpetuum assignetur, qui sustentationi

tationi eorum, qui ibidem commoraturi sunt, sufficiat, Sintque, qui illic habitaturi sunt, Oblati, decem, vel octo saltem numero.

Quod si ades etiam nonnullas, tamquam Oblatorum hospitia, qui ad functiones, pro sui instituti ratione, in Diœcesi præstandas, aliæ de causa mittuntur, constituere decreuerit Archiepiscopus; his & Oblatorum numerum, qui ad illas diuertant, & sumptuum rationem, atque summam, pro sua voluntate decernere poterit: prout animarum Diœcesis saluti, & Congregationis disciplina conservanda conducere cognouerit. Hactamen duo Archiepiscopi successores nostri in primis pro prudentia suæ ratione diligenter animaduertent: quorum unum est, præstare Oblatorum numerum, redditusque ipsos domus Sancti Sepulchri augere, quàm plures in Ciuitate collegiatis domos ad usum Oblatorum erigere, ac constituere: Alterum verò, neque plures domui Sancti Sepulchri, alijsue collegiatis huiusmodi domibus, quam illarum sumptu ali possint, ascribendos esse Oblatos; neque etiam iusto numero pauciores, ut ad huiusce Ecclesiæ administrationem plures habeantur ministri.

In adibus igitur Sancti Sepulchri, alijsque istiusmodi deinceps erigendis, habitent Oblati omnes, diaconatus saltem ordine insigniti, beneficiumque, quod residendi munus requirit, non obtinentes. At verò illi omnes excipiantur, qui Reuerendissimi Archiepiscopi iussu, vel apud illos manent, qui beneficia residendi oneri subiecta habentes, vitam communiter degunt; vel in pijs Collegijs,

gijs, domibusue Seminariorum, aut alijs etiam locis, in quibus literarum studijs operatur, commorantur; vel in diuersas Ciuitatis, Diocesisue partes missi multiplicia Congregationis gerunt munera; aut denique ex causa ab Archiepiscopo probata per facultatem ab eodem scriptis traditam ad breue aliquod tempus absunt. Hos quidem enim omnes à domo Sancti Sepulchri, alijsque eius generis collegiatis adibus ob eas causas abesse liceat.

Oblati in adibus Sancti Sepulchri, vel huiusmodi commorantes, Victu communi utantur: præscriptiones eisdem adibus datas, viuendi normam, atque rationem complectentes, diligenter custodiant.

Quod si horum alicui patrimonium, beneficiumue Ecclesiasticum simplex, vel quoduis aliud facultatum genus fuerit, unde suppeditari victus possit; ijs, ut illarum Ædium familiam, quacum una viuunt, quantum sumptus, qui pro illis fit, requirit, subleuent, iustamque propterea ex facultatum suarum fructibus portionem conferant; magnoperè persuasum esse cupimus.

Eorum nemini liceat, in bonorum suorum, aut beneficiorum, aut negotiorum rationibus administrandis, litibus per se, aut alijs rebus incumbere, qua congregationis instituto non conueniant, & spiritualis vite progressioni, salutique aliorum procuranda officiant. At hec omnia fiant, (si modo fieri possunt,) vel à congregationis procuratore, vel ab alio, quem ipsi Oblati deligere maluerint: nisi ob iustam aliquam huiusmodi rerum tractandarum facul-

facultatem Oblatis ad tempus tradiderit Archiepiscopus.

Sed illi quoque in illis ipsis collegiatis adibus Reverendissimi Archiepiscopi iussu habitare permittantur Oblati, qui residendi muneri alligatum beneficium non habentes, quanquam neque Diaconatus ordinem susceperunt, neque ea aetate sunt, ut suscipere eum liceat; tamen ad diuinum cultum, domesticæ negotia illius Ecclesiæ, domusve collegiata, necessarij sunt.

Porro autem ex Oblatorum numero, qui beneficium Ecclesiasticum obtinent, residendi munus adiunctum habens, nullus omnino, etiam si bonorum suorum subiectionem Reverendissimo Archiepiscopo vouerit, domui Sancti Sepulchri, aut alijs eiusmodi in posterum constituendis, neque adiungatur, ascribaturve, neque fructibus earum alatur, neque demum in illis commoretur.

At contra, quicumque Oblatorum, neque Ecclesiasticum beneficium obtinent, neque patrimonium, quod ad sumptus necessarios satis sit; ij ad titulum mensæ communis domus Sancti Sepulchri, vel aliarum huiusmodi, sacris ordinibus initientur: neque inde quoque alantur, nisi illis quidem, seminariorum sumptu, vel alia ratione prouisum fuerit. Quod si illorum victui tamen aliunde quacunque ratione consultum fuerit, vel quantum satis est Archiepiscopi iudicio, vel aliqua ex parte; illinc sanè mensæ communi parcentes, ut ex Pontificijs literis declaratur, victum capiant.

Communis autem mensæ sumptibus, ut supra traditum est, alantur, non solum qui commemorati sunt, sed

D

illi

*illi etiam maximè, qui votum paupertatis Archiepiscopo rite nuncuparint: ac illi præterea in uniuersum, qui quauis ratione mensæ illi à Reuerendissimo Archiepiscopo ascripti sunt. Cui quidem Archiepiscopo etiam illos ascribere liceat, qui sacris ordinibus iam initiati aliunde etiam habent, unde uiuant; si modò beneficio, officione, residendi munus adiunctum habente, careant.*

## DE DOMIBVS CONVICTORVM.

### C A P. III.

**V**BICVNQVE in Canonicalibus Ecclesijs tres saltem Oblati beneficium, cui residendi munus sit annexum, habeant, ideoque illic eis habitandum sit; hi ex congregationis instituto, Archiepiscopi iudicio, ad simul viuendum se conseruant; cum scilicet illic, vel plurimum datur copia domuum, quæ contiguæ sint, vel una saltem adeò ampla, ut illos omnes excipere possit.

Hoc idem faciendum erit, si in eodem oppido tres saltem Oblati erunt; nisi eorum cohabitatione, victusq; communione impediri functiones ad Ecclesias pertinentes, quibus illi ascripti sunt, Reuerendissimus Archiepiscopus iudicauerit.

In omnibus autem Conuictorum domibus, eadem ab ijs omnibus, qui illic degent, viuendi instituta omnino custodiantur, quæ à familia Sancti Sepulchri obseruantur, in ijs scilicet rebus, quæ cum illorum statu, qui residendi munere astricti sunt, Reuerendissimi Archiepiscopi iudicio conuenire possunt.

DE



DE OBLATORVM. HABITATIONE:  
in Domibus Seminariorum, Collegio-  
rumue Piorum.

C A P. IV.

**O**BLATI, quibus locus, ex instituto, in Conuictor-  
um, collegiatisue domibus non relinquitur; om-  
nes, si fieri possit, in Seminarijs, Collegijsue pijs edu-  
centur, absque tamen congregationis, & collegiarum,  
eius domuum sumptu: & Ecclesiasticis praterea studijs  
rite instruantur. Ac ex his quidem, quicunque aut opti-  
mis natura donis pradi, aut bonis diuinitus infusis do-  
nati, eam probitatis, & ingenij indolem praeferent, ut  
cum literis, tum christiana in primis probitate prae-  
stantes eos fore, spes iam certa concipiatur; hos omnes,  
etiam si sacris omnibus ordinibus initiati sint, in semi-  
narijs diu retinendos, resque eis necessarias suppeditan-  
das, sua Archiepiscopali auctoritate curet Archiepiscop-  
us; ut huic tandem Ecclesiae, congregationique ipsi pre-  
stantiores, uberiorisque fructus suo tempore afferre  
possint: neque interea congregationi incommodo, sump-  
tuiue sint.

Si cui Oblato beneficium, cui residendi onus sit adiun-  
ctum, habenti, à sua Ecclesia abesse propter literarum  
studia concessum sit; huic in collegijs, domibusue Semi-  
nariorum, habitandi locus procuretur, iustaque suorum  
fructuum portio, pro sui sustentatione, ab hoc ipso con-  
feratur.

*Quicumque autem in adibus Seminariorum, collegiorumue degent; præscriptiones, & Institutiones, quæ in illis seruari solent, quandiu illic degent, custodiant, & illa præterea omnia, quæ Oblatis in domo Sancti Sepulchri, alijsue eius generis, viventibus præscripta sunt; quatenus Seminariorum, collegiorumue institutis non repugnant.*

## DE OBLATIS COMMVNIS VITÆ institutum non exercentibus.

### C A P. V.

**S***I qui Oblati sint, quibus neque in collegiatis domibus, neque in Conuictorum, aut Seminariorum, Collegiorumue piorum adibus locus sit; ij porro, donec in ea loca mitti possint, alijs honestis locis, Reuerendissimi Archiepiscopi iussu, commorentur: Vbi & literis operam nauerint, & certæ Ecclesiæ ascripti functiones sui ordinis præstent, atquæ in his præterea rebus operam insumant, quæ ad eorum institutum potissimum spectant.*

*Verum enimuero & illi ipsi, de quibus paulò ante diximus, & alij quoque, qui propter residendi impedimentum, neque in proprijs, neque in communibus Oblatorum domibus degere queunt; in unaquaque Urbis regione, vel in singulis Diœcesis plebibus, aut in certa quadam Urbis, Diœcesisue parte, ut res, occasioque feret, Archiepiscopi iudicio delecta, Præpositum consortij Oblatorum eiusdem partis, vel regionis, statis temporibus conueniant,*



niant, illiusque iussis obtemperent. At verò ille ipse Prapositus sic sui consortij curam gerat, ut tales se præstent Oblati, quantum ad munus instituti exequendum, viuendique rationem attinet, ut, quamuis a communi mensa seiuncti sparsim habitent, eorum tamen, qui unà in proprijs, communibusue adibus viuunt, disciplinam, prostatu ratione, quantum fieri potest, imitari contendant. Præterea verò, tum hic ipse Prapositus, tum illi Oblati omnes Praposito Sancti Sepulchri subijciantur. Et qui inciuitate commorantur, semel saltem singulis mensibus Reuerendissimum Archiepiscopum adeant: Prapositum verò Sancti Sepulchri semel singulis hebdomadis. Qui verò in Dicecesi, tertio quoque mense ad Reuerendissimum Archiepiscopum, Prapositumque Sancti Sepulchri semel saltem veniant, nisi aliter iudicauerit Reuerendissimus Archiepiscopus; ut progressus sui, quem aut in studijs literarum, & rerum spiritualium, aut in suorum munerum administratione, animarumque fructu, fecerint, rationem reddant.

## DE HOSPITIO OBLATORVM.

## CAP. VI.

CVM autem inter ecclesiasticarum virtutum munerum, non vltimum certè locum hospitalitas obrineat, per quam Antiqui illi Patres, ut ait D. Paulus, Deo placuerunt, Angelis hospitio receptis; si qua iusta de causa, qui in Dicecesi morantur, nulloque residendi iure sunt obstricti, Oblati Mediolanum venerint; benigno il-

los omnes hospitio excipiat Domus Sancti Sepulchri. Idemque præstent alia quoque eius generis domus, quæ in Dicepsi, Deo iuvante, constituentur. Neque enim Oblatorum disciplina convenire videtur, ubi sint tales Aedes constitutæ, ad alias diuersi generis, hospitij causâ diuertere.

Sed neque qui Ecclesiasticum beneficium, officiumue personalis residentia obtinent, ad laicales Domos, hospitij causâ, in Vrbe diuertant: sed vel in eas Aedes veniant quæ clericorum causâ, Hospitij nomine, nuper constitutæ sunt, vel in alias Ecclesiasticorum hominum, præsertim verò Oblatorum, & eorum maximè, qui Conuictores dicuntur. Verùm, si quos horum frequentius, diuturniusue in Vrbe morari iustâ de causâ contingat; hi cum Præposito Sancti Sepulchri re communicata, quod ad victus impensam attinet, quod ab Hospitibus suâ causâ impenditur, illius iudicio compensent.

## DE ONERIBVS A CONGREGATIONE non recipiendis.

### C A P. VII.

**N**EQVE onera vlla extrinsecus oblata, neque bona ullius generis cum oneribus coniuncta, neque quicquam eorum, quæ priorum legatorum ratione, atque titulo, ita sunt instituta, ut illis vel perpetua onera, vel etiam ad tempus annexa sint, liceat congregationi, vel congregationis ulli familiæ, Præpositone, vel cuius aliorum, qui congregationi regenda præsumt, absq; Reuerendissimi Archiepiscopi consensu accipere. IN-

31

# INSTITVTIONVM

## AD OBLATOS PERTINENTIVM.

EPITOMES.

LIBER TERTIVS.

DE PIIS EXERCITATIONIBVS  
singulorum Oblatorum, ad ipsorum disci-  
plinæ spiritualis incrementum  
pertinentibus.

C A P. I.

**C**VM officium, ad quod Dei benignitate, & mu-  
nere, Oblati omnes vocati sunt, ad anima-  
rum salutem spectet, diuinumque, ac super-  
naturale sit, idcirco charitatis desiderio, ve-  
raque in Deum pietate accensi, magis ac magis in hac  
ipsa animarum salute elaborandum esse, quod procul-  
dubio præstantissimum Dei donum est, sibi omnino per-  
suadeant, oportet: atque illis potissimum rationibus se  
id adepturos confidant, quibus supernaturales, ac infusa  
virtutes omnes, quæ vera sunt animarum iuuandarum  
instrumenta, impetrari, exorarique à Deo largitore so-  
lent, orationibus videlicet, ieiunijs, vigilijs, sanctarum  
scripturarum studijs, meditationibus, ipsaque humilita-  
te potissimum.

Cum enim iuuare alios, ad christianamque religio-  
nem,

*nem, ac pietatem, verasque virtutes dirigere sibi proposuerint Oblati; ipsis quam maxime perfecta in primis animorum suorum institutioni, vitæque integritati incumbendum est: quæ ante omnia alia ecclesiasticis, sacerdotalique ordine insignitis hominibus inesse debent. Hac autem perfectio virtutum omnium ardentissimo studio, & charitate in primis, atque familiaritate, coniunctioneque cum Deo per spirituales exercitationes assiduas comparatur; tum verò etiam recta, atque sincera animi intentione, in rebus, actionibusque omnibus ita obeundis, ut non propria vel affectio, vel utilitas, sed Dei gloria, animarumque salus ubique spectetur, ac præferatur.*

*Quare sedulò eos operam dare oportet, ut quam diligentissimi sint, non solum in cognoscendis, sed in repellendis etiam pravis omnibus cupiditatibus; tum ijs quidem, quibus ad corporis voluptates, sensuumque illecebras alliciuntur homines; tum illis quoque, quibus ad vitæ commoda, atque ad diuitiarum, opumque amorem, & desiderium trahuntur. Præterea verò etiam, ut proprii iudicii, propriæque voluntatis aqua indices sint ac moderatores.*

*Porro autem pernecessaria quoque censenda est ad institutum, scopumque huius congregationis summopere tuendum, perfecta charitas, & animorum coniunctio, tum cum membris alijs, tum cum ipso capite.*

*Quamobrem ament in primis, & obseruent Præpositum suum, inter eos locum Dei gerentem, illique non solum externa præceptorum executione promptè & nauiter*

uiter obediant, sed interno etiam animi affectu; ita ut & voluntatem suam Prapositi voluntati consentientem perpetuò habeant, & mentem quoque ipsam ita accommodent, & componant, ut toto pectore complectantur, ac probent, quidquid Prapositus probauerit, conuenireque censuerit.

Itaque maleuolas murmurationes, & detractiones omnes, quibus Prapositi auctoritas ladi, ac minui potest, charitasque mutua refrigerari, non aliter quàm pestem ipsam, congregationumque omnium, omnis disciplinae & perfectionis certissimam contaminationem, & extinctionem fugiant.

Temeraria de Fratribus iudicia etiam atque etiam, caueant, multòque magis etiam omnem similitatem, ac malevolentiam, omnemque animi amaritudinem, quacunque causa aduersus fratres concipi possit.

His igitur instructi Oblati seipsos primo, ut prius dictum est, in dies magis ac magis in sincera, ac pura illa charitate, qua una permoti sponte suauis huius obedientiae, ac disciplinae iugo, leuique oneri se se submiserunt, perpetuò exerceant, gratiamque hanc à Deo singulari munere sibi collatam continuè conseruare studeant; atque in hoc spiritu iugiter ita crescere, ut omni terreno, atque humano affectu exuti, in solius Dei desiderio, ac ardentissima in Deum, Diuinaeque res omnes religione, atque reuerentia, se totos occupent.

Dominum in conspectu suo semper habeant, intueanturque, & coram illo ambulent; id est in eius sanctissima voluntate implenda studiosissime inuigilent.

*Externi etiam Divini cultus, qui interna pietatis indicium est, diligentissimi atque exactissimi observatores sint; sibi que persuadeant omnino, pietatem erga Deum fontem uberrimum esse, à quo virtutes omnes emanant, vimque omnem, & dignitatem haurit animus.*

*Quamobrem, nisi frustra laborare velint, atque loco verarum solidarumque virtutum, earum umbras atque imagines tantum sectari; in ea una consequenda sibi maximè elaborandum, atque eam continuis ab ipso auctore Deo votis, & precibus petendam, in animum inducant, oportet.*

*Sanctissimam Virginem, Dei matrem Mariam, perpetuò pro humanogenere intercedentem, atque huius Sanctæ Mediolanensis Ecclesiæ, cuius ministerijs se se obtulerunt, peculiarem patronam, præcipuo pietatis affectu prosequantur. Cumque Illa Mediolanensi populo varia beneficia à filio suo, Domino nostro IESV CHRISTO, sapius aliàs impetraverit in omnibus periculis, arumnisque siue totius ecclesiæ, siue congregationis suæ; ad hæc autem vel maximè in missionibus ab Archiepiscopo imponendis, aliarumque gravium rerum tractationibus; ad illius patrocinium, atque præsidium fidenti animo confugiant.*

*Meminerint etiam se Beato Patri Nostro Ambrosio oblatos esse: quam ob causam illius librorum studiosos eos esse decet, illorumque in primis, quos ille ad huius ecclesiæ clerum de officiis conscripsit.*

*Magnam curam, operamque conferant ad imitationem illarum virtutum, quas tanquam hereditarias sanctissimus*



etiffimus ille Parens pofteris reliquit; quare, vt obfe-  
quentes filios decet, peculiari quodam ardore animi, at-  
que affectu, illas complectantur.

Ex his prapipua illa funt, ad ecclefia gubernationem,  
atque epifcopale onus inuitus ingreffus, quotidiana ab-  
ftinentia, diuturna & fere afidua in ecclefia ftatio, fre-  
quentis orationis & meditationis ftudium, religiofa &  
laboriofa fanctiffimorum facramentorum miniftratio,  
diligens epifcopalium ecclefiafticarumque funtionum,  
exercitatio, in facris ftudijs, institutionibusque chri-  
ftianis, quas & fermonibus, & libris confecit, afidui  
magnique labores, conftantia & fortitudo in omnibus,  
quas à mundo, & Satana illatas pertulit, oppugnationi-  
bus, animi manfuetudo cum magnitudine coniuncta,  
aduerfus potentium hominum impetum atque furorem,  
prudencia in rebus gerendis, morum grauitas fingularis,  
difciplina ecclefiaftica diligentiffimus cultus, pro fide  
catholica acerrima dimicatio, mira erga Sanctam Se-  
dem Apoftolicam obferuantia, magna commiferatio er-  
ga pauperes, benigna que largitiones, charitas illa fem-  
piterna memoria digna, qua profufis lachrymis peccata  
aliena defleuit ufque adeo, vt animos in male agendo ob-  
firmatos, ad pœnitentia lachrymas perduxerit.

Has igitur, & alias virtutes, quas & operum exem-  
plis, & fcriptis, facerdotibus cleroque Pater Ambrofius  
reliquit, fibi quisque, qui Oblatorum numero afcriptus  
eft, ob oculos ponat; tum videat etiam atque etiam dili-  
genter, ne quam culpa maculam contrahat, neue quic-  
quam aut cogitet, aut loquatur, aut faciat, quod à



*sanctissimis illius Patris institutis, consilijs, monitisue alienum sit; ne, si quideiusmodi admiserit, indignum se prabeat singulari illius patrocinio, efficiatque, ut quam prastitit semel oblatio, minus ei grata sit.*

*Omnes praterea, prostatus sui ratione, in eam curam incumbant, ut Sacrorum Canonum, Constitutionum, Pontificiarum, Conciliorum, & Decretorum ad morum ecclesiasticorum rationem pertinentium non modo notitiam, ac scientiam teneant, sed executionem quoque, atque usum; immo verò istum ipsum precipue adiungant, tum ad sua, tum ad aliorum vitam institutionem.*

*Illud etiam precipue curent, ut cognita perspectaque planè habeant omnia, quaecunque ad huius Ecclesiaritus, & ceremonias, instituta, decreta, constitutiones, atque adeò institutiones cuiusvis generis pertinent; eaque ipsa eo maiori studio, libentiùsque seruent, atque exequantur, ut reliquos Ecclesiasticos homines suo exemplo trahant, incitentque vehementer ad eadem rite exequenda.*

*Praelectionibus sacris, & concionibus, & ecclesiasticis conuentibus, & alijs disciplina ecclesiastica communibus exercitationibus ante alios intersint; nisi ob grauiiores alias occupationes, magisque necessarias, à Reuerendissimo Archiepiscopo aliquando impediuntur.*

*Omnibus etiam Archiepiscopalibus Vicarijs, atque Visitoribus ante alios promptè omnibus in rebus obediant, sacerdotesque omnes reuereantur, seniores praesertim, in primisque Vicarios Foraneos, Praepositos, & Parochos; quibus omnibus se se submittant, humilesque prabeant.*

*Eccle-*

*Ecclesiarum præterea, altarium, & Omnis sacra suppellectilis nitoris, ornatus, atque apparatus, studiosi sint.*

*In Diuinis item officijs, ac ministerijs rite pièque celebrandis atque obeundis, decentem cultum, summamque reuerentiam adhibeant.*

*In primis autem vitæ innocentiam, ac morum castitatem, integritatemque summa cura, summoque studio perpetuò prosequantur.*

*Victus, ac vestitus, domesticaque suppellectilis moderationem clericali ordine dignam, Concilijs Prouincialibus, & Diocesanis, alijsque Archiepiscopalibus institutionibus, & decretis præscriptam exactè custodiant.*

*Singulis diebus præter consuetas preces, quæ Deo voce persoluuntur, mane primum, deinde vesperi, orationi, quæ solo, mentis motu fit, mentalisque propterea nuncupatur; Oblatio omnes, tum clerici, tum laici vacent; vesperique præsertim in conscientia penetralia, accurato seueroque examine introeant, ut eam, si fortè inquinata sit, emundent, atque purgent.*

*Sacerdotes bis saltem singulis hebdomadis, ( nisi sapius etiam id faciendum sit, ) peccata, si qua commiserint, confiteantur; atque ita viuere studeant, ut quotidie Missæ sacrificium celebrare dignè possint.*

*Clerici verò, & laici octauo quoque die peccata sua confiteantur, & Sanctæ Communionis Sacramentum sumant: quanquam id sapius, rariùsue facere debent, prout Confessarij iudicium illis præscribet.*

*Confiteantur autem semper eiusdem Congregationis*  
Sacer-

*Sacerdotibus, à Reuerendissimo Archiepiscopo, vel Prapósito Sancti Sepulchri constitutis. Quod si illis eiusmodi Sacerdotes propter locorum distantiam conuenire difficile, graueue fuerit; tum commodiores alios Confessores idoneos aliunde illis assignare Archiepiscopo vel Prapósito liceat.*

*Vniuersi autem Oblati, etiam laici, quot annis illis ipsis Sacerdotibus, quos idem Prapósitus ad hoc munus delegerit, generaliter semel confiteantur, ab eo tempore confessionem huiusmodi inchoantes, quo postremam pariter omnium peccatorum confessionem praestiterunt, nisi de aliquibus interdum aliter censeat Prapósitus ex Confessarij consilio. Hac enim ratione in suscepto huius vitæ instituto firmitus confirmabuntur, atque ad Deo inserviendum magis ac magis excitabuntur.*

*Vitent quoque diligentissimè, ne quemquam diligant singulari praeteris amoris affectu, qui ut plurimum inordinatus esse solet: sed aequali omnino, pro singulorum ratione & statu, charitate prosequantur; illorum tamen familiari potius ac sapius vtentes consuetudine, ex quibus cumulationem percipere spiritualem utilitatem possint.*



## DE EXERCITATIONIBVS

ad proximorum salutem iuuan-  
dam pertinentibus.

## C A P. II.

**P**OST QUAM autem huiusmodi virtutibus, tan-  
quam firmissimis praesidijs, instructi fuerint Ob-  
lati; tum virtutem illam, quae in huiusce Congregatio-  
nis hominibus maxime omnium elucescere debet, quaque  
in salutis animarum desiderio, atque auxilio in primis  
posita est, quam maxime excitare, atque exercere debent.

Quamobrem omnes in eam curam incumbant vehe-  
menter, ut ad omnia officia rectè obeunda se parent, at-  
que instruant, quibus via sit ad salutem animarum iu-  
uandam & procurandam. Quantò enim praestantiores  
in eogenere euadent, tantò melius suscepti instituti, at-  
que vocationis suae scopum assequuntur.

Maximam autem vim ad eum charitatis erga ani-  
marum salutem ardorem, non modo in mentibus conci-  
piendum, sed alendum, fouendumque habent, quae sub-  
duntur.

Nempe sancta consuetudo, exercitatioque pia pre-  
candi perpetuò retenta, atque adeò in dies aucta; quae  
veluti interprete Deum coram familiariter pii homines  
alloquuntur. Sic enim diuino spiritu afflari, sanctoque  
salutis animarum desiderio magis accendi solent.

Illuc etiam spectat animo assiduè cogitare, quam  
nobiles

nobiles sint anima, & pretiosa in conspectu Domini; quanta sit earum dignitas, quas proprio sanguine redimere filius Dei non recusavit; quamque praeclens opus sit, in eo salutaris officio Dei cooperatores esse, quo nihil certe in terris maius, aut nobilius, illustriusve excogitari potest.

Ob oculos mentis praeerea sempiternam gloriam sibi perpetuò proponant, quam mercedis loco ijs, qui naviter munus hoc praestant, preparavit Deus: contra verò universas poenas ijs constitutas, qui rem tantam contemnunt, intueantur.

Sedulò praeerea animadvertant, quanta veteris testamenti literis mandata hominis gratia fecerit Deus: Atque in eo potissimum cogitationem, mentemque omnem figant, ut attentè considerent aduentum in terras Domini Nostri IESU CHRISTI, FILII DEI, diligenterque perpendant, dum nobiscum in terris commoratus est, quanta desiderio salutis nostrae accensus fecerit, quantaque perpeffus sit: cogitent denique hominum animas, ipso Augustissimo CHRISTI SANGVINE redemptas, & ablutas fuisse.

Hac si cogitent oblatis; iure ac merito sperari debet, talibus cogitationibus, quasi quibusdam facibus animum illorum ita accensum iri, ut nullus vel maximus labor esse possit, quem illi subire recusent, ne pretiosissimi CHRISTI SANGVINIS fructus in ipsis, alijsque ipsorum negligentia, aut culpa, depereat.

Considerent praeerea horribilem animarum stragem, quam generis humani sempiternus hostis Satanas facit;  
quan-

quantam in illis perdendis sollicitudinem adhibeat; quibus utatur ministris; qua alacritate, sollicitudineque; quibus laboribus, & vigilijs, scelesti illi ministri opus urgeant, indefessi, atque assidui, ijdemque perpetui, & obfirmati.

Quare turpissimam rem se se facturos existimare debent IESV CHRISTI ministri, si ita Domini sui voluntatem, dignitatemque suam, atque sempiterna premia parvipendent, vel à christiana charitate tam alienos se præbunt; ut à Satana ministris superari se sinant, patianturque, ut illi maiori studio ad se & alios perdendos, quam ipsi ad suam aliorumque salutem tuendam incumbant.

Sed illud quoque considerent, quanta, quàmque ampla sit hac mensis; quanta spiritualium bonorum egestas; quanta salutariter agentium penuria; quam pauci verò ministri, qui sancto desiderio accensi, suis neglectis commodis, terrenisque utilitatibus, solam CHRISTI DOMINI NOSTRI gloriam, animarumque salutem spectent.

Præterea sibi constituent ante oculos, plurimos maximosque labores, quibus Sancti Apostoli pro animarum salute, dum in terris degerent, perfuncti sunt; atque inter hos, Sancti Pauli in primis perpetuas vigilijs, itinera, comatus, & præclaras contentiones atque actiones. Respiciant innumerabiles Martyres, Sanctos Episcopos & Sacerdotes; qui sancto animarum amore flagrant, omne laborum, periculorumque genus libentissimo animo subierunt.



*Vt autem etiam eorum, qui in misero peccati mortali statu perseverant, misereri sciant, nullumque laborem ad eos tam ingenti miseria liberandos subterfugiant, immo verò libenti animo in hoc maximè laborent; secum ipsi cogitent, quantis in calamitatibus, periculis, horribilibusque malis versentur, qui peccato mortali astricti tenentur.*

*Hac profecto omnes, in quibus aliqua lux pietatis residet, mouere, & vehementer afficere debent, ad animarum salutem studiosè querendam, curandamque.*

*Porro autem se ipsos ad id muneris rectè accuratèque obeundum utiles idoneosque prestabunt, primum quidem, si in virtutibus illis, de quibus dictum est, adipiscendis atque exercendis, quibus diuini honoris & gloriæ, animarumque salutis studium acquiritur, & nutritur, maximam operam adhibuerint. Deinde autem, si externis etiam instrumentis, atque subsidijs, qua non parum hominum salutem iuuant, ut instructi sint, non vulgarem operam dederint. Sed ita tamen, ut per huiusmodi adiumenta, se tantum spiritualis fructus colligere posse sperent, quantum diuinam gratiam iuxta Dei summæ providentiæ ordinem cooperari crediderint; qui bonorum omnium, tam naturalium, quam supernaturalium auctor est, quique propterea omnia ad suam gloriam vult referri.*

*Hæc autem, quæ externa subsidia, atque instrumenta vocantur; diuinarum & ecclesiasticarum, aliarumque bonarum literarum studia sunt, illa nempe, quæ precipuè de rebus illis tractant, quæ ad proximi salutem*  
iuan-



*iuvandam conferunt, Ac propterea omnes huiusmodi studijs pro suo captu graviter incumbere debent.*

*In studijs autem, actionibusque omnibus, mentem ab omni labe puram, integramque conseruent; eaque omnia ad Dei gloriam, animarumque salutem referant; hocque sanctum propositum quotidie in suis precibus renouent, pièque Domino offerant, ac commendent.*

*Meminerint etiam perpetuo obedientia, quæ maximè propria est illorum instituti, non minus circa studia ipsa, quam res alias omnes.*

*Quamobrem prompta, æquabilique animi alacritate, in ea studia incumbere semper parati sint, quæ Reuerendissimus Archiepiscopus magis probauerit, idque tam in ipsa studiorum materia capeffenda, quam in eorum ratione præscribenda.*

*Inter hæc autem instrumenta, de quibus modò diximus, connumeretur etiam vel maximè ratio ac via Diuini verbi prædicandi; quæ quidem eam verborum, sententiarumque gravitatem, eamque vim spiritus complecti debet, quam dignitas, & præstantia huius muneris requirit. Nam huius quidem muneris siue materiæ, siue finis spectetur; tanta vndique dignitas ostenditur, ut non facîle aliud excogitari, dicine possit, quod illo præstantius sit, aut altius, aut magnificentius: si quidem omnia Christianæ Religionis mysteria, ac Sacramenta, omnes virtutes, omnia, quæ ad eiusdem religionis fidem, fideique fructus spectant, omnia denique, quæ à Deo ad homines proficiſcuntur, & ad Deum proficiſcentes homines iuvant, verbi diuini nomine continentur: Illud*

præterea præstat hoc idem munus, ut Dei cognitio in-  
 audientium animis in dies magis ac magis seratur, lon-  
 gèque propagetur. Quod quidem nature uniuersę finis  
 est, ad quem condita omnia procreataque sunt, ut scili-  
 cet Diuinę Maiestatis inexplicabilis amplitudo intelli-  
 gatur, eaque cognita, ad procreatoris sui gloriam om-  
 nia referantur. Huc sanè hominum mentes diuini  
 verbi Prædicatores convertere contendunt; hac de cau-  
 sa illorum animas sapientia luce illustrare nituntur,  
 charitate inflammare, omni animi contentione permo-  
 uere; ob id in omnem partem audientes impellere conan-  
 tur, modo diuini iudicij terrore, supplicijque sempiter-  
 ni magnitudine concutientes, atque exagitantes, modo  
 cœlestis præmij spe excitantes, modo diuina misericor-  
 dia fiducia lenientes, semper autem à morte peccati ad  
 vitam spiritualem reuocantes. Hinc fructus ille præ-  
 stantissimus, salus animarum oritur: qui quidem quan-  
 ti faciendus sit; ex incredibili animarum ipsarum di-  
 gnitate conijci, intelligiue potest quæ si cui fortè obscu-  
 ra est; clarissima IESV CHRISTI verba perpen-  
 dat, animam unam toti mundo præferentis. Quid pro-  
 dest, inquit, homini, si uniuersum mundum lucretur,  
 anima verò sua detrimentum patiatur? Eiusdem præ-  
 terea res gestas omnes animaduertat. Quid enim aliud  
 ille voluit, cum è cœlo descendit, laboriosissimam vitam  
 interris duxit, acerbissimam denique mortem subiit,  
 quam hominum animas ab aeterno periculo, & morte  
 liberare? Hic certè laborum omnium susceptorum sco-  
 pus, hic sanguinis effusi, hic crucis, hic mortis fructus  
 fuit.

fuit. Eo in opere adiutores ei sunt, qui verbi Divini predicationi operam navant. Quare, cum eo officio fungantur Divini verbi Prædicatores, quo Christus ipse perfunctus est, ab eodemque præstantissimo munere animarum salus pendeat; illius dignitatem, præstantiamque intuentes Oblati, maxima certe tum verborum, tum sententiarum gravitate, ut diximus, maximaque vi spiritus, illud tractare debent, nihil eo neque utilius homini, neque Deo gratius, aut acceptius, à quovis homine præstari posse pro certo habentes.

Colloquia insuper, quæ in familiari consuetudine sapius haberi accidit, de ijs potissimum, cum occasio dabitur, instituantur, quæ ad mores formandos, animarumque institutionem planè christianam pertinent. Fiat autem colloquium eo verborum sententiarumque pondere, ut hominum mentes ad id, quod queritur, impellant, atque accendant.

Sed quamvis omnes quidem in procuranda, iuvandaque animarum salute studiosi esse debeant; nemo tamen, nisi prius re cum Præposito communicata, quicquam tractet, siue spiritualem, siue aliam alteriusque generis curam suscipiat.

Sed hætenus quidem de ijs, quæ pro animarum salute Oblatis sunt faciendæ. Vnum tamen superest præcipiendum, ut semel saltem singulis mensibus in Missa sacrificio unusquisque Oblatus Sacerdos pro ijs, qui de congregatione benemeriti sunt, precetur. Omnes præterea Sacerdotes huius congregationis, si quem Oblatorum è vita migrare cōtingat, Missæ sacrificiū pro eo celebrent, ut saltē in eo sacrificio precationē adhibeant. DE

DE EXERCITATIONIBVS OBLAT.  
vitam communem simul degentium.

C A P. III.

**H**ACTENVS dictum est de ratione, qua singuli se exercent Oblati, ut suam ipsorum primum, deinde aliorum salutem iuuent: deinceps, quo pacto illi se gerant, qui in eisdem adibus simul commorantur, communique vtuntur victu, agatur.

In adibus igitur Sancti Sepulchri, atque in alijs item eiusdem generis, in quibus simul commorantur Oblati, illi quidem, qui ecclesiasticum beneficium, cui residendi adiunctum est onus, non obtinent; omnes simul diuina officia, precesque horarias in oratorio enuncient; illis tamen exceptis, quibus Prapósito iubente, eo tempore in alijs muneribus versari contingat.

Festis item diebus, cum clericorum, sacerdotumque copia dabitur, & templum amplum adeò fuerit, ut Archiepiscopi iudicio fidelium hominum multitudinem capere possit sine ullo ex loci angustia impedimento Confessionum audiendarum, & Sacramenti Communionis ministrandi; tum Sacrosancta Missa, tum reliqua diuina officia solemnibus adhibitis ceremonijs canantur. Quibus omnes eiusdem domus Oblati intersint, prater eos, qui vel in Confessionibus audiendis, aut alijs ministerijs spiritualibus obeundis occupati, vel domesticis rebus necessarijs, aliaue iusta causa impediti, Prapósiti iudicio interesse non poterunt. In-

*Interim verò, dum exiguus adhuc Oblatorum est numerus, neque Ecclesia, ut decet ampla; ad eas Ecclesias se conferant, suas ibi præstantes functiones, ad quas iussu permissive Reuerendissimi Archiepiscopi eo nomine mittentur.*

*Sub vesperam quotidie in eodem templo Sancti Sepulchri, atque in alijs eiusdem generis domibus Oblatorum, antiphona de Beatissima Virgine Maria canatur, pro temporum diuinorumque officiorum ratione; cui quidem orationi omnes eiusdem domus, & Sacerdotes, & Clerici, & Laici adsint.*

*Illà finitâ, enuncietur psallenda de Beato Ambrosio, patrono huius Congregationis, & Ciuitatis, unâ cum oratione de eodem.*

*In omnibus edibus, in quibus simul viuent Oblati, à Preposito, aut ab eo, cui ille iusserit, frequentes exhortationes apud illos habeantur, qui eiusdem domus sunt; quibus de huius congregationis instituto, scopoque proposito, quam sapissimè agatur.*

*Frequenter autem per singulas hebdomadas, de rebus spiritualibus vicissim fiant colloquia, maxime verò de ijs rebus, quibus dirigi homines adiuvanturque possint ad viam peccatorum deferendam, & ad christiana perfectionis semitam sequendam; atque de ratione item, qua tentationibus Satana sit resistendum.*

*Proponantur etiam in his colloquijs remedia, qua contra singula peccata, vitiaque adhiberi oporteat, & rationes pariter, quibus pravi animi habitus amoueri, funditusque euelli possint.*

*De*

*De periculis præterea agatur, quæ vitæ spiritualis cursum comitantur, impediuntque progressum; de auxilijs item, quibus illa propulsantur.*

*Et de ratione pariter, qua instrui homines debeant, ad sanctarum meditationum, orationisque studium.*

*De ratione quoque subministrandi moribundis adiumenta, ad sanctè, pièque in Domino moriendum; deq; alijs insuper rebus spiritualibus, quibus, ut Domino rectè seruiat, adiuuari proximus potest.*

*Aliquando etiam, cum Prapósito, vel Praefecto spirituali visum fuerit, simul conferant Oblati singuli, quid eo die sibi in meditatione, orationeue, maiore cum animi sui vi, spiritualique gustu, Dei benignitas communicare, atque elargiri dignata fuerit.*

*Et quoniam Sacerdotes in hisce domibus collegiatis degentes, frequentes esse debent in confessionibus populi audiendis; illud quoque custodiant, ut singulis hebdomadis ter inter se de conscientia casibus disputationes, & consultationes ineant; quibus unus præsit, quem Prapósitus delegerit.*

*Bis saltem singulis hebdomadis, quarta scilicet, sextaque feria, in Ecclesia Sancti Sepulchri, & in alijs similibus, de rebus spiritualibus publica habeantur colloquia; quibus utriusque sexus homines interesse possint.*

*Singulis diebus festis sacra vel concio, vel sanctarum scripturarum explanatio in eisdem Ecclesijs fiat; cum scilicet copia dabitur Oblatorum, qui huiusmodi muneribus obeundis satisfacere possint.*

Oblati,



Oblati, qui in Ciuitate sunt, in adibus autem vita communis domicilium non habent, sæpius per hebdomadam, tum ad sui consortij Prapositum, tum ad ades Sancti Sepulchri, cum exercitationes spirituales fiunt, accedant.

Qui in Digressi autem habitant, ad eiusmodi exercitationes obeundas, prout Prapositus Sancti Sepulchri pro locorum propinquitate, aut longinquitate censuerit, ad Prapositum se conferant, cuius cura commissum est consortium Oblatorum illius plebis, vicariatusue, aut regionis, in qua illi habitant.

Oblati, qui in Seminarijs educantur, Sacellum habeant proprium, aut adiculam orationi dicatam, quo simul frequentius iussu & cura Præfetti sui spiritualis conueniant; ibique præcipuas quasdam spirituales exercitationes, præter illas, quæ propria sunt cæterorum Seminarij clericorum, simul exequantur.

Cum autem Oblatum aliquem à vita discedere contigerit; ad Altare maius Sancti Sepulchri procius anima, à probatissimis Sacerdotibus, iussu Præpositi Sancti Sepulchri, primo quoque tempore tres Missæ celebrentur.

Quod si is, qui à vita discessit, ex aliqua Oblatorum domo collegiata extiterit; ab eadem familia officium præterea funebre conuentuale eadem de causa celebretur.



50  
INSTITVTIONVM

AD OBLATOS PERTINENTIVM,

EPITOMES.

LIBER QVARTVS.

DE IIS, QVÆ AD OBLATORVM  
missionem pertinent.

C A P. I.

**C**VM in locum aliquem mittentur Oblati; præstantissime istius actionis pondus, & dignitatem animaduertentes, secum ipsi magis ac magis cogitent, oportet; Clericos homines ex omni christianorum numero diuinitus esse delectos, ut, cum luminis, tum salis facultatem, atque vim erga alios omnes exercentes, celestis illos sapientia luce illustrent, atque è tenebris peccatorum ad claritatem Diuinæ gratiæ euocent, atque deducant; vita verò optimè instituta sale condiant, ac diuinis oculis gratos reddant: quod sanè ut præstent, perficiantque omnino; singularem quandam gratiam per sacros ordines, Diuina largitate sibi fuisse tributam meminisse debent. Consuevit porro Deus munificentissimus, ac sapientissimus, cum serium aliquod munus, negotiumue hominibus iniungit, ad illud ipsum transigendum vim quoque propriam, singulareque donum impertiri. Mandasse olim Moysi Deum Iudaicæ

*Iudaicę gentis curam, omnium contumacissimę, illique propterea ad hanc Prouinciā facilē administrandā, mansuetudinem planē singularem addidisse, ex sacris literis nouimus: sicuti & Iosue aduersus Canangos summam rei militaris prudentiam, summamque virtutem: Salomoni sapientiam pene incredibilem, ad gentem sibi creditam regendam: Machabęis animum in impios inuictum. Itā sanē hominibus sacro ordine initiatis, unā cum onere gratiam, & robur ad onus ferendum necessarium, per Episcopi manus impositionem, Deum tribuere minimē est ambigendum. Quare cauendum porro diligenter ipsis est, ne quod Apostolus monet, gratiam sibi à Deo collatam in vacuum accepisse ostendant, illamque inanem reddant; quam Diuino consilio donatam sciunt, ut illam excitantes, summoporeque colentes, atque exercentes perpetuò, suam & aliorum utilitatem, & salutem procurent; tum quidem IESU CHRISTI Domini gloriam praeclaris studijs apud omnes amplificando; tum verò exemplum omnibus quam optimum proponendo, quo mores, vitamque componant; cum illos certē vel ob eam rationem maximē in altissimo dignitatis gradu, quasi in altissimo monte Deus collocauerit, & in conspectu omnium propositos esse voluerit. Nam, ut Nautę periculosis maris tempestatibus iactati, ad accensas in altis turribus faces iter dirigunt, cursumque contendunt; itā sanē homines varijs infestissimi seculi agitati procellis, in sacerdotum vitam ac mores, tanquam in lumina quādam clarissima, oculos intendunt. At verò, cum huiusmodi viuendi ratio clericis omnibus debeat: quonam*

tandem pacto se gerere debent Oblati, ad clarissimum istius congregationis institutum vocati, maximaque propterea in hominum expectatione positi? Hi certe, cum ante alios ad praeclaras actiones in hac Diœcesi præcipue præstandas diuinitus vocati censeantur, nisi diligentius, ac studiosius vocationem istam obire assiduis vigilijs, indefessisque laboribus, se totos in hominum salutem impendere, ceterosque demum omnibus in rebus singulari studio superare contendant, neque suo muneri, neque diuinæ vocationi, neque hominum expectationi satisfacisse, sibi omnino persuadeant, oportet. Cum autem in omnibus institutæ congregationis functionibus tales se præstare debent, tum maximè in missione omnium præstantissima. Quare, quæ subiiciuntur, monita atque præcepta ad missionem pertinentia perspicere diligenter, planè quæ custodire debent.

Principio igitur, quemadmodum periti Agricola nihil in viterelinquant, quod vel vuarum ortum impedire, vel progressum remorari, vel maturitati officere posse censerent, sed illud omne amputant, circunciduntque; sic muneris sui obseruantes adeò esse debent Oblati, ut, quæ à Diuini nominis propagatione, atque animarum salute aliena sunt, reiiciant prorsus, aboleantque.

Quare illud imprimis curent diligenter, ne vlla in cultu ostentatio cernatur, nulla in sermone petulantia, nulla in moribus dissolutio, nulla in vita turpitudine. Illud deinde maximè referre ad dignitatem clericalem conseruandam meminerint, omni loco, omni tempore, de rebus spiritualibus sermonem saepe inferre: quod ut  
copio-

*copiosius, faciliusque praeſtent, animum diuinarum rerum assidua commentatione pascant, memoriamque sacrarum historiarum commemoratione exerceant.*

*Et quocunque tandem missi fuerint, vultu ibi, incessu, gestu, verbis, omni denique corporis, atque animi moderatione, eam viuendi normam praeferant, ac seruent, quam & institutum congregationis, & Ecclesiastici ordinis ratio, & exemplum, quod omnibus optimum praebere debent, ad quos mittuntur, ab eis omnino expostulant. Sciant autem se muneris sui partes eò melius executores esse, quò plus probata vita exemplo ceteris hominibus praestiterint.*

*Meminerint verò etiam magni referre ad hominum salutem, Ecclesiae Sacramentorum administrationem summa cum dignitate tractatam. Cum enim animus noster rerum sensibus subiectarum aspectu primum moueatur, ex his autem adeorum, quae sensus effugiunt, supernaturaliaque dicuntur, considerationem, & amorem homines excitentur, ac traducantur; nihil omnino illis praetermitti debet eorum, quae ad res sacras cum dignitate, atque amplitudine extrinsecus etiam tractandas, administrandasque spectant.*

*Vt autem Sanctis Apostolis in huiusmodi missionis genere unusquisque Oblatorum magis ac magis pro sua vi similis fiat; quò sub oculis hominum viliora, difficilioraue factu erunt ea, ad quae obeunda missi fuerint; ac denique quò plius pro animarum salute, & Dei gloria pari illos oportuerit; eò alacriori, fidentiorque animo, iniunctam missionem amplectantur, exequanturque.*

*Cete-*

Ceterum, ut piè & laudabiliter se gerant, missionis-  
que munus, cum opus erit, alacriter suscipiant, diligen-  
terque obeant, ac denique missionis muneri plane, verè-  
que satisfaciant, Sanctos Apostolos, ac discipulos à  
**CHRISTO DOMINO** multoties missos imitari stu-  
deant; qui sine ullo humano presidio, subsidio, primùm  
per totam Iudeam missi, diuino auxilio, & benignitate  
freti, iniunctum munus fortiter presterunt; atque eam  
eiusdem prouidentia, & curà, spem, animique virtutem  
conceperunt, ut deinde per totum orbem Christi nomen  
humanis auxilijs destituti ferre, predicareque non dubi-  
tauerint.

Horum igitur Sanctorum Apostolorum preclarum  
exemplum, diuinamque mentem imitati, in eum, qui in  
**CHRIST I IESU** nomine illos mittet, omnem tuam via-  
tici, tum cuiusvis alterius rei necessaria curam omnino  
reijciant. Si quid tamen sit, quod illum scire, qui mit-  
tit, interesse animaduertant; illud eidem, siue Archiepis-  
copus ipse sit, siue Præpositus Sancti Sepulchri, pate face-  
re non omittant.

Auaritia non solum omnem, sed leuissimam etiam  
illius suspicionem prorsus fugiant.

Redditibus præterea, fructibusque beneficiorum Ec-  
clesiasticorum, ad quorum curam aliquo tempore geren-  
dam mittentur, se nullo modo inferant. Sed eo victus  
contenti, qui sibi ad Reuerendissimi Archiepiscopi præ-  
scriptum assignabitur, vel literis patentibus, vel alia  
ratione explicandum, administrationem reddituum illo-  
rum Ecclesiasticorum ab illis geri sinant, quibus id mu-  
neris

neris incumbit, iniunctumue fuerit.

Nec verò Oblatorum cuiquam aut emolumentum ali-  
quod à quoquam, manusue ullum, ne minimum quidem,  
exiguique pretij, aut esculentorum, poculentorumue  
quippiam, accipere liceat, quacunque causa mittantur,  
& qualiacunque sint ea munera, quibus ex instituto Con-  
gregationis Reuerendissimi Archiepiscopi iussu fungi  
illos contingat; nisi quid ab eodem Archiepiscopo eisdem  
dari præscriptum, permissumue fuerit. Neque in Dig-  
cèsit tantum ista obseruentur, sed in Vrbe quoque, atque in  
omni prorsus actionum genere, ad quas mittantur.

Quintodecimo saltem die à suo discessu, & de statu  
suo, & de fructu, quem Dominus per eorum labores do-  
nare dignatus sit, Præposito S. Sepulchri per literas  
certiorem faciant diligenter: Singulis verò mensibus  
Reuerendissimum ipsum Archiepiscopum, aut Vicariū  
eius generalem: sed & citius etiam, si quid fortè contin-  
gat, aut si quid in mandatis habeant, quod eidem celerius  
significandum sit.

Priusquàm autem so itinere committant; patentes li-  
teras Reuerendissimi Archiepiscopi à Præposito S. Sepul-  
chri accipiant: qui tum literas illas, tum alia omnia ad  
missionem necessaria expediri curet, illisque præterea à  
Cancellario Archiepiscopali indicem plebium, & loco-  
rum, quò quisque mittendus est, descriptum accipiens  
tradat.

Vicarium deinde generalem, Visitatores item genera-  
les, ac præterea proprium illius plebis Visitatorem, ad  
quam mittuntur, si in Vrbe sint, conueniant, ut, si quid  
illi



illi fortè habeant, quod eis significandum, praeicipiendumue sit, ante profectionem accipiant.

In discessu demum à Reuerendissimo Archiepiscopo benedictionem petant, illoque absente, Praeposito Sancti Sepulchri se sistant, atque exhibeant, illorumque monita omnia accuratè cognoscant, ac tota mente complectantur.

Ad Vicarium Foraneum statim rectè proficiantur, eique patentes literas exhibeant.

Ab eodem quo cuique loco ad spiritus auxilium necessaria sint, sciscitentur, cum eodemque conueniant de diebus, statisque horis, quibus in vnamquamque illi subditam parochiam venturi sunt, vt ille interim Parochos suos certiores maturè faciat.

Vt Parochus Dominico die, alioque praecedente festo, populo significet, quo die aderit Oblatus, pridieque illius diei eundem populum de illius aduentu, sono campana admoneat, demum verò etiam, cum aderit, statim eodem campana signo illius aduentum significet, eademque ratione ad sacram concionem audiendam, cum tempus aderit, populum conuocet, diligenter curent.

Festis diebus, quibus frequentior, numerosiorque populus ad Ecclesiam confluit, atque spiritualibus rebus maius nactus ocium facilius incumbit, Verbum Dei, pro viribus, diuersis locis, horisque diuersis pradicent: manè scilicet, vno in loco, cum missa celebratur; à prandio, alio in loco, cum rudiores homines fidei Christiana docentur principia; & vespere, alio rursus loco, ante vel post salutationem Angelicam, vt frequentia populi occasio suadebit.



bit. Alijs autem diebus, quibus populi secularibus curis implicati, diutius in Ecclesijs immorari prohibentur; summo mane, priusquam homines ad secularia opera accedant, in una Parochiali Ecclesia predicent; vespere autem illius diei, in altera: nisi fortè aliquando propter alicuius loci uberiores fructum, alicubi diem totum commorari opus esse censuerint. Nullo tamen loco, ultra diem unum, in eius generis missionibus, ulla de causa morentur, nisi Reuerendissimus Archiepiscopus aliter iusserit.

Quibus autem locis Concionis causà occupati non sunt, ibi in audiendis Confessionibus, si Sacerdotes sint, atque in alijs spiritualibus curis se totos exercent, homines inter se dissentientes conciliando; utrum mundè, ac decenter sacra loca, vasaque, atque omnis denique suppellex Ecclesiastica custodiatur, inspiciendo; rudiores homines in rebus christianis instruendo; in scholis etiam eorum, qui disciplinati vocantur, & alijs huiusmodi hominum conuentibus, ad virtutem, religionemque capefendam fratres, ac collegas hortando; aliaque eiusmodi officia prestando, quæ ad animarum salutem procurandam accommodata sunt.

Illæ verò potissimum, quæ sequuntur, tum publicè, tum priuatim, omni studio procurent.

Vt Doctrina Christiana scholæ in singulis parochijs instituantur, restituanturue, atque ad præscriptum institutionum, ab earundem Priore generali traditarum augeantur.

Vt quotidiana orationis vespertinæ usus singulis locis

H

reti-

retineatur omnino, & ubi intermissus est, restituatur.

Ut Matutina quoque oratio post auroram statim instituat.

Ut ad Ecclesiam suam omni animi alacritate, & liberalitate bene instruendam, & ornandam, atque augendam Ecclesiasticam suppellectilem populus unusquisque promoveatur.

Ut vel tempore sui aduentus, vel proximo die festo post discessum, qui confessi reperiuntur, sacram sumant Eucharistiam, idemque deinceps sepius faciant. Quin etiam ad peccatorum omnium totius superioris vite uniuersalem confessionem repetendam illos studiosè cohortentur; eamque ob causam curent diligenter, ut industria Parochorum, auctoritate Vicariorum Foraneorum ad ea loca, ad quæ ipsi mox venturi sunt, vel eodem tempore, vel proximo sequenti die festo, ex vicinis Vicis, Oppidisue, probatiores complures vocentur Sacerdotes, qui operam suam ad audiendas confessiones omni cura, studioque prestent.

In eam verò etiam curam incumbant, ut, qui sint tum Cleri, tum populorum mores, ex probatis viris diligentissimè perquirant, omniaque notent libello aliquo, quæ emendatione egere videantur, de quibus mox, cum Reuerendissimo Archiepiscopo, opportuno tempore, agant. Si quid autem eiusmodi offenderint, quod pressens postulet remedium; Reuerendissimum Archiepiscopum, vel eius Vicarium generalem certiore statim faciant.

Qui Sacerdotes erunt, quotidie Missæ sacrificium celebrent

lebrent in eoloco, in quo concionem sunt habituri: quam quidem diebus festis post recitatum Euangelium statim habeant; ceteris autem diebus, ante Missam, nisi aliter faciendum presens populi suaserit utilitas.

Qui vero Sacerdotes nonerunt; tum à Reuerendissimo Archiepiscopo, vel à Preposito S. Sepulchri, quo die primum ab Vrbe erunt discessuri, tum deinde & singulis diebus festis, & sepè etiam alias per hebdomadam, à Parocholoci, in quo erunt, vel à socio suo Sacerdote, cum binumittentur, Sanctissimam sumant Eucharistiam.

Cum primum ad aliquem locum peruenerint; statim se ad Ecclesiam conferant, ibique ante Sanctissimum Dominici Corporis Sacramentum, per aliquod temporis spatium, orent; tum ex Parocho, alijsque Ecclesiasticis, & probis viris, proprios illius populi mores, & abusus, & deprauatas consuetudines cognoscant, ut suis concionibus uberiores fructus ea ratione incolis pariant.

Perpetuò autem apud homines Ecclesiasticos, & Parochos potissimum, hospitentur; vel si Ecclesia vacet, saltem in Ecclesiasticis adibus, si fieri possit. Sicubi autem fortè Oblatus aliquis aliud domicilium habere comperiatur, quò ipsi venerint; apud eum maneant, Sacerdotali charitate, frugalitateque, qua excipiuntur, contenti.

Quæ de muneribus reiiciendis, deque literis ad Reuerendissimum Archiepiscopum, & ad Prepositum Sancti Sepulchri sepius dandis, alijsque multis in missione præstandis præscripta sunt, seruent diligenter; ac præ-

terea etiam quacumque in tertio libro Constitutionum Oblatorum, cum titulo De pijs exercitationibus singulorum Oblatorum ad disciplinæ spiritualis incrementum, cum Titulo, De exercitationibus ad proximorum salutem iuuandam, notata reperiuntur.

Illud quoque meminerint Dominica voce admoniti, ut quancumque domum ingrediuntur, & pacem illi domui precentur, & pro ratione sua missionis, ut vera pax inibi existat, omni officio efficiant.

Reuersi à missione, Prapósito Sancti Sepulchri literas patentes restituant, ut easdem iterum, cum denovo mittentur, accipiant.

Hac igitur ratione se gerant Oblati, cum aliò mittentur, hac omnia seruent diligenter, fideliterque præsent.

Hac enim Congregationis Oblatorum præstantiora sunt munera, utilioresque functiones: quare & his potissimum ad Ecclesia Mediolanensis dignitatem amplificandam, uniuersæque Diœcesis utilitatem procurandam, enixè incumbendum est.

In laboribus autem missionum, alijsue alterius generis nouiter suscipiendis, atque exequendis, crebrò tum corporis, tum animi vires excitent, spiritualium præmiorum memorià, quibus Oblatorum tum ingressum ipsum in Congregationem, tum singulos hosce labores Sanctiss. Pontifex Greg. XIII. summa Charitate fusè, latèque profecutus est.

Atque ea quidem spiritualia præmia, hac planè sunt. Concedit enim Summus idem Pontifex omnibus quidem

dem primum, & singulis Congregationis Oblatis, qui & nunc, & deinceps unquam erunt, qui totius anteactæ vitæ peccata confessi, Sanctissimum Eucharistia Sacramentum sumpserint, plenariam omnium peccatorum suorum Indulgentiam & remissionem.

Ijs quoque, qui die festo S. Ambrosij, S. Simpliciani, & Epiphania Domini, Missam deuotè celebrauerint; plenariam Indulgentiam.

Præterea in cuiuslibet ipsorum mortis articulo, nomen IESU MARIE, deuotè inuocantibus, plenariam Indulgentiam.

Item, quoties Sacramenta ministrabunt; Indulgentiam unius anni.

Item, quoties ex missione prædicabunt; Indulgentiam trium annorum.

Item, quoties exercitationes, & functiones alias, ad Dei cultum, & proximi salutem præstiterint; Indulgentiam unius anni.

Item, quoties ex Congregationis Instituto simul congregati collationibus, colloquijsue spiritualibus, aut lectionibus sacris, hortationibusque, aut alijs pijs exercitationibus, per semihora spatium vacauerint, aut ad canendas litanias, aut recitandum Antiphonam BEATÆ MARIE, Salve Regina, vel aliam pro temporis ratione; Indulgentiam centum dierum.

Item, quoties examen conscientie agent, futura meditationis argumentum accipient, aut rationem peractæ meditationis confessario, aut Præfecto spirituali reddent; Indulgentiam unius anni.

Item,

*Item, quoties Rosarium Beatę Marię Virginis recitauerint, qui consueuerint saltem singulis Sabbatis, & vigilijs festorum dierum eiusdem Marię Virginis illud recitare; Indulgentiam vnius etiam anni.*

*Item, quoties pro Oblato defuncto, ex instituto Congregationis orabunt; Indulgentiam trium annorum.*

*Item, quoties peccata confitebuntur, aut Missam celebrauerint; septem annorum Indulgentiam.*

QUANTVM PECCET, QVI PRÆSCRIPTAS  
Constitutiones non seruauerit.

## C A P. II

**Q**UOD autem ad harum præscriptionum, Constitutionumque usum tenendum, ac seruandum attinet, licet ad præclaram animi institutionem, atque ad veram religionis, omniumque Ecclesiasticarum Virtutum consecutionem, progressumque spirituales perutiles, atque pernecessarię illę sint; si quem tamen eas aliquando non seruare contigerit, non plus illum tunc peccare declaratur, decerniturque, quàm prauaricationis ipsius, operisue, in quo peccatum est, ratio alias postularet.

L A V S D E O.

E L E N C H V S C A P I T V M .

L I B R I I.

<b>D</b> E scopo Oblatorum, & Congregationis illorum fundamentis. Cap. I.	pag. 1
De conditionibus eorum, qui in Congregationem Oblatorum recipiendi sunt. Cap. II.	pag. 3
De forma Oblationis. Cap. III.	pag. 5
De ijs, quæ ab Oblatis præstari debent. Cap. IV.	pag. 8
De conditionibus ad votum cum subiectionis bonorum, & fructuum, tum paupertatis pertinentibus. Cap. V.	pag. 14
De Ratione administrationis fructuum Archiepiscopi obedientiæ subiectorum. Cap. VI.	pag. 16
De Ratione votorum supra expositorum. Cap. VII.	pag. 17
De facultate, & ratione excludendi Oblatos à Congregatione. Cap. VIII.	pag. 17

L I B R I II.

<b>D</b> E varijs Oblatorum Domibus, & familijs. Cap. I.	pag. 20
De Collegiatis Domibus. Cap. II.	pag. 22
De Domibus Conuictorum. Cap. III.	pag. 26
De Oblatorum habitatione in Domibus Seminariorum, Collegiorumue piorum. Cap. IV.	pag. 27
De	



De Oblatis communis vite institutum non exer-	
centibus. Cap. V.	pag. 28
De Hospitio Oblatorum. Cap. VI.	pag. 29
De Oneribus à Congregatione non recipiendis.	
Cap. VII.	pag. 30

### L I B R I III.

<b>D</b> E Pijs exercitationibus singulorum Oblato-	
rum ad ipsorum Disciplina spiritualis in-	
crementum pertinentibus. Cap. I.	pag. 31
De exercitationibus ad proximorum salutem,	
iuuandam pertinentibus. Cap. II.	pag. 39
De exercitationibus Oblatorum vitam commu-	
nem simul degentium. Cap. III.	pag. 46

### L I B R I IV.

<b>D</b> E ijs, quæ ad Oblatorum missionem perti-	
nent. Cap. I.	pag. 50
Quantum peccet, qui præscriptas Constitutiones	
non seruauerit. Cap. II.	pag. 62

### F I N I S.

*P. Galestinus Proton. Apost. pro Illustriss.  
Archiep. & pro R. Inquisitore.*

# CONSTITVTIONES

CONGREGATIONIS OBLATORVM

## S. AMBROSII.

*Ad vniuersam curam, & administrationem eiusdem Congregationis, singularumq; Domuum, & Consortiorum pertinentes,*

Illustris. & Reuerendis. D.

D. FEDERICI TIT. SANCTÆ Mariæ Angelorum, S. R. E. Presbyteri Cardinalis, Sanctæq; Mediolanensis Ecclesię Archiepiscopi iussu editę.

---

## F E D E R I C V S

Tit. S. Marię Angelorum S. R. E. Presb.

Card. S. Mediolanen Eccl. Archiep.

Ad perpetuam rei memoriam.



**C**OLLEGIVM Oblatorum S. Carolus cū instituisset, vt peteret inde idoneos ministros ad obsequium omne Pastorale, huic ordini statuerat dare leges, quæ ad animi cultum, & cœlestes curas, quæ ad hæc humanarum necessitatum inferiora meditantia

A

per;

pertinerent. Sed alterum præstitit ille quidem;  
 descripsitq; saluberrimis præceptis, & optima  
 ratione disciplinam: alterum verò cum agitare,  
 migravit ex hac vita. Nos ad eandem vigiliam  
 diuina benignitate vocati, debuimus hac etiam in  
 parte destinata S. Pastoris sequi consilia, & reli-  
 quias illius magnæ mentis attentæ religionē custo-  
 dire. Damus igitur Oblatorum familijs has le-  
 ges, & hac domesticum regimen amplectentia de-  
 creta, quæ iam antea mandato nostro præsen-  
 tibus ipsis promulgata fuere, eamq; recognitionem  
 in acta refferri mandauimus; Volumusq; ut in-  
 uiolabiliter huiusmodi decreta executioni man-  
 dentur, simul cum Regulis, quæ ita inscriptæ re-  
 periuntur: Institutionum ad Oblatos S. Ambrosij  
 pertinentium Epitome in libros 4. distributum. Si  
 quid addi, demi, mutari uè rerum vicissitudo, vel  
 ipsa dies postulabit, liberum id nobis, integrum-  
 que reseruamus: contraria, & repugnantia si  
 quæ constituta reperiuntur, aut consuetudine con-  
 firmata, ea tollimus, & abrogamus.

Mediolani ex adibus Archiep.

3

Atergo. Dilecto filio nostro Federico Tit. S. Mariæ  
Angelorum in Thermis Diocletianis Presbytero  
Cardinali Borromæo nuncupato.  
Intus verò

## CLEMENS PAPA VIII



Ileatè fili noster, salutem, & Apostoli-  
cam benedictionem. Cum, sicut ac-  
cepimus, bo. mem. Carolus Tit. S. Pra-  
xedis Presbyter Cardinalis Ecclesiæ  
Mediolanen. dum vixit Præsul, Con-  
gregationem Oblatorum in Ciuitate


Mediolanen. fundauerit, & pro illius bono regimi-  
ne, tùm in spiritualibus, tùm in temporalibus, di-  
uerfa statuta, regulas, & ordinationes per eandem  
Congregationem obseruandas ediderit, animo illas,  
pro vt experientia docuisset, auctoritate etiam Sedis  
Apostolicæ, qua suffultus erat confirmandi, & ap-  
probandi; sed cum morte præuentus id facere non  
potuerit Nos de tua pietate, prudentia, zelo, &  
integritate plurimum in Domino confisi circum-  
spectiōni tuæ Ecclesiæ prædictæ Mediolanen. ex  
concessione, & dispensatione Apostolica similiter  
Præfuli, quoad vixeris quando, & quoties tibi vi-  
debitur expedire statuta, regulas, & ordinationes

prædictas, auctoritate nostra, examinandi, eaq; aut  
 confirmandi, & approbandi, aut mutandi, & alte-  
 randi, & alia de nouo condendi, eaq; etiam confir-  
 mata, & approbata, aut mutata, & alterata, & de  
 nouo condita deinceps, quodocunq;, & quoties-  
 cunq; pariter expedire iudicaueris, iterum ac pluries  
 mutandi, alterandi, cassandi, annullandi, renouandi,  
 aliaq; de nouo condendi, & ea confirmandi, & ap-  
 probandi, & ab omnibus, ad quos spectat, & in fu-  
 turum spectabit, etiam sub censuris, & penis eccle-  
 siasticis arbitrio tuo infligendis, declarandis, & mo-  
 derandis, obseruari mandandi, & faciendi, contra-  
 dictores quoscunq;, & inobedientes per easdem cen-  
 suras, & pœnas, aliaq; opportuna iuris, & facti re-  
 media, appellatione postposita, cogendi, & compul-  
 lendi, aliaq; in præmissis, & circa ea necessaria, seu  
 quomodolibet opportuna faciendi, gerendi, & exe-  
 quendi, plenam, liberam, & amplam facultatem,  
 auctoritate Apostolica prædicta, tenore præsen-  
 tium, concedimus, & impartimur. Non obstan-  
 tibus Constitutionibus, & Ordinationibus Aposto-  
 licis cæterisq; contrarijs quibuscunq;

Datum Romæ apud S. Petrum sub annulo Piscatoris  
 die 5. Decembris M.D.C. Pontif. nostri Anno nono.  
 M. Vestrius Barbianus.

Loco ✠ Sigilli.

DE



D E

# ARCHIEPISCOPI

In vniuersam Oblatorum Congregationem potestate, & illorum obedientia.



VONIAM Congregationis fundamentum ex Sancti Caroli præcipua Institutione, in obedientia potissimū, quæ simplicis voti nomine nuncupatur, Mediolanen. Ecclesiæ Archiepiscopo præstanda constitutum est, singuli

propterea in hanc Congregationem cooptati illius voluntati, à quo omnino pendent, se conformare studebunt, & quæcunque is ad huius Ecclesiæ vtilitatem imperauerit, promptè exequentur.

Cum item vniuersæ Congregationis cura, & administratio penes eundem Archiepiscopum sit; Nos idcirco eum, & illius regimini diligenter inuigilaturū, & paterna animi charitate eandem amplexurum, & Præpositum Generalem, cæterosq; Ministros

intra



intra iuris limites omni studio protecturum planè  
confidimus, eoq; magis ubi fructus in dies vniuerso  
Clero, & animabus suæ fidei diuinitus traditis indè  
redundantes intuebitur.

Quoties Archiepiscopus in Vrbe fuerit, optamus, vt  
negotijs quæ pro Congregatione tractanda erunt,  
non modò auctoritate præsit, sed eadem, si id rei  
grauitas postulabit, præsens videat, & quod illi  
vtile, ac commodum videbitur decernat.

Insuper identidem Præpositum Generalem ad se adsci-  
scat, vt de omni Congregationis statu, de eorum  
maximè qui ad Prædicationem verbi Dei, visitatio-  
nem, & adcætera eius generis per Diocesim missi  
fuerint, accuratè admoneatur. Quoties verò ali-  
qua in re auxilium desideratum fuerit, illud paterno  
quo debet affectu daturum speramus.

Exoptamus præterea vt bis saltem in singulos annos  
Sancti Sepulchri Ædes, & eius partes omnes exqui-  
sita diligentia visitet, quosque ibi moram trahentes  
recognoscat, de rebus ad munera tam diuina, quam  
humana pertinentibus inquirat quàm diligentissi-  
mè, & si quæ desiderantur facienda imponat.

Vbi verò absens, vel impeditus fuerit, ad hoc visitatio-  
nis munus deligere poterit Vicarium suum Genera-  
lem, aut alterum virum magni consilij, & virtutis.  
Interim tamen Visitatores Generales per Capitulū, vt  
infe-

inferius, declarati, suo munere omninò fungantur.  
 Et quemadmodum ius mittendi Oblatos modò per  
 Urbem, modò per Diocesim ad ea charitatis, ac  
 obedientiæ munera obeunda pro quibus Congre-  
 gatio instituta fuit Archiepiscopi proprium est, ita  
 eo absente, vel sede Archiepiscopali vacante ad Vi-  
 carium Generalem pertinebit; Qui tamen audito  
 Præposito Generali solùm idoneos deligat.  
 Qui deindè declarati fuerint, commissum munus ne  
 obeant, nisi scriptis impetrata ab Archiepiscopo, vel  
 Vicario Generali facultate.

### DE CAPITVLO GENERALI.



Capitulum Generale huius Congregationis  
 semel quotannis celebrabitur, feria statim  
 secunda post octo dies Christi Corporis sole-  
 mnitate celebres, sæpiùs item, si ita Archiepiscopo  
 videbitur.

Certus locus ad quem omnes conueniant, Domus S.  
 Sepulchri constituitur; Quod si loci mutationem  
 legitima occasio postulauerit, Archiepiscopus eum  
 deligat quem voluerit, etiamsi in Diocesi.

Vbi præstituta dies venerit in Capitulo agatur de omni  
 Congregationis statu, de progressionibus spiritua-  
 libus, de rebus omnibus ad Congregationis vsum  
 perti-

pertinentibus, quas, quia graues Archiepiscopo uise fuerint, is communi consilio tractari uoluerit. Nihil tamen proponant nisi de Archiepiscopi, aut si is absit, eius qui præest auctoritate.

Si quid etiam de Archiepiscopi, quamuis præsentis, assensione, seu aliàs propositum fuerit, receptum uè suffragijs, id omninò irritum esse uolumus, nisi eiusdem litteris nominatim comprobetur.

Quoties Archiepiscopus præesse non poterit, Præpositus Generalis in eius locum sufficiatur.

Ubi tamen de Præposito-sucessore, & de cæteris Ministris Generalibus renunciandis consulatur, Præpositus, ac singuli Ministri etiam cuiusuis familiæ, Urbis, & Diocesis Mediolanen. potestatem quam obtinent deponant, tum vnus ex antiquioribus Congregationis ab Archiepiscopo, si nō aderit electus, qui duo vota nuncuparit, huic consultationi præsideat, vel alius quem experientia, & uis magis idoneum iudicarit.

Huic autem Generali Capitulo ij aderunt qui inferius enumerantur, atque suffragij ius hāebunt, quamuis sua quisque munera coram Capitulo, sicuti statutum est, renuntiarit.

Hi porro sunt.

Præpositus Generalis.

Visitatores duo.

Totidem

Totidem Consultores, pluresue.

Assistens Monitor.

Præfectus Spiritualis.

Procurator.

Præpositi cuiusvis domus, qui vitam cōmunem agunt.

Præpositus cuiusvis Consortij Dioecesani, si conuentus statis temporibus vt plurimum ab ijs habeatur.

Rector cuiusvis Seminarij, Collegijue Adolescentum, qui tamen Oblatus sit.

Omnes item qui paupertatis, aut subiectionis suorum bonorum votum vouerint, ij tamen Sacerdotes sint, & triennium in Congregatione laudabiliter commorati.

Vbi Oblatorum numerus creuerit, Archiepiscopus propter locorum distantiam ab hoc conueniendi onere immunes faciat, quos voluerit, ne Ecclesiae suis nudatae Pastoribus detrimenti quicquā capiant.

Possit item ad has consultationes, præterquam ad Ministrorum creationem, Oblatos quoscumque alios conuocare, quos negotijs quæ tractantur, opportunos censuerit, modò sint sacerdotali nota insigniti.

Quæuis Oblatorum domus, & Consortium siue in Vrbe, siue in Dioecesi extet, si tamen Oblatis duodecim constet, & statis temporibus congregari soleat, sacerdotem è suo Collegio, seu Consortio tribus iam annis oblatum deligat, qui ad Capitulum

B

Generale

Generale celebrandum conueniat.

Ij omnes, & singuli suffragia terre possint etiam pro Præpositi, Ministrorumuè omnium deliberatione; Illud verò ratum firmumuè habeatur, quod ex tribus partibus duæ probarint, si tamen Archiepiscopo ita videbitur, qui liberam semper, & eligendi, & approbandi potestatem habet.

Sigillum quod ad opportuna Congregationis negotia inseruiat, eiusmodi esse placet, vt cum Beatissimæ Virginis Mariæ, tum Patroni nostri Diui Ambrosij effigies in sublimi loco signata, aut inculpta sit, sub his præterea, Sanctus Carolus pastoralis vestitu indutus ita imprimatur, vt quos sub tutela Diui Ambrosij recipit, eidem offerat, & commendet.

*DE RATIONE CREANDI PRÆPOSITVM  
cæterosuè Ministros Generales.*



Ræpositus cæteriq; Ministri, quorum curæ vniuersa Congregatio commendanda est, ne deligantur, nisi qui à residentiæ beneficijs omninò liberi sint, quiuè annis saltem quinque post sacerdotium in Congregationis muneribus rectè vixerint.

Sint præterea in spiritualis, & sanctæ vitæ ratione ita versati, vt quæcunq; verbis alios docebunt, ea factis exprimant suis.

Qui.

Quicumque Ministri sacerdotes sint, præter Scribam,  
& Procuratorem, quos, modò sacris initiati Ordini-  
bus fuerint; ad id muneris idoneos declaramus.

*HÆC AVTEM IN PRÆPOSITI  
electione omnino servantur.*



Mploretur primò Spiritus Sancti auxilium.

Tum ea, quæ de Præpositi Generalis electio-  
ne, de modo celebrandi Capitulum Consti-  
tutiones docent, distinctè, & alta voce legantur.

Tum conditiones necessariae in illis qui ad hæc mune-  
ra, & officia vocandi sunt.

Nomina denique eorum qui in Congregatione per  
quinquennium post Sacerdotium nullo astricti resi-  
dentiae beneficio vixerint, quiuè ad hæc officia per  
idonei habentur.

Capitulum deindè Generale tres huius Congregatio-  
nis Sacerdotes, & ipsdem quos diximus, virtutibus  
ornatos, per secreta suffragia nominabit.

Ex his verò tribus Archiepiscopus Præpositum eum-  
deliget, quem pro suo iudicio cæteris, & probitate,  
& prudentia antecellere iudicauerit. Atq; id illum  
perpetuò præstitutum speramus, cum Dei honorè,  
animarum salutem, huius Congregationis vtilitatē  
sibi ante oculos proponet.



in ferendis verò suffragijs hæc lex custodiatur, vbi prius orationi mentali modicum temporis attribuerint; Archiepiscopus, aut si absit, Præses, tres ex grauioribus, antiquioribusuè deligat, qui suffragiorū curæ fideliter assistant.

Qui ad id muneris electi fuerint, illud ne obeant, priusquam ante Crucifixi imaginem, qui supra mensam decenti stragulo constrictam collocabitur, ea iussurandi formula, quæ infra scripta est, iurarint, quam & à scriba præstari omninò iubemus.

Ego N. testem inuoco Deum, me in hoc suffragiorum munere fidelem præstiturum, & singulorum verum numerum relaturum, nullumq; electorem patefacturum.

Super eandem mensam vrna parata sit, schedulæuè plurimæ, in quibus ita scriptum legatur, Nomino Præpositum Generalem, relicto spacio eiusdem nominis scribendi.

Facto sicuti præscripsimus, iuramento, scriba hæc statim alta voce pronuntiabit. In nomine Sanctissime Trinitatis Patris, & Filij, & Spiritus Sancti suffragia singuli ordine ferant.

His auditis quisque assurgat, & ad mensam quæ ab omnium oculis nonnihil remota erit, accedens, primò ante Crucifixi figuram genua flectat, deindè se crucis salutifero signo muniat, tum vnā à schedulis

Is ita assumat, ut ab omnibus conspiciatur, tum eorum quos elegerit, nomina, & cognomina mentito quantum poterit caractere, conscribat.

Ad suum autem nomen inscribendum, quod Congregationis sigillo, adhibita cera, contegi debet, ut non modo suffragium secretò detur; verum etiam, ut si qua fraus subsit, depræhendatur, consuetam manū adhibeat.

Postremò schedulam in hunc modum conscriptam, complicit, & complicatam altius attollens in urnā conijciat, suamq; statim locum repetat.

Post hæc, qui ad mensæ custodiam iam electi sunt, eisdem cum suffragia afferenda erunt aduersa erga cæteros facie adsistant.

Scriba verò urnam capiat, eandemq; sæpius agitet, ut schedulæ inter se misceantur, confundantur, deinde singulas, prout fors tulerit, cum sigilli impressione educat, easque statim suffragiorum curæ assistentibus tradat: Porro ij Archiepiscopo, aut Præsidi easdem ostendant.

Qui plura suffragia dimidia parte tulerint, ij singuli nominati centeantur, ubi verò plures, quam tres nominabuntur, ij solum tres, qui plura suffragia habuerunt nuncupati existimentur, & si vota fuerint paria iunior ex nominatis prætermittatur.

Quod si primo non successerit, iterum suffragia eadem ratione

ratione ferantur. Quod si adhuc electio suum non sortita fuerit finem suffragia denuo afferantur.

Hoc item perpetuò seruetur, vbi suffragia propter aliquam causam continuanda erunt.

Ex ijs autem nominatis Archiepiscopus ipse, penes quem creandi, ex suo arbitratu potestas omnino manet, vnum eligat, & creet Præpositum Generalem, qui hoc modo creatus, quod, & reliqui Ministri, præstare debent, promptè impositum sibi onus subear, nam sicuti Deus illius humeris illud imposuit, ita & opportunas vires ad id sustinendum ministrabit.

Archiepiscopus si aderit, & propter aliquam rationem à Capitulo alios nominari voluerit, id sine mora fiat ante illius absolutionem; rursus si alios, idem omnino præstetur, Archiepiscopus tamen ex omnibus nominatis vnum deligat, & Præpositum Generalem declaret.

In electione item aliorum Ministrorum vniuersæ Congregationis, hæc eadem ratio seruetur, Cui præterea illud addi volumus, vt in schedulis officij nomen, de quo tunc suffragia ferenda, ponatur. Ij tamen censeantur nominati, qui plura suffragia tulerint, etiam si dimidiam eorum partem non excedant. Atque ipsorum creatio ad Archiepiscopum spectet.

Præpositus, sicut & ceteri omnes Ministri per duos  
annos

annes tantum creetur; eo transacto tempore, ad id muneris nec nominati, nec admitti iustus possit, officio perfunctus, saltem biennio ab eodem munere vacet; Possit tamen, si Archiepiscopo videbitur ob legitimam causam ad annum, seu plures confirmari.

Si Præpositus eo consilio, ut diutius in officio perseveret, statutum diem pro habenda Congregatione Archiepiscopo significare nolit, aut negligat, aut in aliud differat tempus, elapso biennio, officij amissione plectatur, ac in posterum pro minimè idoneo habeatur.

Huic verò muneri, donec alter creetur is succedat, qui, si Præpositus è vita decederet, legitime successisset uti infra declarabitur.

Affiliens, qui Monitoris officio fungitur, cæterique Ministri Generales rem totam ad Archiepiscopum opportunè deferant; Secus ea pœna plectantur, ut nec eligere, nec eligi suffragio possint.

Si Præpositus, vel quivis Minister Beneficij, officijue residendi munus annexum habentis non impeditam possessionem obtinuerit, sua quisque statim administratione, ac auctoritate privatus intelligatur.

Præpositi autem locum, ac potestatem, donèc alter eligatur, obtineat, cui is, si deficeret, succedendi ius esset.

DE PRÆPOSITI GENERALIS;  
*aliorumque Vniuersæ Congregationis Mini-  
 strorum officio.*



VI Præpositus declaratus fuerit, is vniuersæ Oblatorum Congregationi præsit, ita tamen, vt non minus, quam cæteri Oblati ab Archiepiscopi iutu, atq; obedientia in his maximè rebus quas ipsæmet Constitutiones præcipiunt, omninò pendeat.

Si quis Oblatus aliqua in re offenderit ius pænens eundem sit, salutarem illi pœnitentiam imponendi; Vbi verò publica correctione aut pœna indiguerit, Archiepiscopo illam adhibendam penitus relinquat cum illius Decretis, correctionibus, iurisdictioni, Oblati omnes, & Præpositi non secus, ac reliqui Diœcesis Clerici subdantur.

Vbi longius ab Vrbe Archiepiscopus fuerit, vel in Diœcesi cominoretur, Præpositus Generalis, quoties opus fuerit, omninò autem semel in mense illum de omni Congregationis statu certiores faciat.

Assistens verò Monitor, Consultores, & Visitatores idem singulis mensibus præstent; Reliqui autem Ministri tercio quoque mense & hascenoltras Constitutiones omninò seruent.

Si autem Archiepiscopum diutius abesse contigerit,  
 Præ-

**Præpositus Generalis** singulis omnino annis illum simul cum assistente consiliario adeat, vt, cum Congregationis statum ei aperiat, tum, vt ab eo & spiritus incrementa, & pro Congregatione rectè administranda consilium capiat.

Quod si Præpositus morbo, aut iusta de causa impeditus fuerit, antiquior Visitator, aut Consiliarius inuiolatè idem præstent.

Et quoniam spiritualium Congregationum vera nutritrix, ac quasi earum forma obedientia est, quæ nec diuturna esse vnquam potest nisi à libera animi voluntate, & dilectione proficiscatur; ideò ad hanc Præpositus in Cōgregatione fouendam nihil aptius Christiana charitate arbitretur.

Præpositus igitur amantissimi Patris viscera induens omnes paternæ charitatis vinculo sibi deuinciat, vt ex hoc affectu obiurgationes omnes, ac mandata proficisci videantur.

Singularem viuendi rationem, nisi aliud, aut corporis inbecillitas, aut iusta causa exigeret, quam maxime fugiat.

In vestitu insuper, & totius corporis habitu cæteris modestiæ, & parsimoniæ exemplum se præbeat.

Singulis hebdomadis diem certum habeat, quo Ministros ad consultationem de rebus Congregationis habendam conuocet.



Visitet item vnà cum Assistente Monitore ~~Ædes~~, & singulos Congregationi adscriptos semel saltem quotannis inuisat.

Vbi res difficilis, aut graue aliquod negotium ad ipsammet Congregationem pertinens inciderit, quod Præpositus de sola consultorum sententia expedire minimè possit, Visitatores, Vicarium, assistentem Monitorem, Procuratorem, Præfectum spiritua-  
lem, aliosq; Oblatos, siue domi, siue foris vitam tra-  
hentes, eos etiam, qui beneficia Ecclesiastica perso-  
nalis residentiae obtinent, & prorsus omnes, prout  
negotij ratio postularit, sui consilij socios adsciscat.

Ad optimam præterea vniuersæ Congregationis,  
Ædiumque S. Sepulchri gubernationem, Ministros,  
qui mox sequuntur, habeat, quorum ope, & adiu-  
mento, quoties opus fuerit, vratur.

Assistentem Monitorem, vnum.

Consiliarios saltem duos.

Visitatores, duos.

Procuratorem Generalem, vnum.

Præfectum spiritualem, vnum.

Scribam vnum, seu Cancellarium vnum.

Hi omnes præter Scribam, in Officialium Congrega-  
tionibus suffragij ferendi ius habeant; Siquid verò  
de officialium generalium consensu, vel consilio  
faciendum est, id ratum, quod eorum maiori parte

placuerit, omninò habeatur. Si verò paria vota sint,  
illa pars vincat, ad quam Præpositus inclinauerit.

## DE ASSISTENTIS MONITORIS Officio.



Assistens Monitor præter consultationis munus,  
quod idem omnino cum cæteris Consultori-  
bus habebit, Præpositum insuper, ea, qua de-  
bet modestia, & grauitate non modò de ijs rebus,  
quæ ipsius Præpositi vitam, moresuè attingunt,  
verùm de ijs etiam, quæ ad rectam Congregationis  
bene gerendæ rationem pertinent, piè admonebit.  
Quia quid ad se referunt, de quo Præpositus admo-  
nendus verè sit, eos benignè, atq; humaniter ex-  
cipiat.

Dum hoc officio fungitur, caueat, ne odio, neuè gratiæ  
aucupandæ causa vnquam moueatur, ne modestiæ,  
aut honestæ libertatis fines transiliat. Visitationis  
munus vnà cum Præposito obibit.

## DE CONSULTORVM OFFICIO.



Consultores duo, aut plures eligantur iuxta  
Congregationis amplitudinem, li tamen æta-  
te graues sint, vt de rebus, quæ in dies euene-  
rint, vnà cum Præposito consultationem, delibera-  
tionemue habeant.

li præterea fidele consilium dabunt, & quod ad maiorem Dei gloriam, & totius Congregationis Animarum vtilitatem conferre iudicabunt.

Item illi solum consultationis suffragia habebunt.

Præposito autem cognita eorum sententia deliberare, & quid ad maiorem Dei gloriam, & Congregationis fructum esse cognouerit statuere omnino integrum esse volumus. Nunquam tamen ab eorum consilio, nisi legitima, aut probabili ratione discedat, & hæc quoad Consultores, in reliquis verò, quæ iam præscripta sunt, seruentur.

### *DE VISITATORVM OFFICIO.*

**Q**VI Visitatores declarati fuerint, semel singulis annis vniuersam Congregationem visitabunt, ac omnes ad susceptam viuendi rationem, strenuè, piequè prosequendam hortabuntur.

Vbi verò quid reperient, quod remedium propter Dei honorem, & Congregationis vtilitatem desideret, diligenter illud animaduertant, vt salutaris medicina adhibeatur.

Nihil noui decernant, aut præscribant, statuantiuè, sed omni studio curent, vt quæ iam constituta, sancitaquè sunt, exactè inuiolatèque seruentur.

Totius deinde visitationis rationem Archiepiscopo si aderit,

aderit, & Præposito Generali aperiant, vt vniuersę  
Congregationis statu cognito, pro rei necessitate  
opportuna remedia adhibeantur. Si Archiepisco-  
pus absit, idem præstet Præpositus, de consilio  
tamen Congregationis.

Si verò quid graue accidat, quod in longius tempus  
deferri possit, totius Congregationis votum de ea re  
ad Archiepiscopum deferat, vt pro sua prudentia,  
ac auctoritate prospiciat.

### DE PROCURATORIS OFFICIO.



Procurator non solum vniuersę Congregatio-  
nis negotia, sed etiam vniuscuiusq; Oblato-  
rum familiæ, quæ vel Mediolani, vel foris in  
Diœcesi sit, aut quæ aliquando instituetur, dili-  
genter, vbicunq; tractanda erunt, procurabit.  
Priuatũ item negotium, prout Præpositus manda-  
rit, identidem suscipiet.

### DE OFFICIO SCRIBÆ.



Scriba Præpositi nomine litteras scribat, &  
rescribat, easq; in codicem referat.  
Nomina item, mores, gesta, alia uè huius ge-  
neris eorũ, qui in Cōgregatione iam adscrip-  
ti, aut describi voluerint, separatim litteris consignet.  
Diplo.

Diplomata insuper, Regesta, & cuiusq; generis libros, qui Congregationi vsui esse poterunt, diligenter conficiat, atque eos certo loco accuratè asseruet.

## DE ADMINISTRATIONE

*Domus S. Sepulchri.*



Vod ad S. Sepulchri Domum attinet, si Oblati pauci numero fuerint, totius Congregationis Præpositus, Consultores, Assistentes, Monitor, Procurator, & Scriba, præter publicum munus, quod in vniuersa Congregatione regenda obtinent, singuli etiam peculiare aliquod officium in ea Domino, vbi moram trahunt, habere possint, donec Archiepiscopo visum fuerit.

Vbi deinceps Oblatorum numerus augebitur, peculiares Ministros Archiepiscopus constituat vt Generales Ministri antea nominati suo munere accuratiùs fungantur. Præpositus tamen eorum regimini præsit.

Insuper Præpositus, cæteri q; Congregationis Ministri in iisdem S. Sepulchri Aedibus semper, et eo consilio habitent, vt quodcunq; munus, quod illis Archiepiscopus iniunget, siue in Vrbe, siue in Diocesi, promptè exequantur.

Qui in Vicarium Domus S. Sepulchri creandus est,

vnus

vnus sit è Sacerdotibus, aut Ministris Generalibus, non modò probitate vitæ, verùm etiam rerum vsu, atque prudentia insignis, qui Præpositi absentis, vel impediti vices gerat.

Nihil tamen innouet, aut immutet sine illius facultate. Adiutor præterea illi sit, qui ad inferioris domus ministeria incumbat.

Pro Vicarij item electione Præpositus, de Ministrorum tamen Generalium consensu, tres nominabit, è quibus Archiepiscopus aptiorem pro suo iudicio eliger. Cæterùm ea omninò seruentur, quæ in capite de cuiusq; domus administratione præscripta fuerunt.

## DE ADMINISTRATIONE

*cuiusq; Domus, & Consortij.*



Væque Oblatorum Domus, ac Consortium, communem vitam degentium, etiamsi ex Oblatis Beneficium Ecclesiasticum personalis residentiae obtinentibus constet, hos Ministros habebit, Præpositum, Vicarium, Præfectum spiritualem, Assistentem Monitorem, Consultores duos, Procuratorem, & Scribam.

Hi singuli in cuiusq; Domus, ac Consortij administratione officij sui partes diligentissimè præstent, prout de Ministris S. Sepulchri sancitum fuit.

Harum

Harum Domuum, & Consortiorum Præpositi Oblatis, si quid leuiter offenderint, salutarem poenitentiam imponant.

Consortiorum item Præpositi Oblatos statutis diebus ad Consortia non accedentes priuatim primò admoncant, mox Consortij spirituali Præfecto, & Scriba præsentibus, nisi legitima causa impediti abfuerint, salutarem poenitentiam iniungant.

Qui verò eorum iussa neglexerint, aut impositam poenitentiam recusarint, aut contumaciter se defenderint, ad Præpositum generalem deferantur, qui Archiepiscopum de tota re certiore faciat, curetuè ut ab eo accersiti non modò arguantur, sed etiam, prout quisque peccarit, grauiter puniantur.

Si autem in errore pertinaciter perseverauerint, de Congregationis albo expungantur.

Præfectus spiritualis singulos sui imitatione in omnibus pijs exercitationibus, ac in oratione præsertim, quæ solo mentis motu fit, & propterea mentalis appellatur, erudiat, eos maximè qui in Congregationem nuperrimè adscripti sunt, erga quos omnes, ea sit animi affectione, qua parentes erga filios esse consueuere.

Cùm Præposito res graues conferat, & si quòs illius consilio, atq; adiumento indigere existimauerit, ad illum statim eos mittat, ut salutarem medicinam recipiant.

Pro-



**P**rocurator Oeconomi Officio fungatur, resq; omnes familiares tueatur, & administret. Pecuniam verò, quam exegerit, in capsâ ad hunc vsum constituta collocet, quæ duabus clauibus inter se diuersis claudatur, quarum altera à Præposito, à Vicario altera aſeruetur.

**C**onſeſſiones, quas appellat, de exactis, seu receptis pecunijs per publicas tabulas conficere possit. Nullo tamen modo contractus inire, aut Congregationem, aut illius bona obligare possit, nisi ei a Præposito, Capituloque Domus, vel Consortij, pro quo res agitur, opportunè mandatum fuerit.

**A**rchiepiscopi præterea licentiam ubi opus fuerit scripto exarata obtineat, ita vt nihil ex solemnibus quæ ab ipso iure, vel etiam ab ipsis Prouincialium, Diocæsanarumq; Synodorum Constitutionibus requiruntur, planè defit. Aliter contractus omnes omninò irritos esse declaramus.

**S**criba cuiusq; Domus, census, & sumptus in codicem accepti, & expensi ordine referat, atque libellos, qui ad calculi rationem spectant in Tabulario accuratè custodiat.

**C**onuenticibus, ac Capitulis, quæ in quauis Oblatorum Domo, & Consortio habebuntur, non modò hi Ministrî omnes inter sint, iureq; suffragij vtantur, verùm etiam reliqui, qui iam per triennium in Oblatorum numero laudabiliter vixerint.

D In

In ijs porrò Capitulis de rebus ad eam familiam, domumue pertinentibus consultatio habeatur.

## DE CREATIONE MINISTRO RVM *cuiusque Domus.*



Archiepiscopus Præpositum, ac Ministros cuiusvis Oblatorum Familiæ, & Consortij, audito Præposito Generali, si ei ita placuerit, pro suo arbitratu deliger, ac creabit.

Qui verò eligendi erunt, Sacerdotali ordine insigniti sint, & quem ad Præpositi munus deligi oportebit, iam quinquennio in Congregationem adscriptus sit, cæteri autem triennio, præter Procuratorem, & Scribam.

Qui ab Archiepiscopo creati fuerint, in Capitulo generali renunciatur.

Præpositus cuiusque Domus Consultationi, quæ habetur de creandis, & constituendis Ministris inferioribus propriæ Domus semper inter sit.

Horum autem administratio biennio duret; & amplius, si ita Archiepiscopo placuerit.

## DE ADMINISTRATIONE CONGREGATIONIS MORTUO, seu deficiente Præposito.

**M**ortuo generali Præposito, qui in Congregatione antiquior fuerit nullo residentie beneficio

ficio astrictus ex ijs, qui in Ædibus S. Sepulcri degunt, in eius locum succedat, ac vniuersam Congregationem, donec alter creetur, administret.

Vbi verò sede Metropolitana vacante Præpositus Generalis officij sui tempus expleuerit, in officio tamen tandiu perseueret, quamdiu nouus Archiepiscopus creetur, qui nouum Præpositum constituat.

Idem de cæteris Ministris Generalibus, & cuiusuis familiæ, & Domus omninò seruetur.

Sede item vacante nullo modo Ecclesiæ Metropolitanae Capitulo quicquam innouare liceat, quod huius Congregationis statum attingat, neq; aliquid decernere, aut iam decretum abrogare, neque eius Constitutionibus derogare, neuè Ministros amouere, vel mutare, vel nouos creare, nec quicquam demum noui agere, quod ad vllam huius Congregationis immutationem pertineat.

Atque hæc de Generalibus Constitutionibus, iam ad aliquot particularesque Oblatorum sunt, accedamus.

## DE DIVERSIS GRADIBVS

### *Oblatorum.*



VM in vniuersa Oblatorum Congregatione Ministri esse debeant, qui pro Archiepiscopi arbitratu ad multiplices atq; pios huius Mediolanensis Ecclesiæ vsus pro Dei gloria, & populi

salute obeundos parati semper sint; ob id varia hominum genera, qui quouis modo Ecclesiæ, aut Archiepiscopo vtilitatem afferant, habere constat. Et quamuis Congregatio pro singularibus quibusdam functionibus Ecclesiasticos potissimum homines à beneficijs omninò liberos requirere videatur, eos tamen, qui aut residentia beneficijs astricti tenentur, aut laicos homines qui charitatis officia iuxta S. CAROLI Institutū, piè exerceant, haud excludit.

DE IIS QVI VOTVM SVBIECTIONIS  
bonorum emiserunt.



VI subiectionis bonorum votum sub Archiepiscopi obedientia nuncuparint, quoties Archiepiscopo videbitur, vel Visitatoribus inter visitandum, seu alio tempore, vel alteri, cui Archiepiscopus maluerit, fructuum administrationis rationem diligenter reddant, & de fructibus, qui eis mortis tempore supersunt absque ipsiusmet Archiepiscopi consensu statuere non possint.

DE OBLATIS LAICIS.

QVonia sicut dictum est vniuersæ Congregationis laicorum Hominum opera prodesse multum potest, ij propterea in Congregationem duplici ordine admittantur. Primò, qui singulari  
morum

morum probitate insignes sunt ; etiam matrimonij  
vinculo astricti , domique suæ vitam iugiter trahen-  
tes , vt ea misericordiæ , & charitatis erga alios mu-  
nera , quæ de Congregationis more seruantur , planè  
exerceant , tum qui in Congregationis Collegiatis  
Domibus aluntur , vt omnia domestica officia ,  
priuataq; exercitationes promptè , ac diligenter  
obeant .

Hi tamen matrimonio liberi sint , nec quadragesimum  
annum excedant , nec minores triginta annis , & tot  
modò recipiantur , quot ad ea munera obeunda suffi-  
ciant , nisi aliter Archiepiscopo visum fuerit .

### *DE RATIONE ADMITTENDI OBLATOS in Congregationem .*



Acultas recipiendi Oblatos in Congregatio-  
nem penes Archiepiscopum sit ; eo autem sex  
mensis absente , penes Præpositū Generalem .

Hic tamen neminem admittat , nisi prius per litteras  
Archiepiscopo significarit , ab eoq; facultatem im-  
petrarit .

Præpositus insuper , quænam eius , qui recipi postulat ,  
intentio , quiuè illius finis , explorabit ; maximè  
verò , an in eo conditiones sint , quæ , vt recipiatur ,  
dignum reddant .

Qui

Qui admitti in Congregationem petierit, supplicem libellum Archiepiscopo, eoq; absente Præposito exhibeat, quæ eius mentis, ac firmi animi desiderio penitus cognito, statim præfecto spirituali, aut alteri probato, & prudenti Viro ex Oblatorum ordine commendet, ut eum de Congregationis Institutis, ac moribus planè erudiat, & de eius natali, die, vita, doctrina, & ingenio diligenter in hunc modum, inquireat.

An is singula habeat, quæ Congregationis instituta requirunt.

An admitti in Congregationem petat, siuè ut sacris Ordinibus initietur, vel ut sibi ad beneficia Ecclesiastica faciliorem aditum aperiat; An potius, ut Deo in Clericali sanctimonia verè, & sincerè inferuiat.

An ita rerum indigentia prematur, ut hoc auxilio indigeat.

His diligenter exploratis, omnia sigillatim scribat, & ad Præpositum cum suo voto fideliter deferat. Præpositus præterea eidem & votorum iura, & totius Congregationis finem aperiat. Hic si impeditus fuerit, eius iussu Assistens Monitor, vel Præfectus spiritualis, vnà cum Consiliarijs idem exequantur.

Si quod impedimentum, quo minus admitti possit, emergat, alia Deo inferuiendi ratio illi proponatur.

Quod si nil obstiterit, ad se Præpositus accersat, &

ex eius ore, ac sermone indolem, mores, ingenium, spem futuri denique progressus diligenter obseruet; Tum singula ad Officialium generalium, & Oblatorum Congregationem referat, vt, recipiendus ne sit, vel excludendus, in ea deliberetur. Præpositus deniq; Congregationis decretum ad Archiepiscopum, nisi à Diœcesi absit, deferat, qui pro suo arbitratu eundem vocet, & quid agendum sit, decernat. Eos verò, qui ad Congregationis functiones exercendas parùm accommodati visi fuerint, nullo modo recipiat.

Vbi autem eum in Oblatorum numerum referri Archiepiscopus decreuerit, præter casus inferiùs positos in S. Sepulchri Ædes, quo loco tyrocinium ponunt, omninò recipiatur.

Probationis tempus nouem menses, & ad minus sex, & amplius etiã, pro Præpositi arbitratu, cum consilio tamen Præfecti, & Consultorum, duret. Annum verò non excedat nisi de Archiepiscopi facultate.

Quo præsertim tempore sub Præfecti spiritualis, vel alterius disciplina, cura demandata erit, modestiam, & in omnibus rebus obedientiam exhibeat, in pijs exercitationibus, & meditationibus, quæ Christianam pietatem, ac disciplinam fouere solent, se exerceat, vitiorum detestationem procuret; littera-



rum item studia omni diligentia amplectatur, ut his imbutus populum in vera, & Christiana viuendi ratione erudiat, & conseruet.

Peracto deniq; exercitationum cursu, ante Congregationis ingressum, totius anteaetæ suæ vitæ peccata Confessario diligenter aperiat.

Dum in his pijs actionibus Nouitij se exercent, quæ animum à beneficijs auocant, & quæ ad perfectionem Oblatorum statum pertinent, ijs potissimum proponantur.

Hoc temporis interuallo, singulis tribus mensibus, à duobus Sacerdotibus, qui ad id muneris electi fuerint, diligenter examinentur, ut singulorum spirituales progressus cognoscantur, quos ubi cognouerint, ad Præpositum deferant.

Probationis tempore singuli, præter alimenta, nihil aliud à S. Sepulchri mensa recipiant, nisi graui de causa aliter Archiepiscopus, audito Præposito, & Consultoribus, iudicauerit.

Qui à Religione egressus, vel dimissus fuerit, in Congregationem, nisi ob legitimam causam, eamq; non turpem, egressum, vel dimissum fuisse conlter, & ante tempus probationi definitum, nullo modo admittatur. Insuper Congregationis muneribus, atq; que institutis idoneus sit.

# DE RATIONE ADMITTENDI OBLATOS

*Beneficia Residentiæ habentes.*



VI Residentiæ Beneficia iam obtinent, in Congregationem recipi possint, modò viri spectatæ vitæ, innocentia, morumq; probitate conspicui sînt, & vniuersæ Congregationi non medio-cri ornamento esse queant.

Cùm verò in his recipiendis non præscripta superiùs probatio requiratur, idcirco postquàm animi sui desiderium tum voce, tum supplici libello patefecerint, nec ullus de eorum optima viuendi ratione, & præstanti constantia dubitandi locus restet, Præpositus cum Archiepiscopo rem agat, an recipiendi sînt; quos si dignos censuerit, primò in spiritualibus exercitationibus per quindecim, vel viginti dies, se exerceant, deindè omnium vota suscipiat, vt recipiantur.

DE HIS OBLATIS, QUI, RELICTIS BENEFICIIS, Domibus Congregationis se adscribi postulant.



T si sperare licet multos fore Beneficia Residentiæ obtinentes, qui illis, de Archiepiscopi consensu, a se abdicatis, in Congregationem adscribi vehementer optent, vt totius Congregatio-

E

nis

nis munera verè sustineant : quia tamen multietiam sunt , qui in eam cooptari velint , eo consilio , vt alia Beneficia Ecclesiastica consequantur ; Ideò Præpositus eorum mentem primò diligenter inspiciat , læpiusq; probet , tùm rem coram Congregatione proponat , ac rotius Congregationis sententiam ad Archiepiscopum deferat ; quam si probarit , in probationis domum recipiantur , vt ibi , priusquam Beneficijs se abdicare ab Archiepiscopo permittantur , per duos , aut tres menses in pijs exercitationibus , ac in ijs maximè , quæ ad status electionem faciunt , se exerceant.

Hoc transacto temporis spatio , in sententia constanter si perseuerauerint , iterum re in Congregatione posita , & discussa , Præpositus Archiepiscopum admoneat , vt Congregationis Mensæ cum beneficij vacatione adscribantur , & in Oblatorum numerum referantur.

Si qui tamen debiles , infirmi , frequenter ægrotantes , senes , & alij , qui Congregationis munera obire minime possint , adscribi postulent , recipi prohibemus , nisi forte ob vitæ integritatem , ac doctrinam vtilis Congregationi esse queant . Verùm id ab Archiepiscopi voluntate omninò pendeat .

Vbi verò ad titulum mensæ Congregationis adscripti fuerint , vacare statim quæcunque Residentiæ beneficia ,

35  
ficia, quæ huic nouo vitæ generi repugnant, omnino  
censeantur.

*DE RATIONE RECIPIENDI, ET PRO-  
bandi eos, qui in Seminarijs aluntur.*

**Q**VI in Seminarijs educantur, si inter Oblatos  
adnumerari cupiant, cum Præposito per Rec-  
torem, vel Præfectum spirituales supplicem  
libellum dederint, de suo statu diligenter inquiratur,  
& re à Præposito in Officialium Congregatione ex-  
plicata de eorum sententia, an recipiendi sint, nec  
ne, cum Archiepiscopo agatur.

Si verò Archiepiscopus annuerit, primò totius antea etæ  
vitæ peccata diligenti conscientia discussionem con-  
fiteantur; mox in pijs exercitationibus approben-  
tur, ac de institutis, & legibus Congregationis in-  
struantur; tum voto coram Archiepiscopo facto, &  
in Congregationem recepti ad Seminarium remit-  
tantur, vbi loco Oblatis assignato ad Sacerdotium  
vsque commorentur.

Interim tamen eiusdem Congregationis Sacerdos vnà  
cum Præfecto spirituali Seminarij diligenter cura-  
bit, vt non modò in litterarum studia, quibus additi  
sunt, incumbant, verum etiam in pijs exercitati-  
onibus se exerceant, ac in ijs præsertim quæ ad proba-  
tionis Domum S. Sepulchri spectabunt.

Verum quoniam litterarum studia pietatem, ac interiorē disciplinam impedire aliquando videntur; singuli propterea peracto studiorū cursu antequam in S. Sepulchri Aedes recipiantur, iterum per tres menses à Præfecto Spirituali Seminarij in rebus spiritualibus, & virtutibus huius instituti proprijs apprimè instituuntur, mox ubi progressus certum specimen dederint, nisi aliud obstat, eo transferantur.

*DE RATIONE DIMITTENDI EOS, QUI  
ad Congregationem apti minime sunt.*



VI probationis tempore ad Congregationis vsus minus idonei reperti fuerint, Archiepiscopus eos audito Præposito, dimittere poterit, ea tamen cautione, ut id absque illorum ignomina præstetur.

Dimittendi causæ potissimum hæc erunt.

Si contumacis fuerint naturæ.

Si in conuersatione difficiles.

Si deprauatis moribus, & tranquillitati contrarijs.

Si ad instituta seruanda minime idonei.

Si infirma valetudine.

His in Congregatione discutiendis Præfectus Spiritualis semper intersit.

DE BENEFICIIS ECCLESIASTICIS

*non expetendis, nec procurandis.*



X Congregationis instituto nemini Oblato, vbi obedientiae votum praestiterit, nisi Archiepiscopo iubente, cuiusvis generis beneficium suscipere minimè liceat, vt tamen beneficiorum omnis ambitus tollatur, votumq; inuiolatè seruetur, prohibemus in posterum ne quis vllò modo, aut titulo Beneficia, Collationes, Prouisiones, & eiusmodi etiam à Sede Apostolica obtineat, aut impetret sine eiusdem Archiepiscopi consensu, & nisi facta in litteris Apostolicis huiusmet Constitutionis, & Voti, ratione cuius incapax est, expressa mentione. Aliter haec omnia irrita, & nulla tam in iudicio, quam extra fore, & esse praesenti Decreto sancimus, & declaramus.

DE NUMERO EORVM, QVI OBLATORUM Mensa adscribendi erunt.



Certus Oblatorum numerus, & si nullo modo praescribi potest, Mensae tamen ij tantum adscribantur, quos Congregationis redditus alere commodè possint.

Dum igitur Congregationi alia bona addantur, sexaginta sint.

Vbi verò aucta, eorum numerus in Capitulo Generali augeatur.

Nemo autem ad titulum mensæ Congregationis S. Sepulchri admittatur, qui non saltem annum, vel in Seminarijs, si alicuius alumnus sit, vel in ipsiusmet probationis Ædibus versatus fuerit, & se prius ad Congregationem relata, & ab Archiepiscopo approbata.

Quicumque in S. Sepulchri Ædes, ac familiam recipiuntur, primo biennio in Præfecti spiritualis curam, & disciplinam tradantur, cui, quoties perierit, progressus rationem reddant.

### DE OBLATORVM VESTITV, & stipendio.



T autem Oblatorum necessitatibus modeste consulatur, vestitus, aliarumq; necessitarum causa decernimus, vt primo biennio singulis vigintiquinque nummi aurei, postmodum triginta tradantur.

Ijs verò qui paupertatem voverint, vestes, aliaque necessaria ex Congregationis Vestiario nummorum loco decernimus, & assignamus.


Præpositus eandem vestitus, rerumq; omnium rationem seruet, quam cæteri; capiat item eundem cibum, & potum.

Cubi.



Cubiculum verò, hospitum gratia, qui ad eum sæpe  
conveniunt, paulò elegantius cæteris habere possit,  
ita tamen, vt in omnibus humilitas, & modestia  
eluceat. Peracto biennio successor illud relinquat,  
& ex eo nihil asportet,

## DE BIBLIOTHECA COMMUNI.

 T verus iam, eademq; priuata Congregatio-  
nis Bibliotheca perpetuò seruetur, Nos Ar-  
chiepiscopali nostra ordinaria auctoritate in-  
terdicimus, ne quis libros quouis prætextu ex inte-  
riori Bibliotheca, vbi selecta, & separata fuerit, au-  
deat asportare.

Nemo item libros è Bibliotheca ad Cubiculorū vsu  
comparata, sine Bibliothecarij, aut Præpositi fa-  
cultate auferat.


Qui licentiam obtinuerit, & Autoris nomen, quem  
aufert, & proprium propria manu in libro ad hunc  
vsu constituto conscribat.

Libros insuper vtriusq; Bibliothecæ è Domo transfer-  
re, aut cuiquam accommodare omnino prohibemus.

Qui secus fecerit; si Clericus suspensionis; Si verò  
laicus excommunicationis poenam statim incurrat,  
nec absolui, liberariue queat, nisi ab Archiepiscopo,  
vel ab altero, cui ipsemet facultatem ad id nomina-  
tim dederit.

CON-

40  
**CONSTITUTIONES QUÆDAM**  
*Ad Disciplinam Oblatorum pertinentes.*

 **N**emo nisi de Congregationis consilio, & Archiepiscopi facultate Ordinum promotionem curet, Doctoratus item laureolam nisi ab Archiepiscopo, vel de illius licentia in publico Gymnasio suscipiat. Qui secus fecerit à Congregatione segregetur. Quod si facti probabilem causam afferat, insignium usu pro Archiepiscopi arbitrio interdicitur.

Singuli insuper honoris titulos, sicut Domini, & alios id generis non usurpent. Qui verò Sacerdotes sunt, Patris nomine appellentur, cæteri tantum proprio, aut familiæ contenti sint.

Vestitus Oblatorum, is omninò sit, ut ex eo illos esse Dei ministros appareat. Quare vestes non ferant nisi laneas, easque humiles, hyeme ex grauiori filo, æstate vero paulò subtiliori contextas, siuè quas vulgo dicunt di CIMOSONA, & di SARZA. Ea etiam ratio perpetuò seruetur, quæ à Concilijs Prouincialibus, & Diocesanis præscribitur.

In exitu è domo suum quisque sigum è tabella iuxta Ianuam affixa remoueat, cum autem redierit, suo illud loco restituat.

Quicumque mensè S. Sepulchri adscripti sunt, aut in  
domibus

domibus Collegiatis, Seminarijs, Collegijsuè vitam degunt, peccata sua Confessori à Præposito assignato, vel alteri ab Archiepiscopo generatim approbato confiteantur.

Præpositus item libellum habeat, in quo singulorum confessiones diligenter notet, ut an ab ijs instituta de confessione seruentur, planè cognoscat.

In missionibus verò, & itinere, Confessarijs in Concilio approbatis utantur, Oblatis maximè, si qui reperiuntur.

Ut animus cum corpore reficiatur, ac recreetur, singuli in mensa legant, etiam Sacerdotes, nisi quando id à cæteris præstari commodè possit.

Barbam nemo nutriat, alatuè, sed qui trigessimum annum excefferint, vel strictim omninò tondant, vel propè cutim.

Barbam item è superiori labro omninò recidant; cæteri verò iuniores ad pectinem.

Semel in hebdomada, feria videlicet sexta, hora à Præposito constituenda singuli non legitimè impediti, siuè in Sancti Sepulchri Aedibus, siuè in Seminarijs, Collegijsuè moram trahant, in Sancti Sepulchri Orationarium ad Capitulum Spirituale conuocentur, in quo à Præposito, vel ab alio qui admonitus fuerit, brevis aliqua pia cohortatio habeatur.

Post hanc verò singuli commissæ culpæ veniam, ac poenam

42  
penam suppliciter postulent, quibus Præpositus  
præmissis paternis cohortationibus ad Congrega-  
tionis leges integrè seruandas salutarem pœnitentiã  
iniunget. Ad quod spirituales sermones, præsertim  
de virtutum exercitatione, plurimum iuuabunt.

Nemo siue Congregationis Mensæ adscriptus sit, siue  
in Collegiatis Domibus viuat, Monialium, alia-  
rumuè scœminarum communem vitam degentium  
curam, neuè Confessarij partes suscipiat. Archie-  
piscopum propterea hortamur, vt nemini ex ijs, nisi  
ex graui necessitate, eiusmodi onera imponat.

Porro ijs extraordinariæ Missiones ad earum Confes-  
siones audiendas, Visitationes, Concionesuè habenden-  
das, si facultas ab Archiepiscopo, vel eius Vicario  
Generali concedatur, minimè prohibeantur.

Si quis Sancti Sepulchri Oblatus votiuam aliquam pe-  
grinationem suscipere, vel ad domesticos lares, vel  
alio ad animi, corporisq; vires recreandas proficisci  
voluerit, Præpositus semel in anno facultatem im-  
petret, ita tamen vt ex tribus dimidia pars in Aedi-  
bus S. Sepulchri pro Religiosis exercitationibus,  
Ecclesiasticisq; necessitatibus, & muneribus, quæ  
ab Archiepiscopo iniunguntur, vbicunque obeun-  
dis, sicuti diximus, semper commoretur.

Qui autem sine Archiepiscopi licentiã diutius, quam  
facultas data est absuerit, is toto eo tempore non  
solum

solum stipendij poena mulctetur, verum etiam alijs de Præpositi, & Officialium Congregationis consilio. Si verò contumaciter diutius absuerit, re ad Archiepiscopum delata, grauioribus poenis plectatur.


Quod si alicui ægitudinis, vel alia causa sæpius per annum abesse expediat, Præpositus nisi de Archiepiscopi licentia id illi haud permittat.

Amicorum, aut proximorum priuata negotia nemo suscipiat, geratue, nisi de Superioris facultate, & in re graui per quindecim dies.

Si verò longiorem temporis moram postulant, ab Archiepiscopo licentiam obtineat, vt in paternis Aedibus, aut alibi, honesto tamen loco, donec illa absoluat, commoretur.

Nemo item quadragesimali præsertim tempore concionandi facultatem curet: ab Archiepiscopo iussus promptè munus obeat.

Nihil tamen pro mercede, siue alio quouis titulo capiat. Sed si qua pecunia, vel quid aliud spontè oblatum fuerit, id ad piam aliquam causam pro Archiepiscopi, & eo absente, Præpositi Generalis arbitratu distribuatur.



The first part of the book is  
 the history of the city of  
 London, from the time of  
 its first settlement to the  
 present day.

The second part of the book  
 is the history of the city of  
 London, from the time of  
 its first settlement to the  
 present day.

The third part of the book  
 is the history of the city of  
 London, from the time of  
 its first settlement to the  
 present day.

The fourth part of the book  
 is the history of the city of  
 London, from the time of  
 its first settlement to the  
 present day.

The fifth part of the book  
 is the history of the city of  
 London, from the time of  
 its first settlement to the  
 present day.

The sixth part of the book  
 is the history of the city of  
 London, from the time of  
 its first settlement to the  
 present day.

THE  
 HISTORY  
 OF  
 LONDON



# DECRETA

Visitationis Congregationis Oblatorum  
SS. Ambrosij, & Caroli edita  
anno 1622.

- 1** **Q**UAE Sancti Caroli institutionibus, nostrisque Constitutionibus pro bono Congregationis regimine, sancita sunt, accuratè Præpositi studio seruentur, cuius præcipuè in hoc conscientiam oneramus, ut si in aliquo ab eis fuisse recessum cognouerit, ea in pristinum usum reuocare curet, & ne in posterum quidquam intermittatur, aut negligatur, quod Congregationis bonum concernat, diligenter animaduertat, re ad nos sigillatim delata quoties opus fuerit.
- 2** Meminerint Præpositus, & ij, qui Congregationis regimini præsunt penes Archiepiscopum plenam esse in Congregationem potestatem, ab eiusque nutu, & voluntate totam huius institutioni administrationem pendere, & propterea debere ea omnia, quæ in Congregationis gubernatione Oblati gerunt, eidem subordinate præstare.
- 3** Præpositus, & Officiales primarij ad præscriptum

A



ptum electi suo muneri diligenter incumbant, nec officium, ad quod quisque fuerit assumptus etiam beneficii adepti prae-textu, inconsulto Archiepiscopo, deferat, licet, eo ipso, quod beneficiū, quod residentiam requirat, fuerit ademptus, officium dimittere teneatur ad praescriptum Constitutionum.

- 4 In admittendis Clericis ad Congregationem eos prae-moneat Praepositus votum esse perpetuum, nec ab ullo posse absolui in foro exteriori, nisi Archiepiscopo relaxante; Si qui Congregationis seruitium deferere quoquomodo praesumpserint, se poenas daturos, & ad voti observationem panis, & censuris esse reuocandos.
- 5 Qui petentium mentem perscrutari ex officio tenentur, illud maxime in unoquoque animaduertant, an se offerant, ut facilius beneficium consequantur, seu ut ad titulum mensae Sancti Sepulchri ordinentur, & si quem eò progredi cognouerint, non admittant, nisi prius re ad Archiepiscopum delata, & expectato illius mandato.
- 6 In extraneis ad Congregationem admittendis singularis cautio adhibeatur, maxime in eisdem promouendis ad titulum mensae Sancti Sepulchri.
- 7 Quoniam autem Apostolica liberalitate Clericis Congregationis indultum est, ut hi, qui nulla beneficia Ecclesiastica obtinent, nec patrimonium

nium sufficiens possident, ad titulum mensę  
 Congregationis eiusdem Sacris Ordinibus ini-  
 tiari valeant; modo tamen, quando illis aliun-  
 de quomodolibet sufficienter Archiepiscopi iudi-  
 cio, aut ex parte prouisum fuerit, ex tunc men-  
 sa ipsa in totum, vel ex parte, pro qua prouisum  
 erit, exonerata censeatur. Vt Sanctum istud  
 privilegium Congregationi incontaminatū per-  
 petuò conseruetur, ordinamus, ne in posterum  
 quis Clericus Congregationi adscriptus ad titu-  
 lum mensę Sancti Sepulchri, seu Congregatio-  
 nis huius ordinandus admittatur, nisi prius le-  
 gitima probatione docuerit se nec beneficium  
 habere, nec patrimonium sufficiens, ad quod sa-  
 cris initiari valeat, quod iudicium, quoniam  
 soli Archiepiscopo commissum videtur, is, qui  
 eo privilegio uti voluerit, ab Archiepiscopo ap-  
 probationis rescriptum obtineat, in acta ordina-  
 tionis illius temporis reponendum, & conseruan-  
 dum; aliter facta promotio, subreptitiā cen-  
 seatur, & is, qui subrepserit tandiu suspensio-  
 nis panam subeat, donec tituli subrepti loco pa-  
 trimonium subijciat exonerata Congregationis  
 mensa arbitrio Archiepiscopi.

Exhiben-  
 dū ergo  
 erit tem-  
 pore or-  
 dinatio-  
 nis.

- 8 Vtque præterea Congregationis mensa ab eo  
 onere iuxta Indulti dispositionem sit exonerata,  
 quoties casus memoratus eueniet, mandamus  
 Preposito pro tempore, & Procuratori mensę,  
 ut statim, ac quis ita ordinatus, aut beneficium,

Exone-  
randa  
commu-  
nis men-  
sa titulis,  
si &c.

4 aut patrimonium fuerit adeptus, illudque pa-  
cificè possideat, ita ut sit in casu eximendi men-  
sam ab eo onere quoad titulum, aut pro parte,  
aut in totum, datis statim probationibus, ab Ar-  
chiepiscopo iudicium exonerationis exigit, quod  
etiam in forma probante in librum mensæ adno-  
tetur, & in acta Ordinationum in Cancellaria  
Archiepiscopali registrandum deferatur, eorum  
& promoti conscientiam onerantes, si secus fa-  
ctū, aut ea cura neglecta fuerit, aut intermissa.

9 Ut autem consulatur indemnitati mensæ Cō-  
gregationis, si in hoc propter merito grauata re-  
periatur, volumus, ut coram Vicario nostro Ge-  
nerali fiat noua discussio eorum, qui hodie  
sunt adscripti mensæ, ut dignoscatur, an quis  
eorum beneficium possideat, unde mensa veniat  
in aliquo, quoad titulum exoneranda.

10 Qui ad titulum mensæ fuerunt initiati, vel  
ad patrimonium, vel ad beneficium simplex,  
quando sunt in Congregationis seruitio extra  
ades S. Sepulchri, sciant ipsis nullum ius compe-  
tere aduersus mensam pro alimentis, sed iudi-  
cio Archiepiscopi sufficienter illis esse prouisum  
siue inferuiant Collegijs, siue missionibus, siue  
aliter impensis Collegiorum, & Ecclesiarum,  
quibus suffragantur. Quando verò sunt in  
Congregatione in ipsis adibus S. Sepulchri, com-  
petit illis ius pro victu, & vestitu iuxta regulas,  
licet mensa sit exonerata quoad titulum pro ijs,  
qui

5

qui sunt ordinati vel ad patrimonium, vel ad beneficium, ubi verò contingat suprascriptos esse dimissos à Congregatione ex propria culpa, illud pro certo habeant, mensam ordinato teneri in solo casu necessitatis, ne clericus diuino seruitio mancipatus cum dedecore Ecclesiastici status emendicare cogatur.

- 11 Promoti ad titulum mensa memores sint continuo Ecclesiae seruitio se adscriptos esse, neque illud sub quocunque pretexto deferere posse sine expressa facultate Archiepiscopi, suspensionis à Diuinis pena proposita ipso facto subeunda illis, qui sine illa facultate relicta Congregatione ad alienam Diocesim se transferre presumunt, à qua liberari nequeant, nisi ad pristinum redeant seruitium, & propterea oblatum sit ordinatum duplici vinculo ligatum esse, altero iure tituli adscriptionis, altero voti emissi perpetuae obedientiae, & eorum solutionem nostrae dispensationi esse reservatam, nec eum, qui subrogato beneficio, aut patrimonio in locum tituli mensae, cui fuerat adscriptus ab obligatione, quam voto contraxerat, exemptum esse, quin ad omnia Congregationis munia subeunda, ut ante, omnino teneatur, quod si quis contrafecerit, Vicarius noster Generalis uti etiam à nobis delegatus, contra eum panis, & censuris agat, eà precipuè imposita multà, ut quidquid damni eius causa Congregatio passa fuerit, integrè restitua-

- stituat<sup>r</sup>, si & prout ita iuris esse cognouerit.
- 12 Sint continuo residentes in domo S. Sepulchri  
 tor Sacerdotes, qui nedum officia Congregationis  
 ordinaria sustinere possint, sed & alia qua-  
 cunque foris iuxta Congregationis institutum  
 subire valeant, praeipue illud missionum ad cu-  
 ram animarum ubique exercendam, à quo nec  
 immunes esse possunt ipsimet officiales primarij  
 domus, quin iubente Archiepiscopo, aut eius  
 mandato Vicario ipso Generali ad quaecunque  
 loca etiam infima totius Diocesis promptè se con-  
 ferre, & missiones ad ea suscipere teneantur,  
 ijque praeterea singuli diligenter incumbant spi-  
 ritualibus exercitijs Congregationis quisque pro  
 suo munere, & si quem deficere aliquando, aut  
 negligenter se gerere Praepositus, & Vicarius do-  
 mus cognouerint, post primam admonitionem ad  
 Archiepiscopum puniendum deferant.
- 13 Missiones, quae praeipuum Congregationis  
 institutum concernunt Archiepiscopo, aut Vica-  
 rio Mediolani iubente promptè recipiantur,  
 praestenturque etiam Congregationis sumptibus,  
 tam pro itinere, quam pro necessario victu, ubi  
 Vicarius Generalis speciali mandato scriptis  
 exarato, ita expedire censuerit, iusseritque, fa-  
 cta postea Congregationi congrua compensatio-  
 ne ex fructibus Ecclesiae, ad cuius seruitium  
 Oblatus mittitur, ubi, & quando commodè fieri  
 poterit, volumus enim in primis, ut animarum  
 saluti omnino consulatur.

14 *Ecclesias, ad quas missi sunt absque opportuna eius, qui miserat facultate scriptis exarata, deserere ne audeant, nec etiam ut ad sua reuertantur, & ab inde in reditu testimonium afferant se in eomunere laudabiliter gessisse; si in hoc aliqui peccauerint, penas dabunt eiusdem arbitrio.*

15 *Eo obedientia voto, quod in perpetuum Ecclesia Mediolanen. seruitium ad animarum curam emittunt, Oblati admonentur, non licere eis aliena ministeria suscipere, quibus illud proprium possit impedire. Quare & Sancti Fundatoris institutionibus, & nostris Constitutionibus iamdiu cautum est Oblato licere quidem suo superiori voluntatem aperire cōfidenter in suis; non tamen sacros ordines suscipere, Doctoratus gradum consequi, ad Parochialis beneficii concursum accedere, nec aliud beneficium, quod residentiam personalem requirat acquirere, aut etiam Oblatum acceptare, nisi iubente Archiepiscopo.*

16 *Quae decreta beneficiale materiam concernentia innouantes declaramus ea etiam locum habere, si de una Parochia, aut beneficio cum residentia ad aliud transire quis voluerit, etiam si id fiat per resignationem, cessionem, dimissionem etiam sub titulo Coadiutoria cum futura successione, tam liberam, quam ad alterius fauorem, & ut aliud beneficium simile consequatur.*

- 17 *Uterius decernimus, ne quis Oblatus beneficium Parochiale, aut quod personalem requirat residentiam validè obtinere valeat, nisi per quinquennium à die Sacerdotij, & seruitij fuerit in Congregatione, & in cunctis muneribus sibi iniunctis laudabiliter se gessisse probauerit, exhibito testimonio scriptis exarato, quod in actu promissionis beneficij, aut concursus exhibeatur, ut de eo pariter fiat mentio in litteris promissionis, siue fiat ordinaria, siue Apostolica auctoritate, & aliter facta promissio, nisi ut supra, nulla, & irrita censeatur. Si autem Archiepiscopus pro maiori sua Ecclesie bono in aliquo horum dispensare voluerit, dispensatio fiat ex certa scientia, & motu proprio, ac in scriptis redacta sit, cuius etiam in promissione expressa fiat mentio cum derogatione in forma, sub eadem nullitatis, & inualiditatis pena.*
- 18 *Si quis iam promissus de beneficio cum onere residentie illud dimittere voluerit, ut ad mensam S. Sepulchri reuertatur, non admittatur, nisi cum speciali Archiepiscopi decreto in scriptis exarato, animaduertatque Praepositus, an id fiat, ut ad meliora beneficia viam sibi aperiat, quo in casu nedum is à petitis repellatur, sed etiam consulto Archiepiscopo, Oblati titulo, ac honore priuetur.*
- 19 *Ut autem, quæ de non promouendis ad titulū mensæ Congregationis, nisi modo, quo supra dictum*



etum est, & de beneficijs impetrandis, resignan-  
dis, aut aliter obtinendis superius, aut alias de-  
creta sunt, maiorem, aut perpetuam habeant  
firmitatem, optamus Apostolica auctoritate  
confirmari, mandamus propterea Preposito, &  
ijs omnibus officialibus, qui regimini presunt,  
ut intra sex menses litteras confirmationis à S.  
Sede Apostolica singulari diligentia impetrare  
curent, impetratasque nobis exhibeant perpetuò  
cõseruandas in Archiuo nostro Metropolitano.

20 Præterea decernimus, ut si quis aut ante con-  
firmationem, aut etiam post eam in aliquo ho-  
rum deliquerit, pro merito culpe puniatur etiam  
usque ad priuationem beneficij Congregationis,  
& ad restitutionem tantundem, quantum iniu-  
ste à mensa Sancti Sepulchri perceperit.

21 Ne quis ex Oblatis sue oblitus obligationis  
cui voto se adstrinxit inferuendi perpetuò Ec-  
clesiæ Mediolan. sub obedientia Reuerendissimi  
pro tempore Archiepiscopi, impune seruitium  
istud deferere audeat ad aliam transeundo Ec-  
clesiam, aut Diocesim, diligenti Vicarij nostri  
Curæ committimus, ut in hoc præcipuè inuigi-  
let, & si quem nouerit delinquentem, contra-  
eum, uti votifragum, agat, & si cognouerit Con-  
gregationem illius causâ ob victus impensâ ali-  
quod detrimentum sumpsisse, eundem condem-  
net ad damna, & interesse, & ad tanti solutio-  
nem cum cogat, communicato semper nobiscum

- toto negotio, antequam ad iudicalem deueniat sententiam; Præpositus verò, & monitor, si quæ id attentare prauiderint, (in quo singularem illorum providentiam requirimus) nos statim præmoneant; Sique in hoc Congregationis statuto Apostolica auctoritate opus esse cognouerint, ad firmitatem illius, cōfirmationem unà cū ceteris supra memoratis impetrare ne omittant, quo in casu certi sint nō posse à voto dispensari, nisi nostra, aut Summi Pontificis auctorit. scriptis exarata
- 22 Studeat Præpositus aliquos ex oblatis, quos ad perfectionis gradū progredi cognouerit, promovere, ut iuxta Congregationis institutū, a S. Fundatore Carolo adeò cōmendatum ultra obedientiæ votum, & aliud paupertatis, aut suorum bonorum cōmunicationis votum emittant, quos Archiepiscopus, nec per beneficiorū cū residētis onere collationem, & aliter ab eo instituto remouere studebit, nisi ubi cognouerit pro maiori, & Congregationis, & ipsiusmet profectu ita expedire.
- 23 Conuictorum viuendi ratio ubi iuxta institutum seruari potest ne omittatur, aut negligatur, & ubi intermissa in usum reuocetur. In Seminarijs autem, & Collegijs omnino instituatur pro rectorum Oblatorum, qui ibi degunt, educatione, in quo Præpositi singularem diligentiam requirimus.
- 24 Cōsortia consuetā, tā in Ciuitate, quā Diœcesi, præscripta ne omittantur, quibus Præpositus, aut eo impedito, Præfectus spiritualis Cōgregationis, aut

aut alius à Prapósito deputādus sēper inter sit, in  
 eisq; nedū Populi profectui, sed maxime ipsorū  
 met, quorū gratia celebrātur ōni studio incubant.  
 25 Instituta spiritalia, ad quae particulari ratione  
 Cōgregatio obligatur, tā in quotidiani victus ra-  
 tione, quā in diuinorū officiorū celebratione ser-  
 monibus, oratorijs, ceterisq; Ecclesiasticis, & Re-  
 ligiosis functionibus, vt accuratē opportunitis tem-  
 poribus, & cū decore praeſtetur, cura sit Praepositi,  
 & Monitoris domus, & eorū qui Cōgregationis  
 regimini praesunt, quorū cōscientiā oneramus no-  
 strā exonerātes, negligētes cōmoneant, cōtumaces  
 puniēdos ad Archiepiscopū deferant, & ipsimet  
 qui suo exēplo ceteros promouere debēt, aut ex of-  
 ficio tenentur, primi sint in obseruandis, ac con-  
 seruandis Congregationis Oblatorum SS. Am-  
 brosij, & Caroli institutis, regulis, ordinibus,  
 constitutionibus nobis, & successoribus nostris,  
 Deoque primitus reddituri rationem.

26 Quoniā cōuentus pro creandis nouis officialibus,  
 & alijs Cōgregationis negotijs peragendis de mo-  
 re fieri cōsuetus, occasione huius nostrae visitatio-  
 nis fuit ultra tempus praescriptum ex ordine no-  
 stro prorogatus, volumus ne ulterius differatur,  
 utq; in eo praeter cetera, quae ex praescripto cōstitu-  
 tionū fieri debēt hac nostra decreta promulgētur.

Dat. ex Palatio Archiepiscopali Mediolani  
 die Sabbati nono mensis Iulij 1622.

Sign. Federicus Card. Borromaeus Archiepi-  
 scopus Mediol. B 2 Die

Die Mercurij vigesimo quarto mensis  
Ianuarij anni 1624. mane.

**L**ecta fuerunt ad verbum alta, & intelligibili voce, & promulgata supradicta decreta per me Notarium infra scriptum, Coadiutorem Multum Reuerendi Domini Cancellarij Archiepiscopalis Mediolani in Congregatione Generali RR. Oblatorum, habita anno, & die supradictis in Oratorio sit. in domo dictæ Congregationis apud Ecclesiam Sancti Sepulchri Mediolani, coram Illustrissimo, & Reuerendissimo DD. Federico Cardinali Borromæo Archiepiscopo ibidem existens, & maximo numero RR. Oblatorum ad hæc generali monitione vocatorum.  
Et ita &c.

*Subscript. Io. Baptista Pelizzonus Coad. Sc.*

FEDE-

# FEDERICVS

13

Miseratione Diuina Tituli S. Mariae Angelorum S. R. E. Presbyter Card. Borromæus Sanctæ Eccl. Mediolan. Archiep.

**D**ILECTIS nobis in Christo RR. Præposito, Presbyteris, & Clericis Congregationis Oblatorum SS. Ambrosij, & Caroli Mediolani, omnibusque alijs, & singulis, quorum interest, intererit, aut interesse poterit quomodolibet in futurum, salutem in Domino. Noueritis litteras Apostolicas fel. rec. Sanctissimi in Christo Patris, & D. N. D. Gregorij Diuina Prouidentia Papæ XV. sanas siquidem, & integras, non vitiatas, non cancellatas, non abolitas, nec in aliqua earum parte suspectas, sed omni prorsus vitio, & suspitione carentes, vt ex eis prima facie apparebat, nobis hodie per Reu. Sacr. Th. Doct. D. Stephanum Bigattum Præpositum dictæ Congregationis Oblatorum coram Cancellario nostro Archiepiscopali, & testibus

bus infraſcriptis præſentatas, & per nos eà, qua decuit, reuerentià receptas fuiſſe huiusmodi ſub tenore videlicet. GREGORIVS Episcopus ſeruus ſeruatorum Dei Venerabili fratri Archiepiſcopo Mediolanen. ſalutem, & Apoſtolicam benediſtionem. Ad ſacram Beati Petri ſedem diuina diſponente clemētia in plenitudinem poteſtatis aſſumpti ad ea libenter intendimus quæ pro Congregationum quarumlibet præſertim Presbyterorum, & Clericorum ad vineæ Domini pretioſo eius cruore irrigatæ culturam aſſumptorum conſeruatiōe, & propagatione providē facta, & etiam cum pœnarum comminatione, ne quiuis per campum licentiæ deſposito fræno conſtitutionum iuſtis, & rationabilibus ex cauſis per ſanctos earum inſtitutores editarum, neruusque obſervantię in præiudiciũ Congregationum earundem quandoque auſu temerario violari contingat, ordinata fuiſſe dicuntur, illiſque vt firma perpetuò, & illibata perſiſtant, libenter cum à nobis petitur, Apoſtolici mandamus adiſci muniminis firmitatem, prout perſonarum rerum temporum, & locorum qualitate debite penſata conſpicimus in Domino ſalubriter expedire. Exhibita ſiquidem nobis pro parte dilecti filij moderni Præpoſiti Congregationis Presbyterorum, & Clericorum

rum Oblatorum nuncupatorum Mediolani  
 petitio continebat: quod aliàs dilectus filius  
 noster Federicus Tit. Sanctæ Mariæ Ange-  
 lorum in Thermis diocletianis Presbyter  
 Cardinalis Borromæus nuncupatus, Eccle-  
 siæ Mediolan. ex dispensatione Apostolica  
 Præsul, attentè perpendens; quod dudum S.  
 Carolus, tunc in humanis sanctam vitam,  
 agens Tit. Sanctæ Praxedis etiam Presbyter  
 Cardinalis Borromæus similiter nuncupa-  
 tus, ac eiusdem Ecclesiæ Mediolanen. ex si-  
 mili dispensatione Præsul pro sua insigni  
 pietate, & erga salutem animarum suæ curæ  
 commissarum charitate in Ciuitate Medio-  
 lan. vnam Congregationem Presbyterorū  
 & Clericorum nuncupatam, cuius professores  
 Archiepiscopo Mediolanen. pro tempore  
 existenti perpetuam obedientiam in om-  
 nibus ad Dei gloriam, & animarum salutem  
 procurandam spectantibus etiam ex voto,  
 non tamen solemni præstando, & ipso iubente  
 Archiepiscopo semper ad fidei rudimen-  
 ta tradenda, Christianam doctrinam expli-  
 candam, & propagandam, sacras lectiones  
 exercendas, concionandum, confessiones au-  
 diendas, aliaque Catholicæ Ecclesiæ Sacra-  
 menta ministranda; animarum curam sus-  
 cipiendam, & gerendam, Ecclesiasticas fun-  
 ctiones quaslibet, & cuiuslibet Ecclesiæ Me-  
 dio-



diolanen. exercendas, Clericorum educationem, & institutionem, Seminariorumque, & Collegiorum Piorum gubernationem ad missionis munus per Diœc. & in Rhetos fidei propagandæ causa rectè obeunda, ac ad omne charitatis, & misericordiæ officium piè accuratèque exercendum, parati esse deberent, vigore facultatis, & licentiæ sibi desuper à felicitis recordationis GREGORIO PP. XIII. prædecessore nostro ipsi attributę crexerat, & instituerat, ac inter alia statuta per eum pro felici statu, & prospera directione dictæ Congregationis de eadem licentia facta tria ediderat, & in illis inter cætera voluerat, & statuerat. <sup>a</sup> Quod nullus Oblatorum prædictorum huiusmodi voto deuinctus sub quocunque prætextu posset seruitium Congregationis, & perpetuam obedientiam pro tempore existenti Archiepiscopo Mediolanen. voto simplici, vt præfertur promissam deferere, & illa deserta ad alienam Diœc. se transferre. <sup>b</sup> Quodq; dicti Oblati habentes sufficiens patrimonium, vel beneficium iuxta constitutionem dicti prædecessoris desuper editam ad sacros ordines ad titulū mense dictæ Congregationis, non ordinarentur; <sup>c</sup> ac quod huiusmodi Oblati aliquod beneficium Ecclesiasticum, cui onus residentię annexum esset, minimè impetrare, vel recipere

<sup>a</sup> 1. Cap.

<sup>b</sup> 1. Cap.

<sup>c</sup> 3. Cap.

pere, nec similia beneficia obtinentes illa resignare, aut permutare possent, nonnullos verò ex gremio dictæ Congregationis à perpetua obedientia, & voto huiusmodi, tum ab ipsa Congregatione, & Diœc. Mediolan. recedendo, tum beneficia acceptando, vel renunciando deflexisse, ex eoque non solum charitatem refrigescere cæpisse, sed etiam, periculum imminere, ne status dictæ Congregationis cum ingenti iactura ministrorum, ac operariorum dictæ Ecclesiæ Mediolan. damnum pateretur: ideo præmissis incommodis quantum in se est, pro pastoralis officij sui sollicitudine opportunum aliquod remedium adhibere, ac progressiones aliorum adiuuare, & promoueri volens in visitatione dictæ Congregationis per eum anno proxime præterito facta inter alia statuit, & ordinauit. Quod si de cœtero aliqui Oblati duobus prioribus, ex tribus statutis suprascriptis, sine expressa Archiepiscopi Mediol. licentia contrauenire præsumpserint penam, suspensionis à diuinis incurrant eo ipso, ac tam ab huiusmodi pœna, quam à dicto voto obedientiæ solus Romanus Pontifex, seu Archiepiscopus Mediolan. pro tempore existens eos absolueri possit. Quo verò ad tertium statutum huiusmodi, quod omnes, & singulæ prouisiones, resignationes,

permutationes contra illius formam in eorum fauorem, ac per illos respectiuè imposterum faciendæ, ac etiam quæcunque coadiutoriæ cum onere residentiæ etiam in fauorem eorundem Oblatorum emanaturæ, nullæ sint ipso iure nisi in litteris Apostolicis desuper expediendis, quod ipsæ præfatæ Congregationi, ac præfato voto astricti sunt, specialis mentio facta, & eiusdem Congregationis statutis specialiter, & expresse derogatum fuerit. Cum autem sicut eadem petitio subiungebat, dicta tria statuta ex iustis, & rationabilibus causis per dictum S. Carolum facta, & pro eorum obseruatione, poenarum huiusmodi comminatio per ipsū Federicum Cardinalem, & Præsulem necessariò addita esse dignoscantur, proindeque dictus Præpositus plurimùm cupiat additionem, seu comminationem poenarum huiusmodi pro firmiori illius subsistentia, & obseruatione inuiolabiliter per nos, & Sedem Apostolicam de ipsius Federici Cardinalis consensu approbari, & confirmari. Quare, pro parte dicti Præpositi nobis fuit humiliter supplicatum quatenus poenarum additioni, & comminationi huiusmodi perpetuæ, & inuiolabilis Apostolicæ firmitatis robur adijcere, aliasque in præmissis opportunè providere de benignitate Apostolica digna-

dignaremur . Nos igitur qui personarum  
 quarumlibet præsertim studio piorum ope-  
 rum vacantium, votis libenter annuimus,  
 eaque fauoribus prosequimur opportunis;  
 ipsum Præpositum, ac præfatæ Congrega-  
 tionis singulares personas à quibusvis excō-  
 municationis, suspensionis, & interdicti,  
 alijsque Ecclesiasticis sententijs, censuris, &  
 pœnis à iure, vel ab homine quauis occasio-  
 ne, vel causa latis, si quibus quomodolibet  
 innodati existunt ad effectum præsentium  
 dumtaxat consequendum, harum serie ab-  
 soluentes, & absolutos fore censentes, nec nō  
 erectionis, & institutionis dictæ Congrega-  
 tionis, ac scripturarum præfatarum, & inde  
 sequutorum quorumcumque tenores etiam  
 veriores præsentibus pro expressis habentes  
 huiusmodi supplicationibus inclinati fra-  
 ternitati tuæ ex voto venerabilium fratrum  
 nostrorum S. R. E. Cardinalium, decretorum  
 Concilij Tridentini interpretum per Apo-  
 stolica scripta mandamus quatenus pœna-  
 rum additionem, seu comminationem hu-  
 iusmodi auctoritate nostra perpetuò appro-  
 bes, & confirmes illique perpetuæ, & inui-  
 olabilis Apostolicæ firmitatis robur adicias,  
 ac omnes, & singulos, tam iuris, quam facti,  
 ac quosvis aliàs etiam quantumvis substan-  
 tiales defectus si qui desuper quomodolibet

interuenerint, in eisdem suppleas, dictaque tria statuta ab omnibus, & singulis Presbyteris, & Clericis dictæ Congregationis (habita tamen ab eis illorum notitia) sub pœnis præfatis perpetuò, & inuiolabiliter obseruari, & adimpleri debere, ab illisque nullo vnquam tempore, sub quouis prætextu, colore, vel ingenio resiliari, vel recedi posse, sicque per quoscunque Iudices ordinarios, & delegatos etiam causarum Palatij Apostolici auditores, ac eiusdem S. Rom. Eccl. Cardinales etiam de latere Legatos, & Vicelegatos iudicari, & definiri debere, ac quicquid secus super his à quocunque quauis auctoritate scienter, vel ignoranter attentari contigerit irritum, & inane dicta auctoritate nostra decernas; non obstantibus præmissis, ac constitutionibus, & ordinationibus Apostolicis, nec non quatenus opus sit, & in aliquo obstent, dictæ Congregationis institutione, & erectione, & iuramento, confirmatione Apostolica, vel quauis firmitate, alia roboratis, statutis, & consuetudinibus, priuilegijs quoque indultis, & litteris Apostolicis in contrarium forsan quomodolibet concessis, approbatis, & innouatis. Quibus omnibus etiam si de illis eorumque totis tenoribus specialis, specifica, expressa, & indiuidua, ac de verbo ad verbum non autem  
per

per clausulas generales, idem importantes, mentio, seu quæuis alia expressio habenda, aut aliqua alia exquisita forma ad hoc seruanda foret illis aliàs in suo robore permanentibus hac vice dumtaxat specialiter, & expressè derogamus, cæterisque contrarijs quibuscunque. Dat. Romæ apud Sanctum Petrum anno Incarnationis Dominicę millesimo sexcētesimo vigesimo secundo, quinto Kal. Martij, Pontificatus nostri anno tertio. Post quarum quidem litterarum præsentationem, & receptionem nobis vt præmittitur factam; Nos volentes mandatum Apostolicum nobis in hac parte directum, reuerenter exequi, vt tenemur; idcirco auctoritate Apostolica nobis commissa, & qua fungimur in hac parte, & aliàs omni meliori modo &c. prædictarum pænarum additionem, seu comminationem perpetuò approbamus, & confirmamus, illique perpetuæ, & inuiolabilis Apostolicę firmitatis robur adijcimus, ac omnes, & singulos, tam iuris, quam facti, ac quosuis alios etiam, quantumuis substantiales defectus, si qui desuper quomodolibet interuenerunt, in eisdem supplemus, dictaque tria statuta ab omnibus, & singulis Presbyteris, & Clericis dictæ Congregationis, habita illorum notitia, sub pænis præfatis perpetuò, & inuiolabiliter

biliter obseruari, & adimpleri debere mandamus, ab illisque nullo vnquam tempore sub quouis prætextu, colore, vel ingenio resisti, & recedi posse, sicque per quoscunque Iudices ordinarios, & delegatos etiam causarum Palatii Apostolici auditores, ac eiusdem S. R. E. Cardinales etiam de latere Legatos, & Vicelegatos iudicari, & definiri debere, ac quicquid secus super his à quocunque quauis auctoritate scienter, vel ignoranter attentari contigerit, irritum, & inane, auctoritate Apostolica præfata decernimus non obstantibus Constitutionibus, & Ordinationibus Apostolicis, & alijs; quæ idem fel. record. Gregorius P. XV. in præinsertis litteris voluit non obstare. Quæ omnia, & singula, nec non prædictas litteras Apostolicas, & hanc nostram declarationem, approbationem, confirmationem, & iussionem, & omnia, & singula in eis contenta vobis omnibus, & singulis supradictis communiter, & diuissim intimamus, insinuamus, & notificamus, & ad vestrum, & cuiuslibet vestrum notitiam deducimus, & deduci volumus per præfentes; vosque nihilominus, & vestrum quemlibet requirimus, & monemus, ac vobis, & vestrum cuiuslibet in virtute sanctę obediëntiæ sub prædictis pænis districtè præcipiendo mandamus quatenus prædicta tria  
sta-



statuta perpetuò, & inuiolabiliter obseruetis, & adimpleatis. Quod si forte, quod absit, ea nō adimpleueritis, mādatisq; nostris huiusmodi, immo veriùs Apostolicis nō parueritis; nos in vos omnes, & singulos supradictos, qui in præmissis culpabiles fuerint, dictarum pænarum sententiam ex nunc prout ex tunc, & ex tunc, prout ex nunc ferimus in his scriptis, & promulgamus. In quorum fidem præsentem manu nostra signatas, & per infrascriptum Reu. D. Cancellarium nostrum Archiepiscopalem subscriptas, sigilloq; Archiepiscopali S. Ambrosij munitas fieri iussimus. Dat. & Act. Mediolani in ædibus nostris Archiepiscopalibus anno à Natiuitate Domini millesimo sexcentesimo vigesimo quarto indictione septima die Sabbati trigesimo mensis Decembris, Pontificatus Sanctissimi Domini Nostri Papæ Urbani Octauiani anno primo. Præsentibus Illust. & Adm. RR. DD. Alexandro Mazenta Archidiacono, & Hieronymo Septalio Poenitentiario maiori Metropolitanae nostræ Ecclesiæ testibus idoneis ad præmissa vocatis specialiter, & rogatis &c.

Federicus Card. Borromæus Archiepiscopus Mediol.

M. Ant. Vic. Gen.

*Ludonicus Barbanaria Can. Ord. & Cancell. Archiep.*



# MODVS

Et formula obeundi cum fructu Consortia  
Oblatorum in Diæcesi, & alibi.

Iussu Illustrissimi, ac Reuerendissimi

CARDINALIS ARCHIEPISCOPI  
edita.

*Caput Primum. De fine, et scopo Oblatorum Consortij.*

2. *Quid faciendū Oblato pro suo spirituali progressu.*
3. *Quid faciendum sit Oblato pro iuuandis populis.*
4. *Quæ officia præstanda ab Oblato erga fratres Consortij Infirmos, et defunctos.*

De scopo Oblatorum Consortij eiusq.  
officialibus.

Caput Primum.



Sacerdotis Oblati ea in primis cura esse debet ut secum attentè ac piè meditetur quā ob causam, quemuè ob finem sanctissimus parens, & auctor nostræ Congregationis Carolus hæc Consortia instituerit; hic enim præter Dei gloriam, & honorem, qui in illis potissimum spectandus est, nullus alius certè fuit quàm sui ipsius spiritualis progressus, tum salus proximorum. Quapropter ex Consortio segetem ac materiam hauri-

re debet ut quotidie seipsum in studio virtutum, deinde in salute, & auxilio proximorum impendat; qui enim sibi ipsi bonus non est quomodo alijs bonus esse poterit? nec pro cura aliorum nostram negligenda est; alioquin quid prodest homini, si vniuersum mundum lucretur, animæ verò suæ detrimentum patiatur? Cum verò magnus sit prouentus, & lucrum, quod ex his Consortijs speratur, quò frequentiora erunt, eò maior gloria ad Deum Opt. Max. & vberius spirituale beneficium ad ipsosmet Oblatos, & ad populos deriuabit. Quapropter in singulis regionibus huius amplissimæ Diocesis optimum erit ter aut quater quotannis hæc Consortia, & conuentus obire ijs temporibus quæ opportuniora non tam ipsis Oblatis, quàm populis censentur, quò vberior, & copiosior inde fructuum seges colligatur. In quo illud animaduertetur, ne successiue in eodẽ loco duo fiant consortia etiam si duo Oblati ibi morentur, nec in locis contigujs, nec tempore messium cū populi impediri adesse non ita commodè possunt; id enim non solum proderit, ut ipsa Consortiorū actio maiori in precio, atq; existimatione habeatur, sed etiam ut maiori commoditate hoc beneficio fruatur populi maximè ob confessiones, cum eo tempore quilibet Confessarium pro suo arbitratu eligere possit; ad id verò si fieri possit, deligetur præcipuè dies aliquis qui peculiari aliquo religionis cultu vel ex voto velle consuetudine apud eos populos vbi Consortia obeunda erunt, celebretur.

Tres Officiales singulis Consortijs præsidebunt. Vnus nomine Præpositi; alter Præfetti spiritualis qui duo ab Illustrissimo Archiepiscopo eliguntur, & Cancellarius

rius quia Præposito Consortij deligitur.

Dabit operam Præpositus Generalis Congregationis ut singulis Consortijs intersit, ac præsit; quam ob causâ ita hæc Consortia in tota Diœcesi sic diuidentur, ut vnû quodq; Consortium præsentia Præpositi Generalis frui possit; nec vnum alteri impedimento sit; Præpositi autem Consortij munus erit cum sic opportunè in tẽpore admonere ut præsens adesse possit cum eius præsentia in huiusmodi functionis genere opportuna maximè sit, ac necessaria.

Iuxta præscriptum nostrarum Constitutionum Præpositus Generalis personalem obibit visitationem eius Oblati in cuius domo habendum erit Consortium, ac præterea inquireret quomodo cœteri Oblati in sua quisq; vocatione progrediatur.

Si aliquod impedimẽtũ occurrerit Præposito Generali quominus actioni Consortij interesse possit curabit saltẽ aliquem ex Oblatis maturiorem, grauioremq; mittere, qui ante diem Consortij ad locũ se transferat vbi habendum erit Consortiũ, & cum eo vnâ Præpositus Consortij, & Præfectus spiritualis adesse curẽt, ut edoceri seorsim possint de statu, & conditione eorum qui ad consortiũ erunt conuenturi; si quid emendatu dignum in illis repperit, amanter corrigeret, suo exemplo, & ardenti cohortatione vnumquemq; ad spirituales sui progressum inflammare studebit, & cãdidum illum, sincerũq; affectum qui inter filios ab eadem matre genitos esse debet, erga illos ostendet, & quomodo Congregationis regulæ obseruentur, inquireret.

Cum Præpositus Generalis Consortio non aderit Præpositi Consortij munus erit hæc omnia supradicta accura-

tè exequi, curareq; vt omnia tam in Ecclesia pro adiumento populi, quam intra priuatos parietes in domestico ipsorum Oblatorum cœtu ritè peragantur, constitutamq; pragmatica in vltu regulam curer exactè obseruari; & qui eius limites excesserint, multabit sex aureis, qui statim apud Præfectum spiritualem deponantur, vt in vsum pium prout Præpositus Generalis censuerit, impendantur. Quod si in hac pragmatica talem adhuc Consortij Præpositus excessum notaret, vt maiori remedio atq; auctoritate opus esse videretur, statim id Præposito Generali denunciaret, quò fratri, emendationi opportunioribus remedijs possit prouideri.

Præpositus Consortij primus Consortium celebret in ædibus suis, tum cœteri iuxta antianitatis, vt vocant, gradum, donec vnusquisq; illud in ædibus suis obuiet, tunc circulus à Præposito reperatur.

Præfecto spiriuali hæc cura incumbet vt Consortio meditationis puncta proponat, & fratres Consortij in ijs quæ ad spiritualis vitæ perfectionem spectant, quantum fieri potest, iuuet; audienda nimirum illius confessione interrogando de salutaribus illius progressionibus in exercitio orationis mētalis, examine consciētiae, & ceterum virtutum studio, quæ maximè in Oblato clucescere debent, & vbi ipse videat non posse opportunam fratri opem ferre Præpositum Consortij ante ipsum Consortium cōmonefaciat, vt is tempore Consortij manum pro salute fratri procuranda possit apponere.

Cancellarij porro officium erit notare in libro Consortia quæ fiant, locum in quo fiant, numerum Oblatorum qui

5

qui interfuerint, & qui abfuerint, excufationem illorū  
abfentia, qui sermones habuerint, quod argumentum  
tractauerint; quot animarum Penitentia, & Euchar-  
iftia Sacramenta in ipfo Confortio fumpferint, & om-  
nia demum quæ in illo proponuntur, & decernuntur,  
diligenter libro adfcribere.

Verum cū Præpofitus Generalis Confortio non inter-  
fuerit præter librum etiam in folio fupradicta omnia di-  
ligenter adnotabit, illudq; nomine fuo confignatum  
Præpofito Confortij tradet, mittendum ad Præpofitum  
Generalem, vt is videre poffit quomodo tranfactum  
fuerit Confortiū. Poftquā vero vnufq; partes fuas  
impleuerit antequam nouus Confortiorum circulus  
repetatur, prædictum librum à fe fubfcriptum mitret  
ad Præpofitum Generalem, vt in archiuio S. Sepulchri  
afferuatur.

## De his quæ facienda funt Oblato ob fpiri- tualem fuū progrefsum. Caput II.



VM igitur horum Confortiorum talis  
fit finis ac fcopus qui fupra dictus eft, ma-  
gno ardore animi, & incenfo ftudio ad ea  
Oblati conuenire debebunt, vt inde co-  
piofiozem, vberiozemq; fructus legerent  
ad animæ fuę falutem referre poffint.

Illud autem ardentius facient, quò maiori in pretio fun-  
ctionem hanc noſtræ Congregationis præcipuam ha-  
bebunt. Per magni fanè refert vt Oblati hoc ardore  
animi, & incenfo ftudio fpiritalis fui ipſius profectus  
ad hæc Confortia conueniant, quippe hac veluti opti-

ma



ma preparatione ac dispositione viâ sibi munient ad id quod salutariter cupiunt, facilius à Deo impetrandum. Hęc porro cupiditas, & incensum animi studium in eo maximè spectabitur si promptè, & alacriter ad hęc Consortia conueniet posthabito omni alio negotio, contemptaq; itineris longitudine, vię difficultate, temporumq; incommoditate; qui enim serio, & efficaciter aliquid cupit nihil illi arduum, & laboriosum videtur, vt sui desiderij compos efficiatur. Animaduertendū tamen erit, vt iam diximus ne festis ac solemnibus diebus huiusmodi habeantur Consortia, ne Oblatis detur occasio curæ Ecclesiarum suarum deferendæ, nec etiā die festo præcipuo loci illius in quo Consortium obeundum est. Eadem quoq; alacriter spectabitur si functionem quæ illi iniuncta fuerit, vt potè concionandi vel quid aliud muneris obeundi, quam accuratissimè poterit, exequi studebit, quo scilicet maior in Deum gloria, & vberius ad populos adiumentum proueniat. Quia mane Consortium fiet collectam in Missa de Spiritu Sancto adiunget, vt scilicet donorum suorum copia actionem illam prosequi dignetur.

Attente libri lectionem audiet quæ eo die ad quamdiu refectionis tempus durabit, legetur, & requisitus à Præposito quid ad spiritualem sui vtilitatem collegerit ex ea lectione, nudè ac simpliciter explicabit.

Refectione absoluta vbi in locum remotiorem omnes Oblati Consortij secesserint, vel in eo ipso loco, nisi sit alius commodior, vbi refectionem sumpserint, priuata fiet Congregatio præmissa prius oratione de more ad implorandum diuinum auxilium à Præposito Consortij si ferè absit Præpositus Generalis: Tum Cancellarius

rius nomina Oblatorum illius Consortij leget adnotatis prius libro, & qui præsentés adfuerint, & qui abfuerint cum excufatione illorum. Caput aliquod seu pars regularum Congregationis legetur, tum Præpositus à duobus vel tribus aliquid circa illarum intelligentiam, & obseruationem exquiret, atq; eodem modo meditationis puncta conferentur.

In hac Congregatione sincero charitatis affectu Confratres admonere debet Præpositus si quid in illis dignum repererit correctione vel reprehensione; quod si talis esset culpa, quam publicè notam omnibus esse non expediret, hoc charitatis officio seorsim cum eo fungatur præfente tamen Patre spirituali. Frater autem sic admonitus multa cum animi humilitate, ac modestia correctionem accipiet, & ex ea fructum percipere studebit.

Eodem porro mutuo charitatis sinceritatisq; affectu segerent cæteri omnes, animæ suæ latebras omnes ac sinus explicabunt, multaq; cum simplicitate suas spirituales necessitates exponunt; paternas, fraternasq; admonitiones magna cum alacritate ac studio illas exequendi suscipient.

Dabit operam Præpositus ut singuli Oblati, et fratres sui Consortij quotannis spiritualibus exercitijs vacent, & generalem peccatorum suorum confessionem salutariter obeant iuxta præscriptum nostrarum Constitutionum; quod si ad id commodam loci facultatem non habuerint sciant domum Sancti Sepulchri fore illis semper apertam; dum modo seiplos distribuunt tres aut quattuor alternis vicibus, et aliquem interim idoneum Sacerdotum curæ animarum suarum præficient; cæterum

rūm in domo S. Sepulchri Pater spiritualis non deerit, qui promptè, & amanter eorum studio satisfaciât. Nec illud omittet Præpositus, vt in singulis Consortijs breui aliqua cohortatione ad perfectam regularum Congregationis obseruationem, salutesq; vitæ, & Ecclesiasticæ disciplinæ progressionem excitet, atque inflamment.

Si quid pro spirituali aliqua necessitate consulendum occurrerit, in medium illud proponet Præpositus, vt omnes quidquid expedire censuerint, liberè exponant.

Spiritualis Præfecti erit breuiter, & succinctè futuræ meditationis puncta proponere. Decernetur deinde locus & dies futuri consortij admonitis ijs quibus erunt sermones habendi qui tres esse debebunt maximè vbi maior populi frequentia propter oppidi amplitudinē esse solet. Vnus mane quo tempore numerosior populus conuenire solet, duo verò à prandio, themata, & materiæ sermonum habendorum ex proponuntur, quæ loci, vbi obeundum erit consortium, necessitati opportuniore videbuntur, imbecilliores iungendo cū melioribus, & in oppidis celebrioribus ij sermonem facere iubeantur, qui magis concionandi facultate præstant; verum sermones semihoræ spatium non excedant, & vnusquisque partes suas alternis vicibus exequatur.

Cum proximum erit tempus obeundi Consortij, Præpositi cura erit per litteras iterum omnes fratres de loco ac die Consortio constitutis, commonere vt conuenire promptè, & opportunè possint.

Peracta Congregatione cui finis imponetur oratione solita in fine Congregationis omnes vnà in Ecclesiam ibunt

ibunt ad audiēdos sermones, qui habebuntur, nec alie  
num erit vbi commoditas adsit ad excitandam magis  
populorum pietatem aliquid musici cantus adhibere;  
& si opus etiam fuerit cōfessiones audire, tres aut quat-  
tuor à Præposito deligentur, qui audiendis cōfessio-  
nibus eo tempore populorum studio satisfaciant.

Quamuis portò non exiguum sit pœnitentiæ genus illis,  
qui vtrò ac sponte negligunt ad hæc consortia conue-  
nire priuari tot spiritualibus bonis, quæ ex his spiritua-  
libus congressibus percipi possunt; qua quidem ne-  
gligentia ostendunt se penitus spiritum, ac mentem ve-  
ri Oblati exuisse, & terga suæ matri, quæ est Congrega-  
tio postquam ab ea benignè excepti votorum suorum  
compotes euaserunt, sciant etiam adhuc tam euidenti  
culpæ consultum fuisse sequenti decreto quod erga in-  
corrigibiles executioni mandabitur.

Qui Consortio interesse neglexerit actiua voce in nomi-  
nando electo, qui vnà cum Præposito ad generalem  
congregationem conuenire solet, priuetur, tum si ad-  
monitus non resipiscat, Illustris. ac Reuerendis. Ar-  
chiepiscopo denunciatur.

Quid faciendum sit Oblato pro salute ani-  
marum promouenda, iuuandisq;  
populis.

### Caput tertium.

**I**am verò cum apertè pateat quanta soleat esse popu-  
li qui ad hæc consortia confluit, multitudo ac fre-  
quentia

quentia inuitante illos, & alliciente non modò Indulgentiæ Plenariæ thesauro, quam commoditate deponendi apud multos Confessarios peccatorum suorum sarcinas; cumq; ingens sit fructus, qui ex his confortijs ad Dei gloriam solet existere; Sacerdos Oblatus in cuius ædibus indictum fuerit consortium id singularis beneficii loco reputare debebit, quod sibi, & gregi suo fiat; quapropter in eam curam incumbet, vt quæ ad ipsum consortium ritè ac fructuose peragendum necessaria esse præviderit, sedulò ac diligenter comparet. Coeteri verò hoc studio, & cupiditate iuuandarum animarum incensi quò tempestiuus ac maturius ad ipsum consortium conuenient, eò magis operam suam, & laborem, ad salutem animarum impendere poterunt, idq; eo ardentius facient, si hoc apud animum suum statuerint, quam alacritatem, et diligentiam singuli in procuranda, & promouenda salute animarum suorum fratrum collocauerint, eandem sibi vicissim in suarum adiumentum reddendam fore, præter etiam proprium lucrum, quod quisq; ex hoc mutuo charitatis officio percipiet.

Octo dies saltem ante Consortij constitutam diem, Plenariæ Indulgentiæ exemplar ad proximos sibi curatores animarum mittet, vt eam suis populis enuntient, hortenturq; illos, ne tam præclaram occasionem sibi diuinitus missam sinant è manibus frustra elabi, dentq; in primis operam, vt animum suum à peccatorum suorum sordibus ritè expurgent, & liberè, ac nudè suos morbos, & vulnera patefaciant Confessarijs, à quibus non agnoscuntur. Idem ille cum suo populo præstabit.

Quinq;

11

Quinq, vel sex Confessionalia prout multitudo, & frequentia populi tulerit ad fœminarum confessiones audiendas construenda curabit, quę iuxta formam, præscriptumq; ritè sint accommodata, benèq; firma, ac stabilia.

Tres aut quattuor Sacerdotes Oblatos viciniore invitabit, qui biduo, vel triduo ante Consortium confessionibus audiendis vacent, ut dies consortij pro confessionibus populi confluentis excipiendis expeditior esse possit; quod charitatis, & officij genus mutuum inter ipsos Oblatos esse debet. Præpositus Consortij diè ipsum ante veniet, ut suam operam maximè opportunam ac necessariam pro facultate casuum reservatorum audiendis confessionibus possit impendere.

Nonnulla etiam sedilia pro excipiendis hominum confessionibus certis locis debito intervallo inter se remotis, & ubi minima sit tumultus vel strepitus occasio collocabit.

Aderit quoq; Sacerdos propriè delectus ad Sanctiss. Eucharistię Sacramentum administrandum, & Clericus cum interitiis accensis, & alijs, quę ad hanc actionem ritè ac decenter obeundam requiruntur; cureturq; ut mares à feminis seorsim ad sacram mensam accedant, & alia observentur, quę pro recta ac decenti in Ecclesiis conversatione præscripta sunt; quem ad finem aliquę personę maturę ac pię deligentur, qui hanc curam suscipiant, ut omnia quantum fieri possit, ordinatim peragantur, nec vlla scandali occasio oriatur.

Abstituto Consortio unusquisq; domum suam se recipiat, ne Oblati sumptibus grauentur; nisi forte ea esset penitentium multitudo, ut necessarium iudicaretur ali-

quot ibi supersedere, quo ipsorum pœnitentium studio ac necessitati satisfaceret; ad quod Præpositis Confortij aliquos deliget ex vicinioribus, qui ibi morentur dummodo eadem omnino disciplina, & pragmaticæ ratio in victu seruetur, ut scilicet quò minor fuerit sumptus, eò maior sit commoditas in salutem animarum incumbendi.

Semper, & ubiq; Sacerdos Oblatus bono sui exemplo prælucere debet, nec se degenerem filium à tot Sanctissimis Archiepiscopis in hac præsertim functione ostendere; id autem maximè faciet si decenti habitu, & compositione totius corporis modesta ad ipsum Consortium convenire curabit, & ita in cæteris actionibus modestiam animi gravitatemq; præferat, ut cæteris Ecclesiasticis, ac populis bonæ ædificationi esse possit.

Quam etiam ob causam nullus secum famulum proprium ducet, qui sibi inserviat, sed eius ministerio, & famulatu contentus erit, qui ab Oblato in cuius edibus sit consortium deputabitur; id enim non tam ad tollendam ipsi Oblato maioris sumptus occasionem proderit, quam ad Sanctæ humilitatis, & modestiæ significationem exhibendam; quas quidem virtutes nostræ Congregationis filii enixè amplecti debent sicuti etiam passim in nostris constitutionibus à Sanctiss. Parente Carolo in primis præcipiuntur, & commendantur.



13

Quæ officia præstanda sint ab Oblatis  
Consortij erga infirmos fratres, &  
defunctos.

Caput quartum.



Um primùm quis Oblatus Consortij in  
morbum inciderit, de eo statim proxi-  
miorẽ fratrem commonefaciet; qui  
quidem ad eum inuisendum toto animi  
affectu accurret, & erga illum ea chari-  
tatis officia tam spiritualia, quàm cor-  
poralia præstare studebit, quæ mutua inter filios eiusdẽ  
matris beneuolentia, sinceritatisq; affectus postulat.  
Si verò morbus ingrauescat, & periculosior fiat, com-  
moneri debebũt Præpositus Generalis Sancti Sepulchri,  
nec non Præpositus Consortij & Præfectus spiritualis,  
qui pro suo studio & charitate ad infirmum consolan-  
dum venient, cumq; in extremo illo periculo iuuan-  
dum, vt si á Deo fratrem vocari contigerit, sancta, &  
exemplari morte ad ædificationem populorum diem  
vltimum obire possit. Hoc autem omnino ad proxim  
reuocandum est, siquidem hoc mutuum charitatis vin-  
culum, & colligatio quæ inter Oblatos debet esse, quan-  
tam vim habeat, in hoc potissimum vitæ exitu spectari  
debet.

Vbi ex hac vita migrauerit Oblatus, statim de illius obitu  
certior fiet Præpositus Generalis, vt statim cæteri Obla-  
ti admoneri possint de officijs, quæ erga defunctum fra-  
trem præstare debebunt, inter quæ maximum ac præci-  
puum.

puum est Missæ sacrificium à singulis pro anima defuncti fratris persoluendum. Id autem fideliter, & exactè præstabunt, hoc apud animum suum reputantes sibi quoq; aliquando moriendum esse, & quam charitatem erga alios adhibuerint, erga se quoq; adhibendam fore.

Præter hæc in singulis quæ fient consortijs, ubi Missam celebrauerit Præpositus Consortij, solemnis fiet commemoratio defunctorum Oblatorum Consortij, idq; duobus Præposito assistentibus pulla veste indutis in medio Ecclesiæ cum strato nigro, & alijs ad similem functionem requisitis. Adiungetur quoq; Oratio pro animabus defunctorum illius oppidi in quo Consortium habebitur.

Quare in singulis Consortijs erit Oblatus quasi Magister cæremoniarum cuius cura sit, ut Missæ præcipuè ordinatim mane celebrentur habita ratione commoditatis populorum, cæteraq; ritè ac decorè peragantur.



